





PPA 623





CONCILIUM
LATERANENSE
STEPHANI III
A. DCCLXIX

*Nunc primum in lucem editum ex antiquissimo Codice
Veronensi Ms. nongentorum annorum*

ET DICATUM
SANCTISSIMO DOMINO NOSTRO
CLEMENTI XII
PONT. OPT. MAX.

opera, & studio
CAJETANI CENNI +



ROMAE
EX TYPOGRAPHIA VATICANA
M DCC XXXV

Superiorum Facultate.

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO



SANCTISSIME PATER



ANCTITATEM TUAM, Christi Vicari, Princepsque humani generis, quam potiori consilio tacitus adorarem, coram alloqui non vereor, nec erubescō. Timorem quippe eripuit, quam præsers ipso nomine, Clementia, pudorem felicitas rei, quam Tuos ad Sanctissimos Pedes provolutus ab Apostolica ista Tua Sede iubeor referre. Divinitus eductum est, SANCTISSIME PATER, ex immensa vetustatis caligine Concilium Patriarchale, quod ante annos nongentos quatuor, & septuaginta Prædecessor Tuus Stephanus III. in Lateranensi Basilica celebravit.

* 2

Fß-

Esque. educulum, Te Pontifice, ut, qui tanquam Summus Princeps, præter mariimam Apostolica Ditionis partem, magnificis instructam ædificiis, ac munificentissime instauratam Urbem, innumeris potestatis Consularis, atque Imperatoria Majestatis monumentis arcem Capitolinam decorasti; novo Supremæ Potestatis documento Apostolicam Sedem, tanquam Divi Petri Successor, Pontifex Maximus, ac Religionis interpres, adversus novarum rerum cupidos roborares.

Præstantissimum hoc monumentum, tametsi non integrum ab injuria temporum evasis, nam primam tantum Concilii partem, eamque male habitam præsefert; luculentissime tamen probat obedientiam, & subjectionem Gallicanorum Præsulum Successoribus Divi Petri, atque originem creandi Archiepiscopos, ut nostra ætate fit, per Sacri Pallii traditionem; quæ res paulo secus audit apud Scriptores externos,strarum, suarumque rerum silentio per medium ævum, deceptos: utrumque autem testatur non commentariis, sed factis. Præterea quadraginta Episcopos Italia Sedibus, Gallieque duodecim, ante hunc diem aut penitus ignotos, aut non recte cognitos, reddit. Quare brevem de eodem Concilio Dissertationem confeci, magis ut memoria repeterem prisca tempora, quam ut monumenti luci clarissima, meo ingenio, quod semio quam fit exiguum, splendorem adjungere conatus sim.

Hanc

DEDICATORIA.

Y

Hanc, SANCTISSIME PATER, una cum Concilio ad Tuam Beatitudinis Pedes mecum attuli; quamquam intelligo, quam dispar sit utriusque conditio. Concilium siquidem Tibi uni, tanquam Universalis Ecclesiae Capiti, atque ejus Depositi sequestri, cujus idem pars est, subjiciendum, suo jure ad Te venit. At tenuissimi mei labor ingenti nullo alio nomine ad tantæ Dignitatis fastigium accedit, præter conceptam de maxima Tua Clementia spem, qua vel infimæ plebis vocem, & scripta non dedignaris. Cui profecto ipsa Tua Sanctitas incrementum dedit, quum cœlestis Tui animi judicium non improbaris, quæ de unius & triginta Tuorum Prædecessorum rebus gestis in quarto Tomo Anastasii Bibliothecarii Chronologice digesseram, unde etiam cæpi alacriori persequi industria reliquorum Anastasii Pontificum historiam: Mibi enim visus es, BEATISSIME CLEMENS, præscribere, ut pergerem studium, ingeniumque omne in Sanctæ Sedis obsequium impendere, ab ea nullatenus via deflectens, quam mihi semper cum lacrymis nominandus integerrimus Præsul Franciscus Blanchinus Veronensis aperuit.

Quamobrem, SANCTISSIME PATER, quum sim pollicitus in quarto Tomo, Concilium Stephani III. in lucem edere, ne pretiosum adeo monumentum desideretur usque ad quinti editionem, fidei præstitæ deesse nolui, & ne penitus in-

ornatum prodiret, præfatam Dissertationem adjeci
 Tuis sub Sanctissimis auspiciis : fore enim confi-
 do, ut partem summæ rei Pontificiæ non reji-
 cias, qui tantam meis studiis alacritatem, de
 summa ipsa iudicium ferendo, addidisti. Ita-
 que ad eorundem Sanctitatis Tux Pedum oscu-
 la inclinatus, annuentis illius vocem, & juxta
 perennis Benedictionis largitionem expecto, dum
 interim, quod humana conditio non potest, divi-
 nitus, Pater Optime, Maxime, faustum Tibi,
 & diuturnum Catholica Ecclesiæ regimen votis
 omnibus precor.

S. T.

Humill. Obsequentijs. Addictiss. Serv.
 Cajetanus Cennius.

I M-

Si videbitur Reverendis, Patri Sacri Palatii Apostolici Magistro.

N. Episc. Bojan. Viceger.

A P P R O B A T I O N E S

Quæ fuerint Provinciæ cum Civiles, tum Ecclesiasticæ Galliarum, & Italiæ, quæ Sedes Episcoporum Franciæ, Tusciæ, Campaniæ, atque Provinciæ Italiæ, qui denique earumdem Episcopum, qui Concilio Lateranensi Stephani Pape III. anno reparatæ salutis DCC LXVIII. interfuisse, præclarum hoc sacræ antiquitatis monumentum, nunc primum publici juris factum, atque selecta eruditione illustratum a doctissimo Viro Cajetano Cennio Presbytero Piætorienfis Eminentiss., ac Reverendis. Domini D. LUDOVICI BELUGA S. R. E. Presbyteri Cardinalis S. Priscæ, Protectoris Hispaniarum &c. Bibliothecario, de nupera Vaticana editione Anastasii De Vitis Romanorum Pontificum ob Chronologiam Cæsaream Pontificiam, & Notas Chronologicas optime semper merito, cuique palam facit, & abunde testatur. Integram laudati Concilii historiam, una cum nominibus ac numero Episcoporum, qui ex Francia, & Italia convenire, hæcenus a peritis omnibus desideratam, tentatam ab aliis, sed summis, ut ajunt labiis tantummodo delibatam ipse primus omnium eduxit ex insigni Codice Amplissimi Capituli Veronensis, quem ea, qua pollet sagacitate in evolvendis antiquitatis Ecclesiasticæ tabulariis mihi perhumaniter exseripsit, & dono dedit Bartholomæus Campagnola Archipresbyter Sanctæ Cæciliæ, & Cancellarius Capitularis, curante Doctissimo, acque Illustrissimo Comite Otrolino Otrolini, multimoda eruditione, tum Sacra, tum prophana in Urbe notissimo, ac viris dignitate præstantissimis apprime caro. Igitur demandante Reverendissimo Patre Joanne Benedicto Zuanelli Sacri Palatii Apostolici Magistro, Opus hoc attente, atque jucunde perlegi; nihilque in eo comperi, quod Fidei, aut bonis moribus adverfetur, plurima vero, quæ subordinationem Gallicanorum Præfulum Sanctæ Sedi clare demonstrant. Quare Typis mandari utilissimum fore censeo, si ita P. S. Reverendissimæ visum fuerit. Dabam ex Ædibus Vallicellanis III. Id. Decembris 1735.

Ego Joseph Blanchinus Presbyter Congregationis Oratoril.

Man-

M Andatis obtemperans Reverendissimi P. Joannis Benedicti Zuanelli Sacri Apostolici Palatii Magistri attente, & jucunde perlegi Dissertationem de Concilio Lateranensi multa cum eruditione elaboratam a V. Cl. Cajetano Cennio Presbytero Pistoriensi &c. simulque Præfationem, seu Commentarium prævium eidem Concilio, quod idem Autor nunc primum publicæ lucis facit; neque invenit quicquam Regulis Fidei, ac morum dittonum. Quare cenleo Typis mandari posse, ad Ecclesiasticæ eruditionis utilitatem, nisi aliter videatur P. S. Reverendissimæ. Ex Ædibus Eminentissimi, ac Reverendissimi Domini mei pridie Idus Decembris 1735.

*Cosmus Torettus Eminentiss. ac Reverendiss. D. Card. Belluga
Auditor, & Accademia Theologica Censor.*

IMPRIMATUR.

Fr. Jo. Benedictus Zuanelli Ord. Prædic. Sacri Palatii Apostolici Magister.

P R Æ F A T I O.

Et Commentarius prævius in Concilium Lateranense.

INter plurimas, singularesque insignis Bibliothecæ Capitularis Veronenfis laudes, constanti eruditorum testimonio celebres, perpetuæ memoriæ Præful Franciscus Blanchinus eam jure numerat, quæ privatam Amplissimi Capituli possessoris gloriam attingit. Postquam enim docuit, vix ullam Sedem Episcopalem esse in tota Italia, finitimisque regionibus, quæ tot scriptos veteres Codices ab nono ante nos seculo custoditos ostendat in suis pluteis, in ipsos Custodes Diplomaticæ semper rei scientissimos ex eodem Collegio Capitulari electos meritis laudes effundit; Ii quippe ex tanto, quem custodiunt thesaurorum, maxima Ecclesiasticæ historiæ enolumentâ omni tempore attulerunt. Horum ille plures enumerat, faciens initium a bibliothecæ ejus suppellectilis fundatore, seu potius amplificatore Pacifico Archidiacono, qui supremum obiit diem anno Christi 856. Lothario Imperatore: verique ut admodum simile mihi videtur, Concilium hoc Lateranense, quod ex celebri ea Bibliotheca nunc primum in lucem prodit, Archidiacono illi Pacifico refertur acceptum; nam testatur V. C. Bartholomæus Campagnola Archipresbyter S. Cæcilie, & Cancellarius Capitularis, quod Codici est adnexum, in quo Concilium Ephesinum, & epistolæ ad id spectantes continentur, diversi quidem Scriptoris manu exaratum, at non minus antiqua ea, quam refert Codex, seculi nimirum noni. De præstantissimo eodem Cancellario dixi alibi, quid præcipue senserint æqui eruditorum æstimatores VV. CC. laudatus Præful, & Ludovicus Antonius Muratorius Sereniss. Ducis Mutinensis Bibliothecæ Præfectus, neque enim tantum mihi tribuo, ut præclaro ejus nomini ullum addi posse incrementum putem meo suffragio. Ad ipsum vero Concilium quod spectat, silentio præterire non possum duos singulari eruditione ornatissimos cives Veronenses, quorum beneficio tantæ vetustatis monumento utimur: nempe nobilissimum Comitum Ottolinum Ottolini generis claritate, doctrinæ Theologicæ, atque multimodæ eruditionis præstantia Literatorum.

* *

Recip.

L.
Invenio Concilium
Lateranense.

Anst. 101. 36
Proleg. pag. 349

Anst. 101. 44
Pag. 354

Reip. notissimo, ac fama nominis celeberrimo; necnon Patrem Josephum Blanchinum Congregationis Oratorii Presbyterum, Virum in urbe omnibus spectatissimum, cujus laudibus parcere jussus cogor, ne Censoris mei integerrimam fidem, sin minus violare, saltem verborum lenociniis sollicitare videar. Hujus autem singulari erga me benevolentiae monumentum hoc acceptum refero: quippe idem rediens in illius memoriam visi olim insigni in ea Bibliotheca, cujus Praefectus erat, dum amplissimo Capitulo Veronensi accensebatur; a laudato Comite Ottolinio impetratum dono mihi dedit. Suae etiam partes descriptori V. C. Bartholomæo Campagnolæ debentur; illius siquidem studio, & opera nos (qui rem Pontificiam ab utroque Blanchino adeo illustratam vidimus tot Bibliothecæ Veronensis Codicibus tum editis, tum ineditis) modo utimur tam præclaro monumento, ut æquus quisque æstimator fateatur necesse erit.

II.
Ocasio scri-
bendi de Consi-
lio Laterani.

Anast. tom. 4.
Pag. 254.

Optandum sane erat a Deo Optimo Maximo, ut gloria Apostolicæ Sedis documentum integrum proferretur; modicæ tamen partis, quam edaci eripuit temporis bene de eadem meritis Campagnola, quanta futura esset æstimatio apud eruditos intellexi, quumprimum Junio mense hujus anni dono, ut agebam, acceptum carptim oculis usurpavi. deinde semel, iterum, tertio relegens, novum semper, semperque magnum inveni. Quare non potui, quin subjungerem Notis Chronologicis Pauli I. quas prælo mandabam, thesauri inventi notitiam; promitteremque anxietati publicæ eruditorum, fore ut propediem iis facerem ejusdem copiam, ne quintum Anastasianæ editiois tommum, quo pertinet, manere cogerentur. Et sane, ubi primum per meas occupationes licuit, iteti promissis, & quas ibidem Noras pollicebar, unica dissertatione amplexus sum. Neque id quidem, ut monumentum per se clarum illustrare, aut docere alios, maxime docendus ipse, præsumserim; verum ut quæ lectori gravioribus haud dubie studiis occupato continuo non suppetent historiæ veteris, revocarem in mentem. Quæ etiam est causa, cur exesa aliquot verba *italico*, quem vocant, charactere, ipso in Concilii textu ausus sum reponere, &, ubi explicit Codex, partim ex Anastasio, partim ex Collectione Romana Lucæ Holstenii, & Spicilegio Acherii supplere, quæ ejusdem Concilii habentur edita, ne supellex libraria necessaria esset paucorum mo-

mo-

monumento tabularum interpretando: si modo alicui libuisset rem integram ex tanta vetustate repetere.

Equidem vereor, ne nimius fuisse videar in re Episcopali, jejunos in reliquis, ea quippe ut plurimum tetigi alias res agens. Qui autem secum reputet, Ecclesiasticum me gessisse historicum, non disceptatorem, cujusmodi hominum doctissimorum copia obruimur, secus sentiet. Quum præsertim me esse imitatum videat VV. CC. Lucæ Holstenii, & Ludovici Antonii Muratorii exempla, qui vel Concilia, vel eorum fragmenta, etiam edita evulgantes, siquando melioris Notæ Codices nacti sunt, rem apprime Episcopalem curarunt. Quin eorum postremo felicior mihi videor fuisse; nam is invento Concilii Romani fragmento, quod anno 863. celebrabatur, gaudio exultavit, ut debuit, quod Nandecisum Ughello ignotum, Catalogo Episcoporum Polensium in Italia Sacra addendum repererat; ego vero non unicum, sed fere quadraginta Episcopos Italiæ Sedium Catalogis adjungendos emitto. Præterea Gallicanos duodecim ante hunc diem non recte cognitos demonstro, Recentioresque eruditissimos, Sirmondum sequutos, deceptos esse palam facio. Huc accedit, quod magnum illud totius Europæ decus, ac portentum memoriæ, Antonius Magliabekius Africanorum aliquot Episcoporum nomina, & Sedes examinare, occupationem dignissimam judicavit, quam tanto viro committeret, quantus erat Henricus de Noris, postea Cardinalis amplissimus; tamen si gravioribus eum curis impeditum non ignorabat. Nihilo tamen minus, quum Scriptori honesto, & integro reprehensioni nullus relinquendus sit locus, nonnulla, quæ in Dissertatione locum non habuerunt, prævio velut Commentario, mox attingam: ineditæ tamen partis continear limite, quippe quæ mei juris est facta. Quidquid autem ex collectione Romana, & e Spicilegio Acheriano decerpsi, intactum relinquam, non enim est æquum alienæ messi falcem admovere in jussum hominem, ac præsertim messi magna ex parte directæ.

Pag. 1. *Incipit Concilium Domni Stephani tertii Pape. Post S. Zachariæ mortem a. 752. Stephanum quemdam, ait liber Pontificalis, Presbyterum ad ordinem Pontificatus cunctus populus sibi elegit & intra Lateranense Patriarchium misit, ubi biduo manens, tertio die postquam a suo surgeret somno, & sedens familiares causas suas*

III.
Oeconomica.
Dissertationis de
Conc. Lat.

Collect. Rom.
part. 2.
Scriptor. Ital.
tom. 2. p. 2. col.
156.

Ibid. col. 127.

Noris Cent. in
Joc. Germ. tom. 3.
col. 1109.

I V.
Concilii prin-
cipium notabile.
Anastasi. sed.
127.

disponeret, subito dum sederet, alienatus obiit, & sequenti die defunctus est. Quare hunc inter Pontifices, utpote non consecratum, haud recenset; infra enim in vita Hadriani loquens de Stephano, qui nimirum celebravit Lateranense Concilium, appellat tertium, non quartum. Fabrottus, Panvinus, Baronius, alique hos sequuti inter Pontifices numerant Stephanum quoque alium non consecratum; quare noster passim dicitur III. al. IV. Horum ego obsequium in Summos Pontifices, vel electos damnare non ausim; quum tamen & a libro Pontificali, & a Concilio Lateranensi admonear a numeratione Recentiorum recedere, Tertium semper appello. *Regnante uno, & eadem Sancta Trinitate.* Notabile principium! Celebrabatur Concilium anno Constantini Copronymi 28. Leonis IV. 18. vetusque consuetudo erat Imperiales annos non negligere. Quin etiam impia Iconomachorum hæresi gliscente S. Zacharias anno 743. Artavasdi, & 745. Constantiini ejusdem annos de more in suis Conciliis numeravit. Undenam igitur novum hoc, inauditumque silentium? Haud longe petenda est ratio. Zacharia Pontifice adhuc tuebatur pro Orientis Imperio partem Italix Exarchus Eutychius; quumque hic adhæreret Pontifici, cujus opem contra Liutprandum impetraverat, spes adhuc aliqua erat, posse Iconomachos resipiscere. At sedente Stephano III. nulla amplius spes esse reliqua videbatur; impius enim Cæsar eo usque temeritatis devenerat, ut Pseudo-Synodo celebrata cruentissimum sacris imaginibus bellum indixerit, easdem omnes everterit, atque contriverit, Sacerdotes, & Monachos earum defensores tormentis, exilio, morte damnaverit. Præterea nulla amplius Italix pars servabatur ab Exarchis Imperio, immo Exarchatus ipse in Ditionem S. Sedis concesserat, omnisque Italia ab impiis Græcis defecerat. Regis Deiderii aliorum instar Regnorum forte anni numerati essent, quod & S. Zacharias de Liutprandi fecerat anno 743. at foedifragus Rex iste, nulla motus religione, Pontifici & Ecclesiæ insensus, Apostolicæ Sedis Ditionem undequaque pervaserat, flammisque, & ferro vastaverat. Quid igitur Papa infelix, & congregati Patres Imperatoris, aut Regis auspicio Concilium coeperint? *In nomine, inquit, Patris, & Filii, & Spiritus Sancti. Regnante uno, & eadem Sancta Trinitate.* Unius Trinique Dei sub auspiciis Lat. Concilium celebrari poterat, & debebat,

Men-

Mense Aprile, die duodecima, Indictione septima. Character temporis indicat, inchoatum esse Concilium secundo anno Stephani, qui erat in cursu usque ad diem Augusti septimam 769. per Indictionem demonstrati, & quidem feria IV. cui respondet dies duodecima Aprilis. Secerni hic possunt initia duo, quæ in Ordine de celebratione Concilii sunt perspicua. Primum videlicet, quum *Rogationes letaniarum* continuatæ per triduum incipiuntur: alterum vero, quum omnes, qui de Religiosis in retroactis diebus pro spirituali instructione interfuerant in Concilio, foris egrediuntur. . . .

Et cunctis instantibus oratio colligenda erat; Et sic confedentes causarum negotia iuste, Et religiose colligebant. Quare prima Concilii collatio fuit die Dominica 9. Aprilis: ita tamen, quemadmodum ordo prædictus monet, ut totos tres dies letaniarum nihil aliud agatur, nec retractetur, nisi de mysterio S. Trinitatis, Et de Ordinibus Sacris, vel officiorum institutis. Id autem triduum, quippe ad res agendas præparatorium, non erat, quid in Actis recensiteretur. Secus est, quum de Concilio indicendo ad certam diem res erat, ut præsertim de Synodo V. legimus indicta ad IV. Nonas Majas, qui dies anno 553. in Dominicam incidebat. Nec mente assequor, cur Antonius Pagius Baronio, & Codd. editis adversetur, Garnerii autoritate reponentis ex Codd. Bellovacensi, & Parisiensi die III. Nonas Maji, ut feria secunda inchoari Synodos doceat, exemplo Nicænæ, Constantinopolitanæ primæ, Ephesinæ, & Chalcedonenfis; nam sequentes Synodi generales, ipso teste, non fuerunt obnoxie isti legi. Præterea Card. Norisius sæpe ab eodem laudatus retinet cum Baronio IV. Nonas, idest diem Dominicam. Quinquam vero præter generales, aliæ etiam Synodi feria secunda inveniuntur celebratæ, ut Lateranensis sub Martino; tamen cæta dies Conciliorum celebrationi stabiliri non debet, ut ut Dominica inchoandis collationibus videatur aptior; nullibi enim lego Episcoporum libertati oppositam contrariam legem: quin Concilia Romana duo sæpe a me laudata in Dissertatione, nempe Eugenii II. anno 826. & Leonis IV. anno 853. inchoata fuerunt, primum feria V. alterum feria VI. ut Cycli observatione apertum erit.

Pag. 4. *Vestram Deo amabilem, atque conspicuam Sanctitatem in hanc sacrosanctam matrem omnium Ecclesiarum Dei Romanam Ecclesiam aggregare de diversis Provinciis studuimus.* Hanc Summi

V.
Concilii actus.

Mabilon. Mus.
Ital. vol. 3. p. 395.

Pag. m. 551.
num. 5.

De Synod. V.
cap. 7.

VI.
Not. vii. Respon-
sarii, & eorum
offici.

Pontificis alloquutionem, quæ æque Italos, ac Gallicanos Episcopos, eosque tam Suffraganeos, quam urbium Metropoleon, dignitate etiam Metropolitica conspicuos, se ait congregasse, satis multis in Dissertatione explanavi, demonstrans non modo Gallicanorum Præsulum obedientiam, sed & subjectionem proprio eorum ore promissam S. Sedi, adversus Hincmarum Remensem, & præcipue contra Parisiensem Archiepiscopum Petrum de Marca. Ea igitur consulenda. Pag. 5. *Christophorus Primicerius Notariorum*. Ab ipsis Romanæ Ecclesiæ primordiis fuisse constitutos septem Notarios, quorum primus appellabatur Primicerius, compertum est. Hi scilicet persecutionum tempore Acta Martyrum colligebant, eratque id munus eorum præcipuum: ac cessante persecutione officium istud est factum inutile. Quamobrem S. Julius, qui Apostolicam Sedem ascendit anno 337. aliud Notariis munus demandavit: *Constitutum fecit, ut nullus Clericus causam quamlibet in publico ageret, nisi in Ecclesia, & notitia, qua omnibus pro fide ecclesiastica est, per Notarios colligeretur, & omnia monumenta in Ecclesiam per Primicerium Notariorum confecta celebrarentur... Instrumenta, aut donationes, vel commutationes &c. Clerici in Ecclesia per Scriniarium celebrarent*. Quod viguisse ostendit Blanchinus a quarto ad undecimum seculum, prolato exemplo cessionis ex Farfensi a Scriniario Sanctæ Sedis celebratæ seculo undecimo. Superfedeo exempla plura ex libro Pontificali congerere unicuique obvia: at verba Primicerii Christofori de invasione Sanctæ Sedis ad Concilium, subijcio oculis; *Reconsatio, inquit, hujus peracta causa prolixa est, & dum multa sunt, qua referantur, exarari feci ea, qua in vestri offero presentia vobis relegenda*. Ea siquidem animadverti velim, ut liquet, an recte eruditi aliqui sugillent Autorem (quem putant Anastasium) libri Pontificalis, tanquam expilatorem Pauli Diaconi; dum omnia monumenta in Ecclesiam per Primicerium referebantur; & cura omnis Notariorum septem Regionariorum versabatur circa Ecclesiam Romanam, ejusque Patrimonium.

VII.
Primicerii Notariorum & Iudicum Pontificiorum officia.

Ad Primicerium vero, quod attinet, non est mirum si in schismate Constantini, magnæ eum fuisse autoritatis Blondus agnovit: quem enim late, Primicerium Sede vacante (alio non appellat nomine invasionis menses 13. liber Pontificalis) unum esse ex triumviris, penes quos est rerum gerendarum potestas?

Nam

Anast. in 3. Jul.
to. 1.

Ibid. pag. 8.

Nam ex Diurno patet, quod transitum Pontificis nunciabant *Ex-
archo Italiae Ill. Archipresbyter, Ill. Archidiaconus, Ill. Primicerius
Notariorum, servantes locum S. Sedis Apostolicæ*. Quin etiam a
S. Martino Papa discimus, vel absente Pontifice curam hujusmo-
di apud laudatos Triumviros extitisse. *In absentia Pontificis Ar-
chidiaconus, & Archipresbyter, locum præstant Pontificis*. Hic
obiter Francisci Pagii notandus error asserentis, quod addeba-
tur *nomen Pontificis electi* (in epistolarum inscriptionibus) *si unus
ex illis tribus eligeretur*. Quid? & Notarii Regionarii ad Pontifi-
catus apicem ascendebant Pagio? Subdiaconos eoque perve-
nire potuisse ante Stephani III. Concilium, nempe nostrum, ut
docet, concedamus; at Notarios Regionarios, minores nempe
Clericos, tantum attigisse fastigium extra vim, ne cogitatione
quidem audeamus amplecti. Non inficior, aliquos ex Notariis,
quibus Officia Palatina id prohibentia non erant adnexa, per
ordinum gradus ascendendo, ad Petri Sedem evectos esse; A-
drianus enim Stephani III. Successor, ne longe petamus exem-
pla, ex Notario Regionario est factus Subdiaconus, quo exce-
dente est electus Pontifex, ut docemur libro Pontificali: *Eum
S. Paulus clericari jussit, quem Notarium Regionarium in Ecclesia
constituens, postmodum eum Subdiaconum fecit: & Stephanus III.
junior Papa, & ipse cernens ejusdem BB. Adriani spiritualium con-
versationum merita in Diaconi ordinem cum provexit*. At Primice-
rium Notariorum, qui erat Judex Palatinus, ac proinde ad gra-
dus majores ascendere prohibebatur, ascendisse unquam ad Pe-
tri Sedem, antequam ejus officium Sacro Collegio aggregaretur
ab Alexandro III., Pagio primum docente, audio. Vereor ne
gravis sim eruditis, at mihi veniam adhibeant, non debeo quid-
quam gratis affirmare. Joannes Diaconus de Basilica Latera-
nensi in appendice Ordinis Romani apud Mabillonium, enume-
rat Judices Romanæ Ecclesiæ, qui in libro Pontificali appellan-
tur de Clero. Ii vero sunt omnino septem Palatini, seu Ordinarii
appellati: *Primus Primicerius: Secundus, qui dicitur Secundice-
rius, qui ab ipsius officiis nomen accipiunt, qui in Romana Ecclesia in
omnibus processionibus nianuatim ducunt Papam cedentibus Episcopis,
& ceteris magnatibus, & in majoribus festivitibus octavam super
omnes Episcopos legunt lectionem* (conferenda hæc sunt cum primo
Ordine Rom. ad ævum Stephani III. pertinente, & cum tercio
mul-

Cap. 2. tit. 2.

Collect. Anst.
ep. 15.In S. Bened.
ll. no. 3.In S. Decis.
num. 2.Anast. scil.
291. & 292.Mabill. Mus.
scilicet. 2 p. 170.Eidem Ord. Ro.
l. no. 17. 14. 10.
Ord. Rom. III.
num. 12.

XVI P R Æ F A T I O.

multæ & ipſo antiquitatis, ut conſtet de praxi Primicerii, & Secundicerii Notariorum, Primicerio etiam Deſenſorum accedente hic minime indicato.) *Tertius eſt Arcarius, qui præſt tributis. Quartus Sacellarius, qui Sabbato Scrutiniſſimum dat eleemoſynam & Romanis Episcopis, & Clericis, & Ordinariis largitur præbyteria. Quintus eſt Protoſcriniarius, qui præſt Scriniariis, quos Tabelliones vocamus. Sextus primus Deſenſor, qui præſt Deſenſoribus, quos Advocatos nominamus. Septimus Amminiculator, intercedens pro pupillis, & viduis, pro aſſiſſis, & captivis. Pro criminalibus hi non judicant, nec in quemquam mortiferam dicunt ſententiam: & Romæ Clerici ſunt, ad nullos unquam alios Ordines promovendi.*

VIII.
Subdiaconi ab
apice Pontifica-
tus removeban-
tur.

Nunc quoniam contra doctrinam Franciſci Pagii Primicerium Notariorum excluſi a dignitate ſumma Pontificatus, adverſus Antonium, cujus ipſe ut plurimum exſcriptor eſt, autoritate Concilii noſtri reſtituo editionis Regiæ Anaſtaſii, pluriumque Codd. Mſs. in vita S. Deusdedit, lectionem *Deusdedit ex patre Stephano Subdiacono*, quam Baronius non legerat, ſed ejus loco in Codice, quem adhibuit, *Deus dedit filius Stephanus, ex Subdiacono ſedit &c.* quare doctiſſimus Cardinalis non potuit, quin admiraretur: *Ut Subdiaconus*, inquit, *Romanus Pontifex crearetur, nunc primum accidit.* Pagius vero, qui eam vidit, ac præterea occaſionem aucupatur adverſandi Baronio, eam nunc ſibi haud ægrefert elabi, ut qui alias conſecrationem Romani Pontificis a die Dominico vagari docuit, novum nunc oſtendat non eſſe ante Stephanum III. eligere Pontificem e Subdiaconorum ordine. Quidquid ſit de Liberati Diaconi autoritate, qua etiam Silverium, ante Deusdedit, fuiſſe electum ex Subdiacono contendit, en Lateranenſis Concilii, quod ipſe non viderat, autoritatem certam Electionis: *Sacramentum mutuo præbimus, quod nullus extra alium electionem Pontificatus egiſſet ſed eum, quem ex ſuo Conſilio Divina Providentia tribuiſſet ex corpore Sanctæ noſtræ Eccleſiæ, videlicet de Sacerdotibus, vel Diaconibus, juxta hujus Apoſtolice Sedis traditionem, nobis eligeremus Antifiſitem.* Fatente enim eodem Pagio, paſſimque omnibus docentibus, quod vix Pelagius II. Romanæ Eccleſiæ Subdiaconis, & S. Gregorius M. Pelagii Succellor aliis Occidentalium Eccleſiarum Subdiaconis continentiam præſcripſerunt, quis non videat, Subdiaconi nomen, quocienſcumque occurrat, patri Electi, non ipſi Electo tri-

Baron. an. 615.

Concil. Later.
infra pag. 7.

tribui oportere, ante Pelagium, sex videlicet primis Ecclesiæ seculis? Huc accedit, quod doctrinam æque constantem de Subdiaconatu ad sacrorum Ordinum dignitatem non elevato ante duodecimum Ecclesiæ seculum, Concilium idem Lateranense Pseudo-Pontificis ordinatione evidenter comprobatur: *Constantinus, ajeus, laicus existens cum armis Apostolicam invasit Sedem, & Clericus in eodem Patriarchio effectus est* Alio vero die secunda feria idem invasor Apostolica Sedis Diaconus forensis in Oratorio Patriarchii Lateranensis consecratus est. Quid clarius desiderari potest ad evincendum, quod Concilii nostri tempore, ac proinde ante ejusdem ætatem, Subdiaconatus minorum ordinum conditionem non excedebat? Quæ quum ita sint, fides habenda erit docentibus Pagiis, ante etiam, quam Subdiaconis continentia præscriberetur, eosdem in corpore Sanctæ Romanæ Ecclesiæ comprehendi, unde Summus Pontifex eligebatur? Rerum Ecclesiæ scientes appello. Nec tamen Subdiaconos contendo, minoribus Clericis, ipsisque Notariis Regionariis officio etiam Palatino conspicuis, ut Primicerius, gradu non præstitisse. Ipsa enim ab eorum institutione per seculum tertium, a S. Fabiano video præpositos iis fuisse: *Hic fecit*, ait liber Pontificalis, *septem Subdiaconos, qui septem Notarii inuenerent*. Verumtamen pro certo habeo, Subdiaconos perinde, ac cæteros minores Ecclesiæ Clericos ab excelso S. Sedis fastigio esse removendos.

Quamobrem Sacerdotes, & Diaconi constituentes corpus Romanæ Ecclesiæ, unde Pontifex educebatur, post Presbyterorum Cardinalium titulos ad octo, & viginti amplificados, ut infra in Dissertatione, erant omnino **XXV. 28.** Presbyteri, & septem Diaconi, videlicet Regionarii, quorum primus est Archidiaconus, cui ceteri obtemperant. Diaconos liquidem Concilii tempore, septenarium numerum non excedere testatur Ordo Romanus I. Mabillonii, cujus de ætate alii quidem aliam tuentur opinionem, at quemadmodum ne juniorem faciant Carolo Magno, prohibentur certis hisce characteribus: *Sabbato tempore Adriani institutum est, ut flecteretur pro Carolo Rege, antea vero non fuit consuetudo*: &: *Dicit orationem pro Rege Francorum*: ita, ut quumque vetustiore, additamenta passim esse fateantur oportet, quæ ipsissimam Concilii Lateranensis ætatem referantur. Ipsum vero principium Ordinis, ita habet: *Primo omnium*

lib. pag. 8.

Anastas. co. 1.
scd. 21.IX.
Pontifex non
eligitur nisi
ex Diaconibus,
aut Presbyteris
Card.Mabill. Ord.
Rom. 1. titulum.
24. & 25.

ob-

Conc. Lat. infir.
P. 6. 7.

observandum est septem esse regiones Ecclesiastici Ordinis urbis Romæ; & unaquaque regio singulos habet Diaconos regionarios, & uniuscujusque regionis acolothi per manum Subdiaconi regionarii Diacono regionis suæ officii causa subduntur. Quando igitur Primicerius Notariorum, tanquam Judicum Palatinorum primus, alios sex Judices de Clero supra numeratos propriis in ædibus, ut constat ex Concilio nostro, super libro Evangeliorum sacramento obstrinxit, ne aliquem extra corpus Romanæ Ecclesiæ eligerent, ad quinque & triginta eos Candidatos respexit: Conciliumque ipsum, quum decrevit, Actione secunda, ut: Nullus unquam præsumat laicorum, neque ex alio ordine, nisi per distinctos gradus ascendens, Diaconus, aut Presbyter Cardinalis factus fuerit, ad sacrum Pontificatus honorem promoveri: a quinque & triginta laudatorum numero quemcumque alium ordinem Cleri Romani excludit, præsertim Subdiaconos, quod Pagius negare non potest, & septem Episcopos Cardinales, qui postea nono ab exeunte seculo Portuensis Episcopi Formosi omnium primi e septemvirali eo Collegio assumti exemplum sequuti sunt. Quam Sanctæ Romanæ Ecclesiæ consuetudinem nitentem Apostolicæ Sedis traditione aliquando esse variatam Ecclesiæ rerum scientes non ignorant; etenim constat, vel extra Sacrum Cardinalium Collegium electos esse Pontifices, quorum identidem reperire est aliquem ab exeunte Seculo X. quum creatus est Gregorius quintus Saxo Othonis III. Cappellanus, per quatuor sequentia secula. Verum quemadmodum confirmationem electi a Principe usurpatam diu toleravit Ecclesia ob temporum difficultatem, qua de re passim in libro Pontificali; ita ob eandem causam aliquandiu passa est hujusmodi traditionem variatam esse. Verum ubi primum per rerum tranquillitatem licuit, traditio Apostolicæ Sedis & revocata est, & sanctissime semper custodita. Sed redeo ad Concilium.

X.
Antiqua Rom.
Pontif. electio.

Cap. 1. tit. 2.

Pag. 7. Sacramenta populo præbuimus ob conservandas unicuique justitias. Ad ipsam Pontificis electionem, quod spectat, comperum est ex libro Diurno Romanorum Pontificum fieri eam consuevisse ævo Concilii, convenientibus, ut moris est, cunctis Sacerdotibus, ac Proceribus Ecclesiæ, & universo Clero, atque Optimatibus, & universa militari præsentia, seu civibus honestis, & cuncta generalitate populi istius a Deo servata Romanæ urbis. Non enim
ad

ad Sacrum Collegium contracta est ante seculum undecimum, quum Nicolaus II. decrevit, ut a solis Cardinalibus Pontifex eligeretur; quod postea decretum ab Alexandro III. confirmatum fuit, ac stabilitum præcipuis Cleri creatis Cardinalibus, præsertim septem iis Judicibus Palatinis, quos nuper memorabam ex Joanne Diacono, videlicet Primicerio, Secundicerio, Arcario, Saccellario, Protoscriniario, Primicerio Defensorum, & Adminiculatore. Prisci autem Romani Pontificis Electores haud mihi videntur ita leviter prætereundi, ut liberum omnibus relinqueretur quidlibet de eorum gradu in posterum judicare: quum præsertim Concilium nostrum evidenter ostendat rem, quam parum videntur Recentiores eruditissimi assequuti. Qui enim sileam dum video Scriptorem veteris disciplinæ interpretari Proceres Cleri, tanquam Cardinales, eosdemque Garnerio esse tanquam laicos ceteros? Ratiocinia non sunt opus, ubi res per se ipsa patet. Eligebant Pontificem Clerici, & laici, & utrique in tres classes dividebantur. De trina laicorum classe, nempe civium, militum, & universi populi, ad nos nihil, est enim perspicua. Clericorum vero divisio in tres classes, amplectebatur Sacerdotes, Proceres Ecclesiæ, & universum Clerum. Sacerdotes erant septem Episcopi Cardinales, & 28. Presbyteri item Cardinales, quorum pars inter congregatos Episcopos iuxta suum ordinem sedet. Proceres Cleri, seu Ecclesiæ erant Archidiaconus, septem Judices Palatini, & siqui alii officiis Romanæ Ecclesiæ conspicui jure secernebantur a reliquo Clero, ac proinde Diaconi etiam Regionarii eisdem accensebantur. Universus demum Clerus amplectebatur Subdiaconos, Acolythos, Notariosque eos, qui nullo fungebantur Palatino officio. Sacerdotum quidem numerus, ad septem quod spectat Episcopos, certus erat, sed num. 28. Cardinalium fortasse etiam accensebantur alii Presbyteri, quorum plures uni adscriptos titulo testantur monumenta veterum, qui scilicet eidem titulo inserviebant citra Cardinalitiam dignitatem. Procerum vero in classem cur Diaconos retulerim, in causa sunt Concilia Romana, in quibus Diaconi secernuntur a Clero, ut e. g. in Concilio a Sancto Zacharia celebrato anno 743. *Assistentibus quoque Theophilacto, Arcadio, Gemino, Theodoro, Stephano, & Paulo Diaconibus, vel cuncto Clero Ecclesiæ Sanctæ*, alioque in Concilio post biennium:

Infr. pag. 89.

In Diurn. cap.
1. c. 4.

Adstantibus quoque Diaconibus, vel cumcto Clero; quod passim videre est in reliquis. Clerum denique universum non talibus circumscriptum limitibus puto, ut præter Subdiaconos, & Acolythos urbis regionibus assignatos, eos omnes excludendos ab electione judicem, qui clericali militiæ adscripti ad alios minores gradus promoti erant.

XL.
Electores præ-
mittebatur pu-
erum ab
omnibus præ-
stantum.

De consecratione Pontificis, quæ electionem sequitur, non est quid loquar, nam Primicerius, relato Invasoris Enthronismo de consecratione tumultuarie peracta apud S. Petrum, quæ in S. Sedem reverentia ejus erat, ne verbum quidem facit Concilio. At nonnulla electionem præeuntia, quæ ab se facta enarrat, quum de legitimo creando Pontifice agebatur; operæ pretium erit animadvertere; quum enim nostra ætate fiant eorum perquam simillima, gratum erit vetustatem tantam inspicere nostra tempora referentem, quum de Christi Vicarii electione divinitus petenda sacri Electores deliberant. Ingravescente S. Pauli valetudine deprehendit Primicerius impia Nepelini Totonis, ejusque Sectatorum consilia de Pontificali ambitu, & quæ erat ejus autoritas, convocatis reliquis Judicibus, accersitoque conjuratore Totone, machinamenta ejus eluxit, quod flagitium antea cautum in Concilio Romano Symmachi, multo post Paulus IV. peculiari Bulla est detestatus. Utraque autem Constitutio præmittitur cæremoniali electionis Romani Pontificis, quibus sacramento se hodie adstringunt Eminentissimi Electores. Neque secus ab antiquis hisce Electoribus, Proceribus nimirum, qui Cleri erant classis altera, videmus factum; nam *assertis in eadem domo . . . sacramentum mutuo præbuimus &c.* Insuper, quod est præcipuum, post mortem Pontificis, antequam de Successore eligendo quidquam cogitetur, *Cardinales*, verba ipsa cæremonialis usurpo, *præstito in prima Congregatione juramento de observanda . . . una cum aliis constitutionibus, quæ legi, & jurari in ea hæcenus consueverunt, exequias pro ejus anima juxta ritum &c.* En autem simillimam veterum praxim eo tantum discrimine, quod ii multo plures numero, non in privatarum ædium aula congregantur, sed in amplissimo Divi Petri Templo: *Dum hæc agerentur Dominus Paulus exhalavit spiritum. Et de præsentis omnes unanimiter properantes in Basilica Apostolorum in ipso Dominico die denuo sacramenta populo præbuimus ob conservandas unicuique justitias.*

Conc. Later.
infer. pag. 70.

Idem.

Hanc

Hanc ego antiquam consuetudinem beneficio nostri Codicis prodeuntem eo libentius in medium attuli, quo aliorum de ea silentio compellebar credere, quod statimatque Pontifex moriebatur, unica omnium sollicitudo esset de Successore eligendo. Neque aliud, ut verum fatear, docet Diurnus: *Magna, inquit, nos tristitiarum moles obstrinxerat proprio Dispensatore frustratos: sed non diu in afflictione persistere consueta Dei nostri benignitas sperantes in se dereliquit; triduo enim nobis exiguis in oratione manentibus, ut omnium iactibus celestis dignatio demonstraret, quem dignum ad Successionem Apostolicam vicis jubeat eligendum, ejus gratia suffragante, & omnium univis inspirante, in uno convenientibus nobis &c.* Nam novemdiale sacrum iustis persolvendis mortuo Pontifici postea laudabiliter institutum, sollicitam de novo eligendo Pastore multitudinem tunc temporis non morabatur; quin ipsi sollicitudini admovebat calcar contentionis metus, ita ut præcipiti electioni adhibere oportuerit frenum, ut saltem tridui spatium Pontificis mortem a Successoris electione secerneret: quod testatur Bonifacii III. decretum septimo ineunte seculo. *Nisi tertio die depositionis ejus, adunato Clero, & filiis Ecclesia, tunc electio fiat.* Et quoniam tribus iis diebus vacandum erat jejunio, & precibus, ut fieret digna electio, raro celebres legimus pompas funebres Romanorum Pontificum. Cujus rei singulare exemplum præbet Concilium Lateranense: nam Stephanus III. referens mortem Pauli Prædecessoris sui: *Quando, inquit, Dominus Paulus Papa de hac vita recesserat, omnes eum dereliquentes, nisi ego funeris adflectionem custodiam ob sepultura tradendum* (erat tunc Stephanus Presbyter tituli S. Cæcilie). Tot tamen, tantisque dierum angustis pressi, Archipresbytero, Archidiacono, & Primicerio rerum curam gerentibus, primum omnium præbebant sibi invicem sacramentum, ut supra, in Basilica S. Petri, quod a nostro Cod. discimus; deinde iustis defuncto Pontifici persolutis, jejunium, & preces pro novo eligendo inchoabant. Quam profecto consuetudinem præbendi sacramenta populo, pro rata, certa que habeo; tametsi in nostro Concilio merum ejus indicium deprehendam: quippe fieri potuisse nunquam credam, ut ipso Pauli emortuali die Dominico, tot numero Electores in Basilica D. Petri congregarentur tanta pernicitate, nisi omnes conscii gerendarum rerum continuo post mortem Pontificis, eo convolassent, ut hodie vi-

XII.
Idem additui.
tur.

Diurn. Pontif.
cap. 2. tit. 4.

Anast. tom. 1.
sec. 119.

Con. Lat. infr.
pag. 4.



demus fieri ad audiendam pronunciationem assumti. Idque magis magisque comprobatur universalis omnium fuga, præter Stephanum, ab Ecclesia D. Pauli extra muros, ubi supremum diem obiit Paulus; nam præsto esse omnes cupiebant functioni generalis sacramenti, quæ reliquis omnibus præmittenda erat.

XXIII.
Codicis nostri
auctoritas ostenditur.

Anast. tom. 4.
p. 527.

Mus. Ital. to. 2.
p. 572.

Spectatis rebus præcipuis fragmenti hujus pretiosissimi ab injuria temporum vindicati, duo monenda restant ad historiam pertinentia, unum videlicet ad libri Pontificalis narrationem; alterum ad ipsiusmet Concilii certum Chronologiæ mendum. Ad Anastasium, seu librum Pontificalem quod spectat, ingenue fateor, me cum utroque Pagio, & quotquot ante hunc diem de invasione Constantini scripserunt, deceptum esse narratis in vita Stephani III. ac proinde invasionem præmississe morti Pauli in Notis chronologicis ad Stephanum II. non enim habui codicem tempestive. Quare restituenda Anastasii lectio, juxta Codicem, nobisque danda venia meliori veterum monumento non inhaerentibus. Copias igitur factiosi homines, post sacramentum in ædibus Primicerii præstitum pejerantes, introducunt in urbem Romam ipso die Dominico 28. Junii, inque cuneos militari more disperdunt. Moritur hæc inter Paulus, omnesque unanimiter, ne scelestis quidem conjuratoribus exceptis, ad D. Petri basilicam quantocyus convolant, solenni sacramento se obstringunt pro Successore Pauli rite eligendo. Post hæc suam quisque domum revertitur, factiosi vero aciem in cuneos dispersam colligentes tumultuarii ad Lateranensem Patriarchium pergunt, omnia occupant armis, Constantinum laicum faciunt Clericum, inde Primicerio Christophoro per unum ex Notariis nunciant, ut suo non desit assensu, novumque ad Electum accedat. Hæc omnia sunt peracta die Dominico. Sequenti die, nimirum feria secunda Intrusus consecratur Diaconus forensis in Oratorio ipsius Patriarchii Lateranensis S. Laurentii, quod Joannes Diaconus describit apud Mabillonium, & ita *miser ille*, ait Primicerius, *tam terribile, ac metuendum indigne sibi Apostolatus sumpsit culmen*. Hanc profecto narrationem ipsis ex Diaconorum scriptis tam in libro Pontificali, quam a nobis haustam, conferri simul velim, ut æstimetur, utra sincerior haberi debeat. In libro enim Pontificali rerum summa integra est, quin etiam earundem prosequutio, quas referre Concilio non intererat Primicerii, enarratur.

No-

Notandum tamen est, quod liber Pontificalis contra nostri Codicis fidem testatur, Constantinum consecratum esse Subdiaconum, atque Diaconum. At Subdiaconatum nuper dicebam, non esse inter sacros Ordines relatum ante duodecimum seculum; qua de re fusc, & erudite Thomassinus in veteri & nova disciplina, quem adire quisque potest. Ante autem, quam sacris accenderetur Ordinibus, eadem conditio illius erat, quæ minorum, tametsi horum principem locum semper habuit. Auferet mini verba, & lectori molestiam Ordo Romanus præscæ Subdiaconatus conditioni conveniens. De Acolythro ordinando sic loquitur: *Prosternit se in terram cum ipso sacculo, & dat ei orationem sic*: „ Intercedente beata, & gloriosa semperque „ Virgine Maria, & beato Apostolo Petro, salvet, & custo „ diat, & protegat te Dominus. Amen. De Subdiacono: *Et se in terra prosternit, & dat ei orationem, ut supra diximus*: ipsissimam videlicet, quam Acolythro. Diacono demum hæc dabatur oratio: „ Oremus dilectissimi, Deum Patrem Omnipotentem, ut super hunc famulum suum, quem ad sacrum Ordinem dignatur assumere, benedictionis suæ gratiam ele „ menter effundat, eique donum consecrationis indulgeat, „ per quod eum ad præmia æterna perducatur. Nec prætereundum, quod quicumque is fuerit, qui Pseudo-Papæ ordinationem amplificavit, non assequens *Diaconi Forensis* conditionem, adjunctum illud *Forensis* eliminavit. Reponendum igitur nostri Codicis autoritate. Estque eadem ratio de Diaconibus Forensibus, quam de Presbyteris nos docet Leo IV. dum coarctat eorumdem numerum per titulos, & Diaconias urbis effusorum; quum enim Ordinatores Episcopi Cardinales ab invasore vim passi, non ignorarent aut Presbyterum, aut Diaconum inthronizari oportere, moramque omnem scelestus invasor præcipitaret, consecravit Diaconum Forenses, sive extra corpus Romanæ Ecclesiæ, quod plenum erat. Cæterum Diaconos inthronizari, crearique Pontifices absque Presbyteratus mentione, & legitimorum Pontificum exempla suppetunt; Valentinus enim, & Nicolaus I. non secus consecrati leguntur Pontifices apud Anastasium: & utroque utitur exemplo Mabilonius in Commentario ad Ordinem Romanum, quem videlicet hac de re.

XIV.
Tota compe-
batur.

De Pontificat.
1. l. 2. c. 31.

Mabil. Mus.
Ital. tom. 2. Ord.
VIII. num. 1. 2.
& 3.

Græc. Rom.
83. c. 39.

Quod

xv.
Eiusdem Cod.
error Chronol.
consulatur.

Quod alterum pollicebar, mendum nempe Codicis certum, evidens est. Orditur Primicerius narrare Patribus congregatis scelestam S. Sedis invasionem a morte Pauli, quam illigat cum die 29. Junii; & infra de generali sacramento loquens præstito in Basilica Divi Petri continuo post mortem Pauli, factum id esse ait die Dominico. Nam Indictio quinta ab eodem memorata indicat emortualem Pauli annum 767. eoque anno, ut docemur litera dominicali D, dies 29. Junii erat feria secunda; non igitur diei 29. sed 28. illiganda erat Pauli mors. Propterea tamen non est, cur Primicerio rem post biennium referenti succenseamus; tum quia diem dominicum memorans se ipse arguit, tum quia in Acta Ecclesiæ, ut plurimum dies depositionis referebatur, quod & Henschenius vidit in conatu Chronico-Pontificio, & quicumque librum Pontificalem serio animadverterint, perspicue intelligent; a die enim depositionis numerabantur Interpontificia. At de his fusius alibi sum loquutus. Ita omnibus absolutis, quæcumque aut præfari, aut Commentario amplecti oportere constitui, restat nunc, ut Concilium ipsum, eique adnexam de congregatis Episcopis Dissertationem, quam pro meis viribus elaboravi, Eruditorum oculis subjiciam, atque eam quidem castigandam, reprehendendamque: dummodo meum erga Sanctam Sedem obsequium, studiumque ardens offusas veritati tenebras abjiciendi, æqui, bonique consulant, quod unum ab iis peto.

Anst. 10 4

CON-

CONCILIUM LATERANENSE STEPHANI III. Anno DCCLXIX.



De Dominica Concilio Lateranensi delin. et scul.

Romy. Exps. to. M. Salvemini.

In nomine Domini. Incipit Concilium D. Stephani tertii Papæ.



In nomine Patris & Filii, & Spiritus Sancti. Regnante uno, & eadem Sancta Trinitate cum eodem Patre, & Spiritu Sancto per infinita omnia sæcula, mense Aprile, die duodecima, indictione septima.

*Ex Cod. MS.
800. circiter an-
nor. Biblioth. Ca-
pitular. Veron.*

Præpositis in medio sacrosanctis Christi quattuor Evangeliiis, præfidente ter beatissimo, & coangelico Stephano Summo Pontifice hujus romanæ ur-

A bis

2

Johanne ven. Diacono Sanctæ Ecclesiæ Ravennatis
locum præsentante Sergii

For-

Jordane Episcopo Signiæ,
Adone Episcopo Ortenſi,
Anſualdo Episcopo Narniæ,
Nirgotio Episcopo Anagniæ,
Agathone Episcopo Sutrii,
ano Episcopo centum Cellarum,
Theodorio Episcopo Tiburtinenſi,
Pinio Episcopo Tribus Tabernis,
Bonifa Episcopo Privernenſi,
nino Episcopo Alatrino,
Valerano Episcopo Trebe,
Bono Episcopo Manturianenſi,
Gregorio Episcopo Silvæ candidæ,
Eustratio Episcopo Albano,
Potho Episcopo Nepesino,
Cidonato Episcopo Portuenſi,
Antonino Episcopo Cefinæ,
Joanne Episcopo Fentix miſſis a prædicto Sergio
 Archiepiscopo Ravennæ,
Stabilino Episcopo Penſauri,
Mauro Episcopo Fanenſi,
Juviano Episcopo Gallis,
Georgio Episcopo Senogalliæ,
Sergio Episcopo Ficulenſi,
Sabbatio Presbytero locum præſentante *Tiberii* Epi-
 scopi Ariminenſi,
Florentino Episcopo Eugubii,
Gregorio Presbytero & locum præſentante *Temaui-*
 rini Episcopi Orbinii,
Cidonato Episcopo Villitriæ; seu venerab: Presbyteris,
Gregorio Archipresbytero,

Theophi Presbytero ,
 Eustachio Presbytero ,
 Clemente Presbytero ,
 Donato Presbytero .
 Armogenio Presbytero ,
 Theophilacto Presbytero , &
 Theodosio Presbytero , adstante etiam

Anastasio Archidiacono , & cunctis Religiosis Dei famulis tam Latinorum Monasteriorum , vel Græcorum Cynoviorum , atque proceribus Ecclesiæ , & cuncto Clero , Optimatibus etiam militiæ , seu cuncti exercitus , & honestorum Civium , & cunctæ generalitatis populo .

Stephanus Episcopus sanctæ catholicæ , & Apostolicæ romanæ Ecclesiæ dixit . Sanctissimi fratres , & confacerdotes , ideo vestram Deo amabilem , atque conspicuam sanctitatem in hanc sacrosanctam matrem omnium Ecclesiarum Dei Romanam ecclesiam aggregare de diversis Provinciis studuimus , ut de invasione , & nova temeritatis præsumptione , quæ per Constantinum , & ejus sequaces huic apostolicæ sedi irrepfit , subtile rei meritum perscrutari jubeatis , & secundum sanctorum Canonum , atque probabilium Patrum decreta , id , quod æquitatis exigit ratio , decernere studeatis .

Sanctum Concilium respondit : veniant in nostri præsentia hi , qui eum elegerunt , atque enormiter consecraverunt , & dicant ; qualiter se rei habet qualitas , ut sciamus , quid exinde canonice cum Dei auxilio decernamus .

Sanctissimus , ac ter beatissimus Stephanus summus Pontifex , & universalis Papa dixit . Ego de hac causa nullam habeo scientiam , quia quando dominus Paulus Papa de hac vita recesserat , omnes eum derelinquentes , nisi ego fu-

funeris adfistebam custodiam ob sepulturæ tradendum . Sed ecce dilectus filius noster Christophorus Primicerius , quæ scit , ea dicat .

Tunc ingressus sanctissimus vir Christophorus Primicerius Notariorum sanctæ Sedis apostolicæ adfistens in medio venerandi Concilii , dixit . Sanctissimi Patres & Clerum , recensatio hujus peractæ causæ prolixa est , & dum multa sunt , quæ referantur , exarari feci ea , quæ in veltro offero præsentia vobis relegenda . Et accipiens ea Vvilcarius Deo amabilis Archiepiscopus Galliarum , tradidit ea Leoncio Notario Regionario , & Scriniario relegenda . Et ingressus in medio idem Scriniarius cuncta relegit , cujus iste est textus . Christophorus Primicerius Notariorum Sanctæ Sedis apostolicæ ex persona universalis Dei Sanctæ Romanæ Ecclesiæ , & totius Cleri dixit : quanto jocunditatis gaudio sancta universalis Dei pollet Ecclesia , evidentius nunc rei meritum demonstrat , & spiritalis supernæ considerationis hujus angelici Collegii dum talia præcipua , & a Deo inlustrata ob sui defensionem pariter conspici aggregata luminaria egregii Dei cultores divino accersitam nutu præsentiam . Inter quos velut splendidissimus Sol Domne sanctissime Præsul , & universalis Papa , miro splendore rutilas , qui Apostolorum principis beati *Petri* promeruisti perfrui sedem . Vos enim estis solertissimi Dei cultores secundum sanctorum Patrum traditionem , membra *hujus* sacrosanctæ romanæ Ecclesiæ , quæ capud , & principatum omnium Dei Ecclesiarum existit , & oportet vos veltro *capiti* sincerissimo mentis affectu , & ex intimo cordis annisu obtemperantes ea , quæ pro quiete ejusdem Dei respiciunt Ecclesiæ magnopere spiritali profigare intuitu perpendentes illud , quod

scriptum est... si capud sanum fuerit, & cætera membra sana efficiuntur, credendum quippe est, quoniam & ipsi Angelorum chori pariter cum omnium Sanctorum cœtu inefabili nobiscum gratulantur lætitia cernentes omnium vivificatorem Spiritum Sanctum huic sacratissimo adesse Concilio, quoniam ipsius testatur præsentia Congregatio Sacerdotum.

Stephanus sanctissimus, ac beatissimus Episcopus sanctæ Dei Ecclesiæ catholicæ, atque apostolicæ urbis Romæ dixit. Divina illustratione informatus dilectus filius noster Christophorus Primicerius ea nos adgreditur, quæ profecto ad magnam sanctæ Catholicæ, & apostolicæ toto orbe diffusæ nostræ romanæ Ecclesiæ vigoris censuram, & olitanam ejus traditionem pertinere noscuntur: & nimirum constat, quod inter cætera spiritualium operum studia illa præferenda sunt, quæ ad salutem proficiunt animarum, subsecuntur enim prospera, si primitus quæ Deo sunt cariora perficiantur.

Univerſi venerabiles Episcopi dixerunt. Subtili refectione sanctissimus vir Christophorus Primicerius Notariorum sanctæ sedis apostolicæ nobis ædicat ea quæ brachio fortia transgressoribus & apostolicæ sedis invasoribus diabolica instigatione perpetrata sunt, & nova præsumptio huic sacrosanctæ romanæ inrepsit Ecclesiæ; quatenus liquido agnoscentes rei qualitatem obtime instrui valeamus ea, quæ fas exigit decernere, & secundum sanctorum Patrum, & Canonum instituta determinare.

Christophorus Primicerius Notariorum sanctæ sedis apostolicæ verba faciens universalis Dei romanæ Ecclesiæ, & totius Cleri dixit. Contigit per transactam quintam Indictionem mense Junio die vicesima nona sanctæ recordacionis domnum Paulum Papam de hac luce divina vo-

ca-

catione fuisse subtractum . Dum vero in eadem decumberet infirmitatem , de qua & vitam finivit , illico arrip-
tus a Diabolo quidam Nempefini oppidi ortus Toto nomine
cum suis germanis , atque aliis nefariis complicibus nite-
bantur eum interficere , quod mea infelicitas audiens hoc
fieri prohibui , & convocato eodem Totone , vel reliquis
Judicibus in domucellam meam , salutaribus eos adgressus
sum monitis , & validis exortatus sum adjurationibus a
tanto reatus flagicio caveri : & vix tandem aliquando eo-
rum procacissimam valui flectere mentem , ne in tali tan-
toque se inmiscerent piaculo . Post hæc vero assertis in
eadem domo pusillitatis meæ sacrosanctis Christi quattuor
Euangelis , & venerabili Chrismate , & cæteris Dei my-
steriis , *sacramentum* mutuo præbuimus , quod nullus ex-
tra alium electionem Pontificatus egisset , sed eum , quem
ex *suo consilio* Divina Providentia tribuisset ex corpo-
re Sanctæ nostræ Ecclesiæ , videlicet de Sacerdotibus , *vel*
Diaconibus juxta hujus apostolicæ sedis traditionem nobis
eligeremus Antistitem , & præstito inter nos eodem *sacra-*
mento , eorum credidimus sponsioni adfirmantes , & hoc
in eodem sacramenti fœdere , ut neminem rusticorum
hujus Romanæ urbis subjacentium castrorum in hanc ci-
vitatem ingredi permitteremus . Illi vero *adjurantes Dei*
judicium , in perjurii reatum delapsi sunt , & plurem ru-
sticorum catervam in hanc Romam intromittentes *urbem* ,
cœpere cum armis hostiliter cuneos constituere : & dum
hæc agerentur sæpe factus Dominus Paulus *vocatus* in ju-
dicio exhalavit spiritum . Et de præsentī omnes unanimi-
ter properantes in Basilica Apostolorum in ipso dominico
die denuo sacramenta populo præbuimus ob conservandas
unicuique justitias . His vero peractis , & cunctis propriis
do-

domibus revertentibus , repente adgregantes ipsi nefarius Toto , vel ejus germanus Constantinus universam rusticorum cohortem , brachio forti idem Constantinus laicus exultens , cum armis apostolicam invasit sedem , & Clericus in eodem Patriarchio effectus est . Quo audito dubium mihi fuit credendi tam inauditam novam præsumptionem , & dum ambigerem de hoc , protinus conjunxit ad me Constantinus Notarius asserens , ita ei fuisse ab eis præceptum , ut ad ejus electionem occurrerem , validissime comminationibus terrens , ut nisi in eodem die ad eum properarem in magno evenissem periculo . Quod quidem elegi magis mori , quam in ejus electionem consentire , & nequaquam illuc profectus sum . Alio vero die secunda feria idem invasor apostolicæ sedis Diaconus forensis in oratorio Patriarchii Laceranensis consecratus est : & ita miser ille tam terribile , ac metuendum indigne sibi Apostolatus sumpsit culmen . Quod quidem ego infelix cernens in tantam humilitatem sanctam Dei devenisse Ecclesiam , cotidie flumina lacrimarum ex meis fluebant oculis , & in magno lamentacionis ululatu perdurans , divinam nunquam destiti exorandum clementiam , ut sanctæ suæ subveniret Ecclesiæ . Illi autem concipientes tristitiam cordis mei , primitus quidem interficere facientes Gregorium Ducem habitorem provinciæ Campaniæ ob mei interitum , & postmodum moliebant & me interficere , sed omnipotens Dominus , qui sperantes in se , sua continua tuetur protectione , eorum mihi manifestavit infidias , & confestim confugium feci cum filiis meis in Ecclesiam beati Petri Apostolorum principis : illicque adsistens nitebatur in eisdem Constantinus variis suasionibus ex eadem sacratissima apostolica cici aula ; & dum diu im-

im-

immineret , & nequaquam ad suum potuisset pervenire desiderium , ex eadem me eiciendum Ecclesia , ad ultimum per semetipsum ad me progressus , sacramentum nobis ante sacratissimam confessionem ipsius Dei Apostoli præbuit , secundum nostram semper acturum voluntatem , scilicet ut usque ad venerandam Paschalem festivitatem mihi filiisque meis liceret in propriis demorari domibus , & postmodum licentiam se nobis daturum monasterium proficiscendi . Igitur transacta Paschali festivitate constanter apud illum egi una cum Sergio filio meo nos debere juxta suæ pollicitacionis sacramentum monasterio absolvi gradiendum , scilicet partibus Spolitinis , in eum , qui vocatur Salvatoris Domini nostri Jesu Christi .

Explicit Codex .

„ Absoluta per Primicerium narratione , cujus summam legere est in vita Stephani IV. apud Anastasium , Pseudo-Papa interrogatur , quare tantum nefas „ perpetraverit ? Ille vero professus coram omnibus , vim se a populo pertulisse corruens in terram , manibus extensis in pavimento se reum , ac super numerum arena maris peccasse desolebat , petens misericordie veniam ab eodem sacerdotali consequi Concilio . Quem a terra elevare facientes ipso die nullam de eo protulerunt sententiam .

*Anastas. in
vita Steph.
IV. sect. 277*

A C T I O S E C U N D A .

A Lia vero die ; videlicet tertiadecima mensis Aprilis , fer. v. denuo afferentes eum , atque interrogantes de eadem impia novitate , respondit nihil novi se fecisse , dicens ;

Idem ibi .

B

quia

quia & Sergius Archiepiscopus Rævennatum laicus existens, Archiepiscopus factus est. Et Stephanus Neapolitanæ civitatis, & ipse laicus repente Episcopus consecratus est. Dum vero talia isdem Constantinus persequeretur, illico irati zelo Ecclesiastica traditionis universi Sacerdotes alapis ejus cervicem cedere facientes eum extra eandem Ecclesiam egerant.

* Combustis.

Tunc * detectis omnibus ejus rationum gestis, simul & Concilio illo, quod in scriptis de ejus quasi confirmatione editum fuerat, igne combusserunt in medio presbyterii ipsius Ecclesiæ. Et hoc facto projiciens se in terram Sanctissimus Stephanus Papa cum universis Sacerdotibus, & populo Romano, clamantesque Kyrie eleison cum ingenti fletu; peccasse se omnes professi sunt pro eo, quod de manibus ipsius Constantini communionem suscepissent, sicque ex hoc omnibus indicta est poenitentia. Tunc allatis sacratissimis Canonibus, eisque liquido perscrutatis, prolata est sententia ab eodem sacerdotali Concilio sub anathematis interdicto.

Dist. 79.
cap. 4.

Idem scilicet.
178.

Nullus unquam præsumat laicorum, neque ex alio ordine, nisi per distinctos gradus ascendens, Diaconus, aut Presbyter Cardinalis factus fuerit, ad sacrum Pontificatus honorem promoveri.

ACTIO TERTIA.

Lucas Holstenius Collect. Rom. pag. 257.
ex Anselmo libr. vi. cap. xxiv. & seqq.

Iur. Holst.
Coll. Rom.
pag. 257.

Hesterno die prolata est sententia, quemadmodum Constantinus Apostolica Sedis invasor sub poenitentia correctione subsistere debeat.

Item

Item infra . Oportebat , ut hac sacrosancta Domina *Dist. 79.*
 nostra Romana Ecclesia , juxta quod a Beato Petro , *cap. 3.*
 ejus successoribus institutum est , rite ordinaretur , & in
 Apostolatus culmen unus de Cardinalibus presbyteris , aut
 Diaconibus consecraretur .

Item . Sed & hoc sub anathematis interdictionibus decerni-
 mus , ut nulli unquam laicorum sive ex manu armata , vel
 ex aliis Ordinibus presumunt inveniri in electione Pontifi-
 cis : sed a certis Sacerdotibus , atque Proceribus Ecclesie ,
 & cuncto Clero ipsa Pontificalis electio proveniat . Et prius-
 quam Pontifex electus fuerit , & in Patriarchium dedu-
 ctus , omnes Optimates militie , vel cunctus exercitus , &
 cives honesti , atque universa generalitas populi hujus Ro-
 mance urbis ad salutandum eum sicut omnium Dominum
 properare debeat . Et ita more solito decretum facientes , &
 in eo cuncti pariter concordantes subscribere debent . Hoc
 itaque & in aliis Ecclesiis sub divini judicii obtestatione
 decernimus observandum .

De castris autem Tusciae vel Campaniae , vel de aliis
 locis nullus audeat Romam ingredi , nec a quopiam introitu-
 tur , aut infra civitatem introducantur . Sed nec quisquam
 ex servis tam Cleri , quumque militie in eadem electione
 inveniantur ; nec ullus penitus cum armis , & suis .

Epistolarum Ratherii ex Monacho Lobienfi , Vero-
 nensis Episc. epist. 2. Rom. Eccl. directa ab universo Cle-
 ro Veronenfi , apud Acher. Spicil. to. 2. hujus Actio-
 nis III. prosecutionem exhibet , seq. Decreto .

Post hac vero Sanctissimi Episcopi dixerunt . *Quoniam* *D. Acher.*
in Spicil. to.
 nam hac omnia Deo annuente , quae ad salutem omnium
 errantium pertinent , tractata noscuntur , atque decreta ; nunc
 restat , ut de ordinatione Episcoporum , Presbyterorum , vel

Diaconorum; quam prædictus Constantinus Apostolica Sedis intrator peregit, id quod communi consensu tractavimus, totam omnibus declaremus. Primum omnium decernimus; ut Episcopi, quos consecravit, siquidem Presbyteri prius fuerunt, aut Diaconi, in eodem pristino honore revertantur, & postmodum facto more solito Decreto Electionis eorum ad Sedem Apostolicam, cum plebe, atque decreto ad consecrandam eveniant, & consecrationem a nostro Apostolico suscipiant; ac si prius fuissent minime ordinati. Sed & qui alia in sacris officiis isdem Constantinus peregit, præter tantummodo baptismum, omnia iterentur. At vero Presbyteri illi, vel Diaconi, quos in hac Sancta Romana Ecclesia ordinavit, in pristino Subdiaconatus ordine, vel alio, quo fungebantur officio, revertantur. Cum & postmodum in vestre Sanctissimæ Almitatis potestate, siue eos ordinandi, siue ut vobis placuerit disponendi: laici vero illi, qui ab eo tonsorati sunt, atque consecrati, decernentes statuimus, ut aut in monasterio retrudantur, aut in propriis domibus residentes, spiritalem, atque religiosam vitam degant.

ACTIO QUARTA.

*Quæ extant, Lucas idem Holstenius edidit
collect. Rom. pag. 261.*

De Veneratione Sacrarum Imaginum.

*Luc. Hoff.
Coll. Rom.
pag. 261.*

S*I ad Sanctorum consortium venire optamus; profecto hic omnia in honore Sanctorum, siue reliquias non solum corporum, sed & vestimentorum, siue Basilicas nominibus eorum memoratis, seu etiam imagines, & vultus illorum in quolibet loco depictos celeberrimo honore venerari debemus.*

Item.

Item. *Pavendum est, ne sub iconum occasione ad pejora sese status male assertionis erigat, & corpora Sanctorum, & reliquias Martyrum adorari tanquam membra Domini, ac venerari prohibeat.*

Item. *Interrogatio Antiochi ad Sanctum Athanasium, Quomodo vos facitis imagines, & adoratis eas? Responso. Non sicut Deos imagines adoramus nos fideles, absit, sicut pagani: sed tantummodo affectum, & caritatem anime nostrae ad vultum faciei imaginis aptamus. Unde & multoties vultu delecto, sicut lignum purum, atque commune jam, quod dudum fuerat imago, comburimus.*

Item. *Crucem pro Crucifixo in ea Christo adoramus, & amplectimur fideliter.*

Item. *Si quis Sanctas Imagines Domini nostri Jesu Christi, & ejus Genitricis, atque omnium Sanctorum secundum Sanctorum Patrum statuta, venerari noluerit, anathema sit.*

L. Canones Apostolorum tantum suscipiendos.

Item. *Non amplius suscipiantur Apostolorum Canonum prolata per Sanctum Clementem, nisi quinquaginta Capita, quae suscipit Sancta Dei Catholica Romana Ecclesia.*

Statuta contra vim, & ambitum.

Item. *Si quis ex Episcopis, vel Presbyteris, vel Monachis, aut ex Laicis contra Canonum, & Sanctorum Patrum statuta prorumpens in gradum majorum Sanctae Romanae Ecclesiae, idest Presbyterorum Cardinalium, & Diaconum ire presumpserit; & hanc Apostolicam Sedem*

Diff. 79.
Cap. 5.

invadere quilibet ex supradictis tentaverit, & ad summum Pontificalem honorem ascendere voluerit; ipsi & sibi faventibus fiat perpetuum anathema.

Item. Si quis cum armis in electione Pontificis, vel aliorum Sacerdotum inventus fuerit, anathema sit.

Item. Si quis jurare, aut introducere in hanc civitatem Romæ præsumperit quemquam de quacunque civitate, aut castro, vel loco Pontificis prius discessum, quousque in Sede beati Petri Pontifex ordinatus fuerit, anathema sit.

Item. Si quis resistere præsumperit Sacerdotibus, atque Primatibus Ecclesie, vel cuncto Clero ad eligendum sibi Pontificem, secundum hanc canonicam traditionem, anathema sit.

Ex Anast. Biblioth. Ibid.

Anast. ibid.
sect. 281.

Expletis vero omnibus, quæ in eodem Concilio promulganda erant, tunc isdem beatissimus Pontifex aggregans universos Sacerdotes, atque Clerum, & cunctum populum profecti sunt ad beatum Petrum Principem Apostolorum cum hymnis, & canticis spiritalibus, nudis pedibus incedentes, illicque in ambonem ascendens Leontius Scriniarius, cuncta quæ in eodem peracta sunt Concilio extensa voce legit populo. Sed & tres Episcopi, idest Gregorius Silvæ Candidæ, Eustratius Albanus, & Theodosius Tyburtinus in eodem præfata Ecclesie ambone ascendentes anathematis obligationem protulerunt, si quisquam præsumat quoquo tempore transgredi quippiam de omnibus, quæ in eodem Concilio statuta sunt.

DIS-

DISSERTATIO

De Concilio Lateranensi.

STEPHANI III.

IN.

I N D E X

C A P I T U M.

C A P. I.

*Provincia tum Civiles, tum Ecclesiastica Galliarum, &
 Italiae Concilii tempore.* pag. 17.

C A P. II.

*Sedes Episcoporum Francie, qui Concilio Lateranensi ad-
 fuerunt.* pag. 41.

C A P. III.

*Sedes Episcoporum Tusciae atque Campaniae, & Provinciae
 Italiae, qui adfuerunt Concilio Stephani III.* pag. 72.

C A P. IV.

*Nomina duo, & quinquaginta Episcoporum, qui adfue-
 runt Concilio Lateranensi.* pag. 97.

CA-

DISSERTATIO

17

De Concilio Lateranensi Stephani III.

CAPUT I.

*Provincia tum Civiles, tum Ecclesiastica Galliarum,
& Italia Concilii tempore.*



Ræclarum sane monumentum subordinationis Gallicanorum Præsulum Sanctæ Sedi in lucem prodit. Papa Stephanus III. Concilium Romæ habiturus, in quo Constantinus Apostolicæ Sedis invalor deponendus erat, sacrarumque Imaginum veneratio adversus græcam impietatem asserenda: *Direxit in Franciæ partes ad ex-*

I.
Stephanus III.
Gallicanos Episcopos ad Concilium vocat.

cellentes viros Pipinum, Carolum, & Carolomannum Reges Francorum, & Patricios Romanorum, Sergium Secundicerium, & Nomenclatorem deprecans, atque adhortans eorum excellentiam per suas Apostolicas literas, ut aliquantos Episcopos dirigerent ad faciendum in hac Romana Urbe Concilium pro impia novi erroris, ac temerisatis præsumptione, quam Constantinus Apostolica Sedis pervasor ausus est perpetrare. Eisque in hanc Romanam Urbem conjungentibus mense Aprilis Indictione VII. protinus antedictus Stephanus Sanctiss. Papa aggregans diversos Episcopos Tuscia atque Campania, & aliquantos istius Italiæ provinciæ, Concilium celebravit.

Lib. Pontific.
in Steph. III.

Hanc Romani Concilii historiam ex libro Pontificali hauserunt multi: provincias vero, sedes, nomina, & numerum Episcoporum convenientium tum ex Francia, tum ex Italia, nemo usque ad hunc diem ex tanta, qua obruebantur vetustate, eduxit. Franciæ quidem Episcopos edidit Pater Jacobus Sirmondus e Schedis Onuphrii, licet non integre; nam Meldensis in Schedis silebatur, numerumque duode-

II.
Episcopos, Gallia, & Italia
numeros, provinciæ, sedes,
nomina, hucusque incerta.

C

de-

decimum implebat Joseph incertæ Sedis, quem fuisse Dertonensem hodie discimus; ac proinde Conciliorum Collectores, Sammarthani, alique eruditissimi viri Sirmondum sequuti, omnes decepti sunt. Italiæ vero Antistites infelicio-ri uli sunt fortuna; nam quatuor, aut quinque exceptis, qui aut in libro Pontificali memorantur, aut Concilio interfuerunt S. Pauli I. reliqui omnes, vel eruditissimum Italiæ Sacræ Scriptorem, & ejus Continuatore præterierunt. Quinobrem facturum me esse operæ pretium scio, si edens in lucem Concilii Romani fragmentum præstantissimum, unde præ aliis certo discimus provincias, sedes, nomina, numerumque Episcoporum tam Franciæ, quam Italiæ, qui eidem interfuerunt, nonnihil delibavero de historia tum Ecclesiastica, tum civili temporis tanto intervallo a nobis dissi-
si; ut lux inde aliqua Concilio asfulgeat. Sed antequam de illustrando Concilio cogito, de illius convocatione, quam exemplo aliorum ex libro Pontificali hausi, aliquid dicam necesse est, quod instar prologii erit mox dicendis.

III.
Concilii ma-
ximam fuit ar-
gumentum tri-
plicitis potestatis
Rom. Pontif.

Euchar. lib. 2.
cap. ult. ap. No-
tis de Syno V.
cap. 2.

Supremam Romani Pontificis potestatem in universam Orientis, & Occidentis Ecclesiam, ac præterea Patriarchalem in Tractu Occidentis, & Exarchicam in Diocesi Italiæ, nedum audacia, & impudentia, summa esset ignoratio rerum nostra ætate in dubium vertere. Ipsi siquidem adversarii S. Sedis eandem diffiteri non audent: Nec *Primates*, ait Salmasius, *eum Italia specialem, nec Occidentis fuisse Patriarcham, sed eandem omnino & in Oriente potestatem habuisse olim, quam in Occidente, eandem porro & in qualibet Occidentis provincia, quam in Italia*. Multis profecto, & præclaris trinam hanc potestatem argumentis persequi antiquos, numeroque Scriptores compertum est: nullum tamen aut fir-
mius, aut evidentius argumentum Conciliis suppetit. Dum enimvero immensum universali Ecclesiæ vulnus infictum ab impia hæresi tractandum fuit, ipsamque hæresim profigari, ac sanum dogma stabiliri oportuit, Concilium œcumenicum est celebratum. In eo vero Summus Pontifex aut per se, aut per Legatos vel meros Presbyteros Patriarchis ceteris præsidet, decernit, deliberata probat, improbatve, intercedit, Concilium a recto tramite declinans dissolvit, quod
co-

eodem, aut ejus Legatis secedentibus, in latrocinium vertitur; quin etiam vel recte absolutum confirmationis Pontificiæ indiget, ut legis Ecclesiasticæ vim acquirat. Perinde quum aliqua in Occidentalis Patriarchatus Diœcesis, seu majori regno, Ecclesiæ disciplina pessumdatur, pervertuntur sacri Canones, Christiana ipsa religio periclitatur, Romanus Pontifex Patriarchali jure utens, aut alicui ex ejus Diœcesis Episcopo suas vices delegat, aut tali munitum autoritate aliquem Roma mittit, qui Episcopis cujuscunque jurisdictionis congregatis Concilium celebret, cunctisque Diœcesis incommodis remedium afferat: sive etiam quum gravissimam aliquam causam Romæ expendere lubet Pontifici in Patriarchali Concilio, aut Dogma, & Regulas pro tota Ecclesia, in eodem definire, ut norma sint definiendorum in generali Concilio, ex quacunque libuerit sui Patriarchatus Diœcesis Metropolitanos, Suffraganeosque nullo discrimine accersit, Conciliumque habet. Denique in Italiæ Diœcesi, aut ex amplissima Romana Provincia jure Metropolitico, aut Exarchico ex tota Italia evocatis Episcopis pro levioris, graviorisve momenti negociis, Concilium celebrat. Quare ad triplicem Romani Pontificis potestatem comprobendam, nullum, inquam, apud veteres, recentioresque argumentum firmitus, aut evidentius Conciliis occurrit.

Verum, ut multa sint primi, & tertii generis Concilia; Oecumenica enim XX. numerantur, & Episcoporum, universæ Italiæ multo plura, quæ ab aliis Romanis scernere per se quisque potest; secundi tamen generis nempe Patriarchalia sunt rariora. Quæ enim semper fuit summa Romanorum Pontificum suavitas, ne fratres suos Episcopos longe distitos itineribus fatigarent, Apostolica ut plurimum potestate alicui delegata, vel in gravissimis Ecclesiæ negociis per Diœceses, quandoque etiam per Provincias, Episcoporum animos explorabant. Estque exemplo Concilium Romanum Agathonis 125. Episcoporum anno 679. celebratum, cui non solum pauci aderant transmontani Episcopi, iique fortuito agentes Romæ, verum multi ex ipsa Italia, deerant, ac proinde tam in Anglia & Galliis, quam ipsa in Italia per privata Concilia sententia Episcoporum contra

IV.
Quæta cum
circumspiciam
Ro. Pont. evoca-
bat Episcopos
ex aliis Diœ-
cesis.

Monothelitas deprompta est. Huc accedit maxima eorundem Pontificum moderatio erga Principes, quum de Romanam evocandis eorum Ditionis Episcopis agebatur; neque enim secus poterant, dum sæpe ingruentibus undequaque bellis, crebriusque invasionibus turbata omnia erant. Quamobrem S. Papa Martinus aliquot ex Francia Episcopos ad Urbem Regiam legaturus, sic Trajectensem Episcopum B. Amandum alloquitur: *Sigebertum præcellentissimum filium nostrum Regem Francorum pro sua Christianitatis remedio consultissime admone, atque precare, dirigere nobis ex corpore Fratrum nostrorum dilectissimos Episcopos, qui Sedis Apostolica legatione divina concedente propitiatione fungi debeant, & quæ in nostro Concilio peracta sunt, cum his synodalibus apicibus vestris ad clementissimum Principem nostrum sine dubio asportare &c.* Nec solum ex aliena Diocesi, sed ipsa ex Diocesi Italix, immo ipsa ex Provincia Romani Metropolitæ, nempe ex Sicilia, antequam ulla in ea Metropolis excitaretur, S. Gregorius Magnus multa utitur circumspeditione in propriis Suffraganeis accersendis: *Quia, inquit Cypriano Insulæ Rectori pro S. Sede, jamdiu est, quod huc minime convenerunt, eos hortari te volumus, ut natalem S. Petri hic Deo perducente nobiscum debeant celebrare. Sed ne forte Pratori aliqua possit nasci suspicio, si eos huc admonitos venire cognoverit: voluntatem nostram intelligens ita hoc ex te facere stude, ut & ipsi, sicut prædiximus ad diem constitutum huc veniant, & nulla de eis Pratori possit esse suspicio.*

Concil. Later.
S. Mart. l. Sec-
tæ. 5.

S. Greg. lib. 6.
epist. 19.

V.
Idque, ut con-
cordiam serva-
ret sacerdotii,
& Regni.

Christ. Lup.
Schol. in C. 17.
Cauc. VIII.

Hæc potissima ratio est, cur Stephanus III. Patriarchale habiturus Concilium in gravissima causa, suorum exemplo Prædecessorum, Legati officio utitur apud Francorum Reges: neque enim ignorabant præci Pontifices; Romanam evocandi potestatem, ut viri eruditissimi utar verbis, *esse omnino Divinam Domini nostri Jesu Christi Legem, ideoque pro illa, ut Evangelico Dogmate fundamentali Apostolicam Sedem semper laborasse.* At quemadmodum ad totius Catholici orbis Hierarchiæ subordinationem conservandam, Principum, qui sunt exterius Ecclesiæ brachium, concordia opus est Romano Pontifici; ita hic nullo unquam tempore illorum auctoritatem contempsit, immo vel præcipuis Ecclesiæ sanctio-

ni-

nibus consensit eorum confirmationis robur accedere. Quam Sacerdotii & Regni concordiam, quum sæpe Archiepiscopus Parisiensis arbitrato suo interpretetur, non erit abs re unicam ex tot fallaciis indicare, quas nobis struit. Contendit vir doctissimus, Canonem XVII. Concilii generalis VIII, quo Metropolitæ inobedientes suo Patriarchæ, segregari, & contumaces deponi jubentur, esse factum *adversus Episcopos Gallicanos juxta suggestiones Legatorum Pontificiorum, ut a Concilio Oecumenico firmata esse videretur Nicolai I. nova molitio sexennio ante prolata*. At minime animadvertit, quod centum ante annos, ad Stephani III. Concilium lubentissime venerunt Metropolita Senonensis, qui nuper donatus fuerat Palio a Romano Pontifice, cumque eo sex alii Metropolitanarum Sedium Episcopi, qui postliminio in suas dignitates redire avebant per Romanum Pontificem, ut postea redierunt, unde in maxima Gallicanæ Ecclesiæ perturbatione ejecti fuerant: neque ii quidem, accessis eorum rebus, recularunt ad Concilia Romani Patriarchatus cogi, impositæque Italiæ Episcopis conditiones detrectarunt, ut Marcha jactat. Quæ obiter dicta velim intelligi, ne alicui videar profligatam jam quæstionem recoquendam suscepisse. Ad Concilium siquidem Stephani III. quod spectat, non pauca illustrari oportet, quæ cominus rem attingunt. Itaque præfatum me esse satis agnoscens, ad institutum aggredior. De Provinciis igitur Episcoporum acturus ostendam primum, cur unus tantum Senonensis vocetur in Concilio Provinciæ Galliarum Archiepiscopus, adversus nonnullos, qui de Primatu nescio quid mustant, ac proinde de Gallicanis Provinciis aliquid dicam. Deinde vero Italiæ nostræ Provincias enucleatius expendam; præsertim, quas memorat liber Pontificalis Provincias, *Tusciam atque Campaniam, & Italiam*: est enim qui, eundem librum interpretans, docet, *ex aliis Italiæ Provinciis convocatos Episcopos*. Quare occasionem nactus Concilii hujus illustrandi, hæc duo, quam potero brevius ostendam: inter duodecim Francorum Episcopos unicum fuisse Metropolitam Vvillicarium Senonensem, & Italos Episcopos recte convocatos dici ab Anastasio ex Tuscia atque Campania, & ex Italia Provincia. Ac primum de Galliarum Provinciis.

Metres de Conc.
Sac. & Imp. Lib.
cap. 15.

Fræm. Page. 11
Steph. III. lib. 30



V L.
Provincia Cī-
vitas Dioecesis
Galliarum.

Post celebrem Romani orbis divisionem, quam Constantinianam appellant, tametsi ab Adriano ante Constantinum excogitatam, aliisque ab Imperatoribus postea amplificatam, qualem exhibet notitia Imperii; post eam, inquam, divisionem, una ex tribus Dioecesebus, quæ Præfecto Prætorii Galliarum parebant, Gallia spectabili Vicario commissa septemdecim, quæ Consulares, quæ Prædiales, Provincias continebat. Quemadmodum vero ad eum numerum venerint modo expediam. Antiquata per Octavianum tripartita Cæsaris divisione, Gallia omnis in partes quatuor dividebatur, Narbonensem, Aquitanicam, Lugdunensem, Belgicam. Hanc Constantinus, quum pace Ecclesiæ reddita, Sedeque Imperii translata Byzantium, iuter quatuor Præfectos Prætorii Romanum orbem divisit, longe auxit, unaquaque ex iis partibus in plures Provincias divisa, itaut omnino quatuordecim fierent. Ex Narbonensi nimirum fecit quatuor, Narbonensem, Viennensem, Alpes Maritimas, Alpes Grajas & Penninas: ex Aquitania tres, Aquitaniam I., Aquitaniam II., Novempopulanam: ex Lugdunensi item tres, Lugdunensem I., Lugdunensem II., Maximam Sequanorum: ex Belgica demum quatuor, Belgicam I., Belgicam II., Germaniam I., Germaniam II. Quatuordecim harum Provinciarum numerus Valentiniani senioris tempore a Gratiano Augusto amplificatus, eas septemdecim Provincias amplexus est, quæ passim in notitiis leguntur: bipertito scilicet divisis Narbonensi, & utraque Lugdunensi.

V II.
Alia aliis temporibus habuerunt nomina, ut semper fuerunt XVII. post Constantin. divisio-
nem.

Civilem hanc Galliarum dispositionem semel, iterumque mutatam Concilia, & Pontificum Romanorum epistolæ testantur; nam primo in Gallias, & quinque Provincias, Galliam ipsam divisam legimus usque ad annum 401. quum Taurinense Concilium celebrabatur: deinde alius divisionis mentio occurrit apud Zosimum anno 417. in Gallias & septem Provincias, quæ quidem perseveravit, quoad Austrasiæ, Neustrasiæque, & Burgundiæ nomina per seculum sextum emergere, in duo, plurave regna divisis Galliis. Postremo hæc divisio in Gallias, & septem Provincias, quæ & Honoriana dicitur, eo præsertim est celebris, quod septem iis Provinciis, Septimaniam, seu Occitaniam, quam hodie dici-

cius Linguadocium, constituit, belli magis, quam pacis artibus usque ad Carolingios celebrem: cujus magnam partem quarto seculo invadentes Gothi, unde & Gothiæ nomen adepta est, Hispaniæ Regno adjunxerunt; octavo autem seculo Saraceni in eam irrumpentes omnia miscuerant, nisi Carolingiorum virtus crebris, cruentisque bellis profligatos, inde tandem expulisset. Ad nos vero quid attinet Septimanæ vices, præteritamque earum memoriam repetere? Ecclesiasticam enimvero dispositionem spectantibus duæ primæ divisiones satis sunt, & mox laudatæ in Gallias, & quinque, deinde etiam septem Provincias, quippe quæ nomine tenus diversæ sunt, septemdecim Provinciarum numerum non augent, minuuntve. Ac proinde Civilis ea notitia, quæ apud Sirmondum, & Carolum a S. Paulo, juxta Honorianam dispositionem exhibetur, eadem omnino est, ac quæ Imperii dicitur, si in septem Provincias distinctio auferatur, variatusque earum ordo restituitur. Præterquamquod Recentiorum discrepantia tum de primordiis, tum de Provinciarum numero Honorianæ divisionis, longius quam par esset, a proposita nos quæstione abire compelleret.

Civili Galliarum dispositione cognita, facili negotio assequimur Ecclesiasticam. Si enim Germaniæ duæ excipiantur, in quibus nullæ fuerunt Metropoles ante S. Bonifacium earum Apostolum octavo Ecclesiæ seculo, reliquas Provincias quindecim & Civiles, & Ecclesiasticas fuisse ante Majorum domus Franciæ præpotentiam, compertum est. Carolus quidem a S. Paulo & Tarantasiâ Metropolim alpium Grajarum ad Caroli Magni ævum differt, cui concinit Anonymus Mediolanensis, qui per sextum seculum, seu tempore Gregorii Magni quatuordecim tantum Metropoles Ecclesiasticas numerat: mihi autem arridet Sirmondi, aut Delalandii opinio, qui non institutam, at revocatam Caroli Magni ævo ad jus pristinum contendit. Quidquid vero sit de Tarantasia, certe, inquam, ante Majorum domus potentiam in Galliis erant Metropoles Ecclesiasticæ prædictæ, juxta Civilium veterum Provinciarum Consulares, Præfidentialesve Sedes, parvo discrimine, institutæ: Arelatenfis, Viennensis, Trevirensis, Remensis, Lugdunensis, Rothomagensis, Turo-

nen-

Concil. Gall.
tom. 2.
Geogr. Sic.

Panciroloensis.
Occid. esp. 68.

Pag. ann. 574.
num. 33.
Morin. Exerc.
22. l. 2.

VIII.
Totidem erant
Provincia Ec-
clesiastica, sub-
tem ævo Caroli
Magni.

Script. Ital.
tom. Tab. Chron.
mag. n. 35.

Not. ad Conc.
Francol. an. 794.

nensis, Senonensis, Bituricensis, Burdigalensis, Elufana postea Auscensis, Narbonensis, Aquensis, & Ebreduensis. Uniuscujusque referre principia non est hujus loci. Id tantum non prætermittam, quod quatuor præ aliis Metropoles Arelatensem in Narbonensi, in Belgica Trevirenses, Lugdunensem in Lugdunensi, & in Aquitanica Bituricensis, puto cum Carolo a S. Paulo, & Emmanuele a Schelestrate esse antiquiores Constantiniana dispositione, tametsi eruditissimi aliquot viri secus sentiant: ac proinde sententiam Joannis de Segovia, & Antonii Pagii, quod nimirum in Hispania & Galliis nequicquam quærentur Metropoles Ecclesiasticæ ante Constantinum, rejicio. Unde enim orta laudatarum quatuor Metropoleon tot dissidia de Primatu, quem singulæ usque ad septimum seculum sibi acerrime in plures Provincias vindicarunt, nisi a Patribus institutæ essent, priusquam divisio Constantiniana normam daret Ecclesiasticis novis Metropolitibus instituendis, quæ ante merx fuerint Suffraganeæ? Cæterum nova ea cæterarum Metropoleon institutio juxta Civilem dispositionem, fuit facta auctoritate Concilii Antiocheni, anno 341. celebrati; nec dubitare de earum antiquitate nos permittunt Decretales Romanorum Pontificum, & Concilia in Galliis celebrata per tria post Constantinum secula usque ad Galliarum politiam tum Civilem, tum Ecclesiasticam Majorum domus potentia psumdatam, de qua aliquid dicam necesse est, ut Concilio huic Lateranensi clarior inde lux afferatur.

Antiq. Eccl.
tom. 2. diss. 4.
cap. 8. num. 4.
& seqq.

Concil. Ant.
Canon. 91.

IX.
Civilem politi-
am Galliarum
Majorum domus
Francia pertur-
bat.

Cæso Francorum Rege Childerico anno 673. civiles illæ Galliarum discordiæ Ebroino Duce sunt coeptæ, quæ per longam annorum seriem perseverarunt. Fortasse etiam ante biennium coeperant, ut Pagius observat cum Annalista Metensi; at quum Ebroinus earum auspex, nonnisi post eadem Childerici sit egressus ex Monasterio Luxovienfi, idcirco per me biennium differuntur. Ebroino igitur Aula comite, seu Majore domus omnium primo socordium Regum nomine, abutente, cumque aliis Majoribus domi de Regni juribus decertante, in Trans-Rhenana Francia ad idololatriam est reditum, multique populi, qui Francis eousque paruerant, horum jugum excutientes sequentium Majorum domus Pipini

He-

Heristalli, hujusque filii Caroli Martelli, ac filiorum Pipini, & Carolomanni virtutem exercuerunt. Hos Annalista Metensis apud Pagium enumerat, Saxones nimirum, Bajoarios, Frisios, & Suavos, qui omnes ante civiles discordias Francorum ditioni erant subditi, iisdem vero ingruentibus, libertatem tuebantur armis, nec nisi crebris expeditionibus in pristinam subjectionem redigi potuerunt. Præterea Francorum Regno sic mutilato defectionibus in Orientali parte, majus etiam malum a meridie accessit, quum Saraceni, qui Hispaniarum Regnum invaserant, in Septimaniam anno 721. irruerunt, urbibusque expugnatis, eam triginta amplius annis possederunt, quoad Pipini Regis virtute anno 755. ultra Pyrenæos montes summoti sunt. Itaque trans Rhenum armis eorum, qui defecerant, potiorum Galliz partem discordiis intestinis, ac Septimaniam Saracenis late vastantibus, ultima videbatur perniciem florentissimo illi Regno imminere.

Has Galliz universæ calamitates præ aliis sensit Ecclesia; namque, ut multa in annalibus Francorum relata paucis complectar cum Pagio: *Non solum ab eo tempore intermissa Conciliorum celebratio, & laicorum vita solutior fuit, sed etiam Canones exequutioni non mandati, extincta Primatum dignitas, & Metropolitanorum auctoritas eversa.* Id querebatur cum Sancto Pontifice Zacharia Bonifacius Germanorum Apostolus: *Franci enim, inquiens, ut seniores dicunt, plusquam per tempus octoginta annorum Synodum non fecerunt, nec Archiepiscopum habuerunt; nec Ecclesia canonica jura alicui fundabant, vel renovabant.* Idque aliquanto post testatur Vienneſi Episcopo Adrianus Papa, ajens, quod Gallicana Ecclesia *per sexaginta, aut septuaginta, aut octoginta, & amplius annos dignitatem antiquam, & Romanorum Antistitem firmitate roboratam perdidit, & amisit.* Nolim autem aliquis putet, Gallicanæ Ecclesiæ incommodis, & calamitatibus fuisse modum; eundo ea siquidem creverunt, itaut ad extremum miseram fecerint. Quod ne videar gratis asserere, in memoriam rediri cupio eorum, quæ gessit octavo seculo Pipini primi Carolingiorum Regis pater Carolus cognomento Martellus, quem constabat Ecclesiarum fuisse confusionem, ut ait

D

Chro-

Pag. ann. 671.
num. 6.X.
Ecclesiastica
etiam p. licia per
eosdem pestum-
dantur.
Pag. ann. 741.
num. 5.Cod. Bonif. ep.
132.Labb. bibl. Mss.
tom. 1. p. 109.Idem ibi pag.
108.

Cod. Bonif. ep.
134.

Chronologus Flaviniacensis . Hujus tempore , utar verbis Bonifacii , brevitatis ergo : *Maxima ex parte per civitates Episcopales Sedes tradita sunt laicis cupidis ad possidendum , vel adulteratis Clericis , scortatoribus & publicanis seculariter ad perfruendum .* Describit postea pessimos Diaconorum mores , vitamque omnibus flagitiis contaminatissimam , deque iis prosequitur : *Novissime , quod pejus est , sub talibus testimoniis per gradus singulos ascendentes ordinantur , & nominantur Episcopi .* Quam late autem id malum patuerit , docet Hincmarus : *Tempore Caroli Principis , quando propter discordiam , & contentionem de Principatu inter eum , & Raganfredum , & frequentia ac Civilia , imo plusquam Civilia , quia intestina , & parricidalia bella , in Germanicis & Belgicis , ac Gallicanis Provinciis omnis religio Orbisfiamitatis pene fuit abolita , itaut Episcopis in paucis locis residuis Episcopalia laicis donata , & rebus divisa fuerint .*

Hincm. ep. 6.
cap. 19.

XL.
Eadem non in-
fluatur ante
tatem Caroli
Regis , postea
primi Imperatoris
Occid.

Tantas porro calamitates , quam effrenata cupiditas Majorum domus in vastissimum Francorum Regnum adve- xerat , misericordis Dei benignitas tandem respexit , San-cto- rumque virorum prædicatione populos a viis eorum impiis revocavit . Verum Christiana Fides in Trans-Rhenanam Fran- ciam , primævæ Ecclesiæ more , per martyria & persecutio- nes , postliminio rediit . Ecclesiastica autem disciplina , quæ vulnus tam immensum acceperat , sensim , & nonnisi Caro- lo , postea Magno , potiente rerum revocata . Et sane , ad disciplinam quod spectat , S. Bonifacius suscepta Germano- rum legatione a S. Gregorio II. (quam eidem postea con- firmarunt SS. Gregorius III. & Zacharias) anno 719. ut tenent Card. Baronius , & Joannes Morinus , five ante an- num , ut ex Vvillibaldo , & Othlono conjicit Pagius , post illustratam prædicatione utramque Germaniam , Coloniam primum in Germania II. , deinde in Germania I. Moguntiam Metropoles a S. Zacharia institui obtinuit ; verum Mogunti- na Sedes cum honorem adepta est destructione Colonien- sis , quæ illi suffraganea facta est , ut ex literis Bonifacii Baronius & Pagius observant ; eademque Moguntina post S. Bonifacii mortem honore Metropolis non est fruita usque ad Adriani Pontificis tempora æqualis Caroli Magni , ut in- fra

Etton. 719.
Mor. Extr. 23.
lib. 6.

Bar. 719. Pag.
lib. num. 8.

fra ostendam. In Gallicanis vero Provinciis (in eorundem scilicet Francorum Regno cis Rhenum) ad quas Bonifacii legationem extendit Zacharias, post Concilium, quod Germanicum nuncupatur, anno 742. celebratum, *ad recuperandam legem Dei, & Ecclesiasticam religionem*, tres simul Metropolitae fuisse institutos constat, Grimonem *Rothomagensem*, Abelem *Remensem*, & Hardthbertum *Senonensem*, necnon ad eorum firmissimam stabilitatem, & Ecclesia Dei augmentum, Zachariam misisse Bonifacio tria pallia. Quin etiam Sueffionense Concilium anno post, nempe 744. habitum, id testatur, tamen Grimonem silet: *Constituimus*, inquit, *super eos Archiepiscopus Abel, & Ardobertum, ut ad iudicia eorum de omni necessitate Ecclesiastica recurrant tam Episcopi, quam alius populus.* Quid vero? Num Gallicanae Ecclesiae rerum conditio melior fuit? Minime id quidem. Quamvis enim Pipinus, & Carolomannus Majorum domus extremi, & Conciliis, & suis decretis malum avertere studuerint; tamen quum Carolomannus monachum induit, rerumque omnium potiebatur Pipinus, hic regium honorem affectans, quem & assequutus est, noluit animos Procerum, auferendo iisdem Episcopatus (queis nullo jure abutebantur) ab se alienare: & Romani Pontifices, qui a Græcis, & Langobardis tunc temporis immaniter vexabantur, ne Francorum praesidium deesset periclitanti Romanæ Ecclesiae, aliquanto suavius Gallicanae foedum vulnus tractare compulsi sunt.

Quamobrem nec Stephanum II. suscepto in Galliam itinere, ictove foedere cum Rege Pipino, nec successorem Sanctum Paulum confirmato eodem foedere, cum Francis conjunctissimos, ut testantur literæ ultro citroque tam frequenter missæ, quibus Pontifex uterque cum Rege, & contra Rex cum utroque Pontifice benefactis certauit, Ecclesiae Gallicanae pessumdatae levamentum aliquod attulisse comperio. Immo video, Adrianum Stephani III. successorem Remensi Ecclesiae Metropolitam restituere, quem antea S. Zacharias nequicquam instauraverat. Epistola ipsa Adriani ad Tilpinum Remensem Episcopum dubitationem omnem amovet: *Sancte*, inquit, *memoria Bonifacius Archiepiscopus & Legatus S. Romanae Ecclesiae, & praefatus amabilissimus Fulradus*

Conc. Germ.
in pref.

Cod. Bonif. ep.
141. & 144.

Conc. Sueff.
Cap. 3.

ETC.
Idem confirmatur
autenticis
re Adriani Pa-
pe.

Adrian. ep. ap.
Flohard. Hist.
Rem. l. 2. c. 16.

*Francia Archipresbyter , tempore antecessorum nostrorum Zacharia , & Stephani Successoris illius multum laboraverunt , ut bona memoria praedecessor noster Dominus Zacharias pallium Archiepiscopo Remensi Abel nomine per deprecationem superscripti Bonifacii transmitteret , * quod ab illo constitutus fuit , sed ibi permanere permissus non fuit , sed magis contra Deum eiectus est , & Remensis Ecclesia per multa tempora , & per multos annos sine Episcopo fuit , & res Ecclesiae de illo Episcopatu sunt ablatae , & per laicos divisa sunt , sicut & de aliis Episcopatibus , maxime autem de Remensi . Perinde esse de aliis duobus Metropolitibus , ad quos una cum Remensi pallium miserat Zacharias , non est dubitandum , nam Conventui Attiniacensi an. 762. ut vult Pagius , seu 765. ut Cointius , celebrato , Lupus , cui successit Vvillicarius in Senonensi Cathedra , subscripsit , merum Episcopi nomen sibi tribuens . Nec vero laudatæ tantum Metropoles a S. Zacharia instauratae , ob temporum acerbitatem evanuerunt ; sed Moguntina ipsa , quam unicam Metropolim superesse vidimus in utraque Germania ob Coloniz interitum , jure Metropolitico non est fruita nisi Adriano Pontifice , ut constat ex mox allata ejusdem epistola ad Tilpinum Remensem , in qua ei Apostolicam impertitur auctoritatem , ut de Lulli Moguntini Episcopi ordinatione cognoscat : Injungimus etiam , inquit , Fraternitati tuae , ut quia de Ordinatione Episcopi nomine Lul Sanctae Moguntinae Ecclesiae ad nos quadam pervenerunt , assumtis tecum Viomago , & Possessore Episcopis , & missis gloriosis , ac spiritalis filii nostri Karoli Francorum Regis , diligenter inquiras omnia de illius ordinatione , & fidem , ac doctrinam illius , atque conversationem & mores , ac vitam investiges : ut si aptus fueris & dignus ad Episcopalem Cathedram gubernandam , expositam , & conscriptam , & manu sua propria subscriptam Catholicam & Orthodoxam fidem per missos suos cum literis ac testimonio tuo , seu aliorum Episcoporum , quos tecum esse mandavimus , ad nos dirigat , ut pallium illi secundum consuetudinem transmittamus , & Ordinationem illius firmam judicemus , & in eadem S. Ecclesia Moguntina Archiepiscopum constitutum esse faciamus . Quare idem Lullus , qui ab anno 753. Sancto Bonifacio successerat , tum anno 762. in Attiniacensi Conventu , tum 769.*

in

Richard. Hist.
Rem. l. 2. c. 17.

in nostro Concilio Lateranensi veri Episcopi nomine appellatum videmus.

Cæterum tanta hæc autoritas Tilpino facta, ut causas Episcoporum alienæ Provinciæ examinet, non leviter prætereunda; quippe miserrimum Gallicanæ Ecclesiæ statum, quem nuper descripsimus, mirum in modum confirmat. Et sane in iis Regnis, ubi aut Barbarorum, aut Hæreticorum illuvie; disciplina Ecclesiæ, & Catholica ipsa Religio periclitantur, non omnium continuo Episcoporum sanctitas, studiumque ardens tuendi sacros Canones, ita intercidunt, ut eorum alicui non valeant Romani Pontifices Vicariam potestatem elargiri, qua plurimum Provinciarum curam suscipiat. Estque exemplo Galliæ ipsi finitima Hispania. Hanc quinto seculo pervadentibus Barbaris, ejusque Provincias misere lacerantibus, suum munus Episcopi plures non deseruerant; præque iis S. Turibius Asturicensis ob exinium Ecclesiæ zelum fuit dignus, cui S. Leo Magnus præcipuum committeret curam illius conservandæ: *Ad tuæ, inquit, dilectionis sollicitudinem pertinebit, ut nostra ordinationis autoritas ad prædictarum Provinciarum Episcopos deferatur*. Ita post annos circiter duo & viginti, quum Hispaniæ Regnum moderante Eurico Ariano Romanis apprimè infenso, maxima ea vigeat persecutio, qua Catholici Ecclesiarum Episcopi loco movebantur, nullis aliis substitutis, minores Sacerdotes, sublati Rectoribus, dissipantur &c. Pontificem Simplicium constat demandasse Apostolicas vices Zenoni Metropolitæ Hispalensi: *Plurimorum relatione, ait Pontifex, comperimus, dilectionem tuam fervore Spiritus Sancti, ita te Ecclesia gubernatorem existere, ut naufragii detrimentum, Deo autore, non sentiat. Talibus idcirco gloriantes indicii, congruum duximus, Vicaria Sedis nostra te autoritate fulciri*. Ita quum sexto seculo ineunte Theodoricus in Italia regnans, in Amalarici minori ætate Hispaniam per Præfectos administrabat, agebaturque aliquanto mitius cum Catholicis, itaut Ecclesiasticam restitui rem posse putaret Hormisda, duobus Metropolitæ Joanni Tarraconensi, & Salustio Hispalensi Apostolicas vices demandavit, ut bipertito Hispaniensis Ecclesiæ satagerent. Ita demum quando eodem sexto seculo exeunte de abjuranda in universq; Regno Aria-

XIII.
Iulianæ Galli-
canæ Eccl. con-
ditio ostenditur
exemplis.

S. Leo Magnus
Ep. 21.

Jos Maria de
reb. Hisp. lib. 5.
cap. 5.

Simplicio, ep. 14.

na hæresi cogitatum est, non ignoramus, S. Leandrum Metropolitam Hispalensem sua prædicatione Catholicam Fidem, sanctionibusque Ecclesiasticam disciplinam, S. Gregorio Magno Pontifice, instaurasse.

XIV.
Idem urgetur.

At e contrario in ea Regna, in quibus Catholica Fide penitus deleta, nullum amplius Ecclesiæ nomen auditur, aliunde quæsitos Evangelii Præcones, qui Ecclesiam instituant, deinde Episcopos, qui eam moderentur, mitti oportet. Sic Monachum Augustinum cum sociis in Angliam, profectum novimus eodem Gregorio Pontifice, qui postea ipsi Augustino facto Episcopo Apostolicum Vicariatum largitus fuit, ut nullo jurisdictionis alienæ limite, ab exercendo per totam Angliam Episcopali munere removeretur. Idem fere est de legatione Germanica S. Bonifacii, tamen ejus prædicationi S. Vvillibrordus, alique Episcopi in nonnullis suæ legationis Provinciis proluserant. Hæc quum ita sint, quid de Gallicana Ecclesia, ad quam oportuit S. Bonifacii legationem extendi, videatur statuendum, ignoro. Id tantum scio, quod sedente Remis Tilpino, non aliunde quæsitus est Episcopus, cui gravior causa alienæ Provinciæ (cujusmodi est cognitio ordinationis Episcopi) committeretur: sed eodem Tilpino nuperrimo Metropolitæ causa demandatur Moguntini Antistitis, successoris scilicet S. Bonifacii, qui legem dederat toti Galliæ. Unde conjicio, Gallicanam Ecclesiam non modo miseram, sed ad extremum miseram fuisse, quum Apostolicæ in ea vices S. Bonifacio sunt traditæ; quippe, quæ nullum habebat Episcopum, cui custodia Canonum crederetur. Quid dico Episcopum? Omnia Ecclesiæ bona Administratoribus, & Commendatariis occupantibus, ea dignitas aut scelestis hominibus ad ludibrium data, aut, servi instar pecoris, ipsi Episcopi tantæ apud omnes gentes venerationis, traducti, & conculcati. Quare illum ipsum Abbelem, cui S. Zacharias pallium miserat, vocant Veteres Corepiscopum, utpote qui minorem quoque autoritatem habuit, quam Suffraganei Antistites. Ac proinde non moveo litem aliis aliarum Galliæ Provinciarum Metropolitæ, at Conventus Attiniacensis, nostrique Romani Concilii autoritate compello, id dicere, quod apertius Cap. seq. ostendam, nul-

Flooard. Hist.
Rem. l. 2. c. 16.

nullum videlicet ex duodecim Francorum Episcopis, qui Concilio eidem assuere, Metropolitam fuisse, præter Senonensem, quem præterea quando, & a quo Pontifice obtinuisse pallium affirmem, nescio.

Verum ne ratio ulla vel minima sit reliqua dubitandi, quin recte id affirmem, animadverti velim, quod non solum Episcopi Metropoleon Galliarum micro Episcopi nomine in Concilio occurrunt, ut in Conventu Attiniacensi; at omnes concedunt loco Meldensi Episcopo Suffraganeo Archiepiscopi Senonensis, hoc uno excepto, qui locum Metropolitæ proprium tenet. Quumque duo mihi obijci possint, Metropolitam nimirum Senonensem vocari Archiepiscopum, quia erat Primas Galliarum; & majorum in more fuisse positum, ut observat Cantelius, quandoque in Conciliis collocare, Suffraganeos statim post suum ipsorum Metropolitam, brevi respondeo. Senonensem Primatiali honore fuisse insignem & ab Aimoino, & ab autore Chronici Autisiodorensis docteor; ab iisdem vero disco etiam instituti Primatus Epochem, annum videlicet 876. Ind. IX. undecimo Cal. Jul. in Concilio Pontigonensi, Carolo Calvo Imperatore: ibi enim Privilegium conlatæ dignitatis Ansegiso Senonensi ab Jonanne VIII. Romano Pontifice, nequicquam reclamantibus Episcopis, patefactum, confirmatumque est ab Imperatore. Quare laudatum Chronicon mortem referens Archiepiscopi Senonensis Sevini vere Primatis: *His diebus*, ait, *Domnus Sevinus Senonensis Archiepiscopus obit. Hic Roma per manum Joannis Papæ Archiepiscopale pallium, quo Antecessores ejus insulati sunt, & Primatum Galliarum suscepit.* Itaque si centum amplius annis post Concilii hujus Romani ætatem, Senonensis Primatus est institutus, Vvillicarius erat dumtaxat Metropolita. Ad caput alterum, quod spectat; sedisse in hoc Concilio ante Italos, Gallicanos Episcopos omnes simul junctos, unico Protothrono Ostiensi divisos, ut Gallicanis Itali simul conjuncti præcesserant in Arelateni primo, aperte video, debitaque habeo gratias Cantelio, qui hoc in Arelateni esse factum observat. Quod vero idem docet, quandoque Suffraganeos suis Metropolitæ adhæsisse, Concilio huic Romano haud congruit. Idque apertissimum est ex

XV.
Conclusitur, nullum ex Franc. Episc. qui Concil. attuler. Metropolitam fuisse, præter Senonensem.

Aim. Cont. l. 5. cap. 3. Chron. Autis. an. 1002.

Cantel. de Metrop. Eccl.

Er-

Erlulfo Lingonenſi, quem, tametiſi Suffraganeum Lugdunenſis, videmus tamen quintum poſt ſuum Metropolitanum ſediſſe. Atque ea propter, ne verbis inutilibus immerer, venio ad Italix Episcopos ex Tuſcia atque Campania, & ex Provincia Italia convocatos, quæ eſt mei inſtituti pars altera. Idque ut planius fiat, quod de Galliis feci, Italix diſpoſitionem tum civilem, tum Eccleſiaſticam præmittam.

XVI.
Civilis diſpoſi-
tio Italix in-
XVII. Provin-
cias poſt Con-
ſtitutionem.

Italix peninſulam ab Alpibus, & circumſuſo mari deſinitam, quamquam ante Triumviralem poteſtatem limitæ boreali Ciſalpinæ Gallix anguſtatam, primum Imperatores, deinde invaſores Gothi, hoſque ſequuti Langobardi, ac demum Franci Reges eorum proſtigatores, qui omnes novam politiæ formam advexerunt, auſi nunquam ſunt violare. Quam rem erudite obſervat V. C. Anonymus Mediolanenſis, qui extensionis Italix primordiis conſtitutis anno urbis C. 711. al. 710. Octavio Cæſare, & Q. Pædio Coſs. ſuffectis, cum Strabone: *Hos fines, inquit, medio ævo nec Græci Cæſares, nec Gothi, nec Langobardi, auſi ſunt immutare. Verrum quidquid religio iis fuerit Italix fines innovare, eam certe adminiſtrandi genus multiplex memoratur. Præcipuum illud eſt, quod ab Adriano jampridem excogitatum, quum Conſularibus quatuor Italiam omnem commiſit, Conſtantine in ſua Romani Orbis diſpoſitione omniuo novum inſtituit. Namque Conſularium Magiſtratibus obſoletis, unoque Italiam Correſtore moderante, Conſtantine Præfecto Prætorio Italix, præter Africæ, & Illyrici Diœceſes (quæ novæ, veteriſque Italix rationem habens) Italix Diœceſim bipertito adminiſtrandam per duos Vicarios decrevit. Dicti iidem ſunt Vicarius Romæ, & Vicarius Italix. Illi paruerunt Provinciæ decem, quarum quatuor, Campania, Tuſcia & Umbria, Picenum Suburbicarium, Sicilia, erant Conſulares; duæ, Apulia & Calabria, Brutii & Lucani, a Correſtoribus adminiſtrabantur; quatuor autem reliquæ, Samnium, Sardinia, Corſica, Valeria, per Præſides regebantur. At Vicario Italix ſeptem commiſſæ erant Provinciæ, quatuor Conſulares, Venetia & Iſtria, Æmilia, Liguria, Flaminia & Picenum Annonarium; ac tres Præſidiales, Alpes Cottix, Rhetia prima, & Rhetia ſecunda.*

Ita-

Scriptor, Ital.
tor. x. tab. Chr.
ſec. d. xvi.

Itaque septemdecim, ut in Galliis, Provincias in nostra Italia esse post Constantinianam divisionem perspicimus, in quarum singulis sua erat urbs Metropolis, Sedes videlicet Consularis, aut Correctoris, aut Præsidis, quæ ex Notitiis satis constant. At singulas enumerando recensere vanum esset; quippe Romani Pontifices in Ecclesiasticis Provinciis constituendis, nullam civilis dispositionis rationem habuerunt, præter bipertitæ Italici divisionem, in Italiam videlicet propriè dictam, quæ parebat Vicario Italici, & aliam in Italici partem, quæ Vicario Romæ.

Hujus vero bipertitæ divisionis rationem a Romanis Pontificibus esse habitam constat ab instituta per eosdem Metropoli Mediolano, cujus Sedis Episcopo septem Civiles Provincias ad Italiam spectantes subdiderunt; quum autem eam divisionem totam Italici Diocesis ipsi per se, unicæ instar Metropolis, gubernassent. Deinceps enim Primatiali jure Italiam administrantes, Romam cum decem iis Provinciis, quæ Vicario Romæ parebant, jure Metropolitico moderati sunt, detracto insuper ex Italia Piceno Annonario, quod ad Romanam Metropolim pertinuit. Hanc profecto dispositionem & D. Athanasius tum in Apologia secundâ, tum in epistola ad solitarios, & Concilii Sardicenis subscriptiones satis comprobant, ut Joannes Morinus & Carolus a S. Paulo observant. Neque eam obsolevisse per octavum seculum, convocatio Concilii hujus Lateranensis ex Tuscia, atque Italia, & Pontificiæ literæ aliquot post annos datæ de Simonis vitio, quod in Tusciæ, & Italici partibus vigeat, testantur. Sic, ne prodigatas de Urbicariis, Suburbicariisve regionibus quæstiones instaurem, de quibus tam multa eruditissimi Recentiores contra Gothofredum, præcunctibus Joanne Morino, & Christiano Luppo, quorum primus Provincias omnes Vicario Romæ subditas, alter totum Occidentis Patriarchatum, Urbicarias, Suburbicariave fuisse regiones contendunt, pro certo haberi posse intelligo, quod Italici Diocesis divisio bipertita, post Constantinianam divisionem facta, in duas videlicet Ecclesiasticas Provincias, octavo seculo penitus non obsoleverat.

XVII.
Ecclesiastica n-
nam primo pro-
vinci m. deinde
post Constanti-
dus, Italian-
& Romam am-
plectebatur.

Morin. Exerc.
90. l. 1.
George. Sacr.

Adrim. PP.
Cod. Carol. ep.
85.

Gothofr. Cod.
Theod. tom. 10.
Morin. Exerc.
cit. 10. lib. 10.
Christiam. Lupo
Schul. in Galla
& Conc. Nice

XVII
Provincia Italia in tres Metropoles dividitur a Summo Pontifice.
Cantels Metrop.
Urb. p. 3. diff.
6 cap. 3.

Idem diff. 6.
cap. 4. ejusd. p. 3.
Norm. de Syn. v.
cap. 106.

Rur. 968. Pag.
965. Leo. Urb.
L. 2. c. 9. Per-
regit. in Aliger-
no. Cantels ubi
supr.
Geog. Sacr.

Et revera in Provinciis Civilibus, quas Romanus Pontifex jure Metropolitico gubernabat, si Sardinia excipiat, in qua Calarim fuisse Metropolim Ecclesiasticam a seculo quarto probat Cantelius ex S. Athanasio, Theodoro, & Cassiodoro, nulla ante nonum seculum Metropolis instituta est. In Sicilia siquidem non esse excitatam Syracusanam Metropolim ante seculum nonum invicte ostendunt idem Cantelius, & Card. Noris, qui præterea Alberti Piccoli dissertationem de jure Ecclesiæ Siculæ impugnat, Messanæque Metropolis antiquitatem evellit. In Peninsulæ autem Italiæ continenti Romanam Metropolim coarctatam minime esse ante Capuanum Metropolitam institutum, communis Eruditorum opinio est. Capuanæ vero Sedis Episcopus Metropolitico honorem est adeptus ab Joanne XIII. an. 968. seu ante biennium, tenui hoc, neque attendendo, Chronologiæ discrimine. Quare mentio illa Rhegitanæ Metropolis, quam in Photiana Notitia observans Carolus a S. Paulo, rem certam affirmare timuit, ad eas per me ablegatur Metropoles, quas nonnulli amore erga patriam compulsi, ex monumentis veterum excitasse sibi blandiuntur; quum cæteroqui aut de Civilibus, aut de Græcæ institutionis Metropolitibus mentio in iis sit. Secus est de septem Italiæ Provinciis ab Apostolica Sede commissis Metropolitæ Mediolanensi; hanc siquidem late adeo effusam Mediolanensis jurisdictionem, longe ante Concilium nostrum Romani Pontifices decurtarunt, creatis subinde Metropolitibus duobus, Ravennateni, cui subiciebantur Æmilia, & Flaminia præter Picenum Annonarium, de quo supra, & Aquilejensi, cui Venetia & Istria Civilis Provincia erat subdita, quæ postea Langobardorum tempore in duas est divisa, in Aquilejensem nimirum & Gradensem. Sed de Gradeni Istria Metropoli, seu Patriarchatu, schismate celebri ad nos nihil; tum quia Gradus extra continentem Italiæ sita est, tum quia parvam in eam Insulam secedens Aquilejensis, translata potius Sedis, quam novæ Metropolis institutæ posset Autor appellari, quamquam & Pontifices misso Pallio confirmarunt Gradensem, vicesque ejus ut tandem sopirent, Venetias undecimo seculo eam dignitatem transtulerunt. Cæterum

Ra-

Ravennate , & Aquilejensi Metropolitibus institutis , exinde Mediolanensi quatuor tantum Provinciæ Civiles ante annum millesimum paruerunt , Liguria , Alpes Cottiae , Rætia prima , & Rætia secunda , duabus ex hac postrema civitatibus detractis Ratispona , & Quintanis in Vindelicis , quarum Episcopi subditi fuerunt Metropolitæ Laureacensi in Pannonia & Norico , postea Salisburgensi . Quæ constant ex Ordine antiquo Suffraganeorum Ecclesiæ Mediolanensis , quem edidit V. C. Ludovicus Muratorius , prout in Conciliis sedebant . Principem nempe locum habet *Metropolita* : a dextris ejus sedent Episcopi , *Vercellensis* , *Novariensis* , *Laudensis* , *Terdonensis* , *Astiensis* , *Taurinensis* , *Agustensis* , *Aquensis* , *Januensis* : lævam vero tenent Episcopi , *Brixienfis* , *Pergamenfis* , *Cremonensis* , *Curienfis* , *Tporienfis* , *Albenfis* , *Saunenfis* , *Vigintimiliensis* , *Albenganensis* . His porro novemdecim Episcopis cum Metropolita , octo nimirum ex Liguria , novem ex Alpibus Cottiis , Curienfi unico ex Rætia I. , & Agustensi ex Rætia II. addendum crediderim *Bobiensem* , quamquam Ditrasmus apud Baronium , excitatum docet anno 1014. , ut plenus esset numerus Cathedralium viginti , quas Provinciæ Mediolanensi tribuit antiqua Notitia Thuana apud Carolum a S. Paulo .

Scriptor. Italico-
cor. tom. I. p. 2.
pag. 228.

Barona ad ann.
1014.

Brevis ea quidem Notitia est , tantæque antiquitatis , ut facta videatur ante ullam in Italia Metropolim excitatam post Capuanam , quam omnium primam habendam esse post Ravennatensem , & Aquilejensem Annalium parens affirmat , Carolusque laudatus testatur ; qui altius vult repetendam , Bobienfis Episcopatus ætatem , dum Laurentium Concilio V. Simmachii adfuisse tradit . Quæcumque autem sit , ob omnium oculos ponere eam lubet .

XIX.
Ante Capuan-
sem quatuor tan-
tum Metropoles
Ecclesiæ erant in
continenti Ita-
lia .

*In Provincia Etruria , sive Tyrrea numerantur civitates
Civitas Romenſium Metropolis .*

*In Provincia Capuensis
Civitas Capuensis Metropolis invenitur .*

*In Provincia Flaminienſi civitates numerantur
Civitas Ravennensis Metropolis .*

*In Provincia Venetiensis , & Histriensis numerantur
Civitas Aquilejensium , ipsa est Forum Julii .*

*In Provincia..... seu Liguriensi civitates numerantur
viginti.*

Civitas Mediolanensium Metropolis.

Ex qua antiqua Notitia evidens est, quod in continenti Italiae, tunc temporis, quum eadem scripta est, quinque, immo quatuor Provinciae Ecclesiasticae, quindecim Civiles amplectebantur. Quatuor, inquam; nam in Capuensi Metropoli tantum civitas numeratur, quae res, ni fallor, ostendit, Capuam honore dumtaxat Metropolitico insignem nullos habuisse Suffraganeos, ac proinde Provinciam separatam minime constituisse; quemadmodum si hodie nova scriberetur Notitia Provinciarum Italiae post Ferrariensem tali honore donatam a Sanctissimo Domino nostro Clemente XII. nulla numerarentur Suffraganeae urbes; at laudatae Notitiae exemplo affirmaretur;

In Provincia Ferrariensi

Civitas Ferrariensis Metropolis invenitur.

Itaque si tres postremae Provinciae tribuantur Italiae propriae dictae, ut par est; per Provinciam Etruriam, sive Tyrrham, amplissimam Romanam Provinciam recte intelligemus, quae parebat Romano Pontifici, ut Metropolitae, amplectebaturque eas omnes Civiles Provincias Continentis, quae juxta Constantinianam dispositionem a Vicario Romae administrabantur. Ac proinde quum liber Pontificalis ait *Tusciam atque Campaniam*, absque ulla divisione, non duas distinguit Provincias, at una in Romana Provincia, quam abunde indicasset solo *Tusciae* nomine, diversos Episcopos duarum Civilium Provinciarum enumerat, Campaniae nimirum, & Tusciae, quae cum Umbria unam Provinciam faciebat Piceno etiam Annonario eidem ob vicinitatem adjuncto, ut Pancirolus observat.

Notit. Occid.
cap. 51.

XX.
Causae cur ex
Tuscia tantum
& Campaniae
Episcopi ad Curiam
vocantur.

Hic vero aliquis fortasse mirabitur, quod Stephanus III. qui ex Francorum regionibus, & ex Italia Episcopos accersivit, omnino nullum ex Civilibus aliis Provinciis Romanam constituentibus, convocaverit. Quum praesertim ex duabus memoratis, & ex Valeria consueverint Romani Pontifices ad Synodos Provinciales vocare Episcopos etiam aeo S. Petri Damiani, per undecimum nempe seculum, ut restat.

statu Card. Baronius, qui duo & sexaginta in iis Provinciis numerat, præter Episcopos Cardinales, eosque, qui aut antiquati, aut uniti fuerant. Sed admiratio omnis cessabit, ut arbitror, si Stephani tempora difficillima reputentur. Græcis scilicet, Langobardisque eas Provincias insidentibus, non erat liberum Pontifici vocare indidem Episcopos Romanam; quin etiam Patrimonia S. Sedis ab iisdem occupata, ut sibi redderentur, imploratam legimus Francorum opem a Sancto Paulo I. paucis ante annis, quam Lateranense hoc Concilium celebraretur. Is autem invasa eadem dolet a Cajetanis, Neapolitanisque: & paucos post annos Stephani successor Adrianus testatur Græcorum invasionem usque Terracinam protendi. Huc accedit ipsa Romani Pontificis jurisdictio per id temporis temere ab iisdem Græcis detruncata; nam Leo Isaurus vel ab anno 730. in odium Italicæ defensionis sacrarum Imaginum, præ aliis Provinciis, Calabriam quoque & Siciliam a Romano Patriarchatu distraxerat, & Constantinopoleos Patriarcha in suæ Sedis jura transcripserat, ut erudite Franciscus Macedo hanc historię partem enarrat. Quamobrem Adrianus Papa ab Imperatore Constantino, & Irene Augusta efflagitat: *Ut consecrationes Episcoporum, seu Archiepiscoporum, sicut olim constabat traditio, nostra Diœcesis existentes, penitus canonice Sanctæ Romanæ restituantur Ecclesiæ.* Nam, ut docet Christianus Lupus, Leo Isaurus dum Illyricum Siciliam, & Citeriorem Italiam transcripsit Patriarchæ Constantinopoleos, in Calabria, & Apulia erexit quosdam solo nomine Metropolitans, seu Archiepiscopos, ut dicebantur, quo ad illius manus deberent consecrandi accedere. Unde liquet, quod Pelagius Conventinus, & Aufredus Tarentinus, qui anno 743. Concilio Romano S. Zachariæ interfuerunt, & siqui alii reperiuntur indidem subscripsisse Romanis Conciliis per hæc tempora, aut fortuito Romæ, aut in comitatu Pontificis degebant.

Cæterum mihi eo revertenti, unde jam satis digressus videor, nil melius comprobat, quod Canone XII. Chalcedonensis Concilii sancitum legimus, quam convocatio hæc Episcoporum Dicecesis Italiæ in libro Pontificali memorata. Inde enim constat non arbitrio Principum mutatas Provin-

Baronius 1097.
Scheele's antiq.
Ecc. t. 2. p. 746.

Cod. Carol. ep.
26.

Ibidem ep. 73.

Respons. ad
Germanum. 18.

Christ. Lup.
Schol. in Can.
12. Conc. Chalced.

XII.
Civilis pulchra
Italia medio ævo
profectu dilata
ab antiqua.

cias Ecclesiam sequi, sed semel statuta constanter servare. Et sane quis nesciat, Langobardis sexto seculo senescente, Italix partem invadentibus, partemque aliam tuentibus pro Imperio Græcorum Exarchis, novas esse Provincias designatas, novosque excitatos Magistratus? Provincias scilicet duas & viginti enumerat Anonymus Mediolanensis, earumque administratores obsoleto Consularium, Præsidum, Correctorumque præfco nomine, Duces, Exarchum, Gastaldos, Principes, Patriciosque appellatos cum Blondo, aliisque, Italicarum rerum Scriptoribus notat. Certe Flaminix antiquum nomen Exarchatus, Piceni Pentapolis, Umbrix Ducatus Spoletinus aboleverunt. Sic cæterarum nomina Provinciarum majori ex parte immutata, quæ, quia minime ad rem faciunt, prætermitto. Tuscia ipsa, quæ antiquum nomen conservavit, tripartito dividi, appellarique triplici nomine, cœpta est: alia enim erat Tuscia Regalis, alia Ducalis, seu Langobardica, alia demum Romana, quæ Ducatus Romani partem trans Tiberim faciebat. Ducatus etiam Romanus, qua Umbrix, Sabinix, Campanix partes cis Tiberim comprehendebat, earundem Provinciarum nomina antiquaverat: ac proinde Italix facies mutata omnino erat Stephani III. tempore, ab ea quam primi Orientis Imperatores constituerant. Tempore, inquam, Stephani III. nam paulo post Langobardica hæc politia & ipsa periit, nova per Francos Reges emergente, quum Marchæ, & Comitatus Provinciiis noya nomina tribuerunt (duabus tamen exceptis Marchiis Trivisana, & Anconitana, quibus facta ea nomina vult Pancirolus a Marchionibus Langobardorum:) Æmilia vero, quæ post Pipini donationem ad Romanum, seu S. Sedis Territorium spectare cœpit, Pipiniana donatione per Carolum Magnum confirmata, Romandiola est nuncupata.

Notit. Imper.
Orcid. c. 58.

XXII.
Ecclesiæ Metropolitæ institutio, & Provinciarum ordinatio ad solum Rom. Pont. spectat, itaqueque civilibus variatibus non est obnoxia.

Ea tamen civili dispositione Italix nostræ non obstante, refert liber Pontificalis congregatos esse Episcopos *Tusciæ atque Campaniæ, & istius Provincia Italia*, nempe Provinciarum ab Ecclesia constitutarum, juxta Constantinianam Civilium Provinciarum divisionem bipartitam, ut abunde est demonstratum. Quod clarius etiam percipiet, qui sedulo inspiciat Episcoporum, qui convenerunt, Sedes singulas:

cx

ex triplici siquidem Tuscia, ex Ducatu Romano, Spoletino, Campania, Exarchatu, Pentapoli, & Liguria eos advenisse comperiet. Horum vero si aliquantos, ut habet liber Pontificalis, sex videlicet solos Episcopos, Vicarium, Archiepiscopi Ravennatis, huiusque Suffraganeos tres, Casenatem, Faventinum, Ficoclensem, Papiensem exemptum, & Dertonensem Archiepiscopi Mediolan. Suffraganeum, tribuat Italix proprie dictæ; Episcopos quatuor & triginta reliquos ex unius Ecclesiasticæ Provinciæ Romanæ duabus civilibus in eodem Pontificali memoratis Tuscia, atque Campania omnes convocatos agnosceret: modo in memoriam redeat eorum, quæ supra cum Guido Panciolo affirmabam de Tuscia, cum hac videlicet Umbriam, & Picenum Annonarium connecti, unicamque Civilem Provinciam constitui. Quamobrem unusquisque mecum sentiat necesse erit, quod Ecclesiastici Orbis Monarcha Romanus Pontifex, tum quando nascentis, adolescentisque Ecclesiæ satagens, civilem politiam est sequutus, quod factum docet Præsul Blanchinus in rebus Ecclesiæ veteris versatissimus, ut Ecclesia ubique institueretur; tum quando Constantinianam sequutus dispositionem extra Italiam, Ecclesiasticam illi Hierarchiam accommodari consensit, ut ita planius faciliusque rem Ecclesiasticam ubique terrarum moderaretur, nulla ad id necessitate adhærendi ordinationibus Principum est coactus: at quia, optimam, utilissimamque esse vidit civilem orbis dispositionem, idcirco Ecclesiasticam illius fere similem ordinavit. Hanc enimvero semel institutam, non licuit arbitrio Principum immutare. Hinc est, quod Justiniano quatuor Armeniarum Provincias ordinanti opus fuit Ecclesiarum regimen intactum relinquere; quin etiam ad Episcoporum ambitum comprimendum lege sancire, ut Ecclesiasticæ non augerentur Metropoles, instar Civilium: *Quæ ad sacerdotia spectant, ea volumus in pristina manere forma, negotio ipso neque circa jus Metropoliticum neque circa ordinationes vel mutationem, vel novationem suscipiente.* Quod tamen Imperatorii non erat juris definire, quum tamen Patrum Chalcedonensium decreto Summi Pontificis autoritate firmato inhæreat, non legislatorem Principem, at confirmatorem Ecclesiæ legum, non ut major

Anast. tom. 2.
pag. 141. in 5.
Euseb.

Novell. 31. c. 2.

iisdem vis accederet, sed ut Principis fulcitæ præsidio majoris observantiæ essent, nobis exhibet.

XXIII.
Si quando fecit
est factum Rom.
Pont. irritum
esse jussit.
Christian. Lupo
Schol. Can. 12.
Conc. Chalced.

Thomassin. de
Benef. p. 1. l. 2.
c. 39. n. 11.

Eundem profecto Justinianum & Ecclesiæ, & suæ legis alias oblitum Ecclesiasticas etiam Provincias disturbasse, quod postea exemplum sequuti sunt Schismatici, negare non ausim. Quin etiam idem esse factum in Hispania, & Galliis in Civilium confusione Provinciarum, affirmo. Verum quemadmodum ipso in Oriente Romanus Pontifex, Imperatorias hujusmodi sanctiones aut pro bono pacis ratas haberi voluit, aut tempore, & occasione id exigente, improbavit, ut de nova Tyanensi Metropoli a Valente instituta, ab Innocentio autem Papa improbata, refertur; ita in Occidente, ubi præter supremum Pontificium, Patriarchali etiam jure pollebat Pontifex, aut nulla Metropolis absque ejus assensu excitata, aut siqua temere est erecta, brevi eadem corrui, quod de Lucensi in Hispania compertum est, necnon de bipertita Charthaginensi Provincia mihi constat, ut palam erit in antiquitate Ecclesiæ Hispaniensis. Cæterum ipse ingens Metropoleon, Provinciarumque Ecclesiasticarum numerus, quæ identidem in Italia nostra emerferunt, ubi Romanis Pontificibus non arrisit Constantiniana divisio, evidenter rem ostendit: nulla siquidem Civilis Provincia est, quæ respondeat Ecclesiasticæ; Hierarchiam quippe Romani Pontifices usque ad hunc diem, aut præcis intactis Provinciis, aut iisdem dividendis, aliisque recens excitandis, prout commodior Ecclesiæ moderatio persuasit, ordinaverunt, semperque deinceps ordinabunt, quoad Christus Dominus, cujus ii visibile caput sunt, Ecclesiæ, quam moderantur, triumphum differre dignatus erit.

CAPUT II.

*Sedes Episcoporum Franciæ, qui Concilio
Lateranensi adfuerunt.*

INSTITUENTI mihi de Franciæ Episcoporum Sedibus verba facere, quoniam, ut ajebam superiori capite, illarum aliquot creduntur Metropoles, quum vere non sint, necessarium erit nonnihil de Pallio dicere, cujus collatione honor Metropoliticus antea in Francorum Regno everfus, post Concilii hujus ævum est restitutus. Pallii collationem, de usu enim & autoritate Pontificii jurisperiti satis multa, ad duo passim genera Scriptores referunt, suamque utrique generi ætatem adscribunt. Primi scilicet generis collationem ad septimum, octavumve seculum producunt; alterius vero ad nostram inde ætatem pervenire contendunt. Primum igitur genus quamquam minime ad rem facit, ne prorsus sileam, Magni Gregorii verbis quidquid dici de eo potest, amplectar. Noluit Gregorius Siagrius Augustodunensi Episcopo concedere usum Pallii; & ne Francorum Reginæ Brunechildis nequicquam id petiisse animus læderetur, scriptis eidem literis negatæ concessionis causas hæc enumerat: *Primum: quia is, qui venerat Pallium accepturus, Schismaticorum tenetur errore implicatus, deinde quia non ex vestra petitione, sed ex nobis transmissum voluistis intelligi. Extra hoc autem quia is, qui eo uti desiderat, directæ ad nos hoc sibi largiri speciali petitione poposcerat, & tantam causam nullo modo præbere sine ejus postulatione debuiamus: maxime quia & prisca consuetudo obtinuit, ut honor Pallii nonnisi exigentibus causarum meritis, & fortiter postulanti dari non debeat. Quamobrem ut recte animadvertit Pagius in vita S. Marci, Pallium, quod solis Patriarchis & Archiepiscopis competit, Romani Pontifices postea concessere aliis Episcopis, vel intuitu meritorum, vel alia justa de causa. Archiepiscopos autem intelligit Pagius Primates; namque tam raræ erant primis seculis hæc Pallii concessionem, ut cruditis viris non paucis in mentem venerit, cum Pallii traditione con-*

*L.
Duo genera
concessionis S.
Pallii. Primum
ante 8. seculum
meritorum, ut
plurimum con-*

*S. Greg. M.
lib. 7. epist. 54*

*Franc. Pag. in
vita S. Marci.*

Mites de concord. l. 6. c. 6.
& p. Ant. Page
430a. n. 8.

junctas fuisse Apostolicas vices, ac proinde unum & idem fecerint Vicarios Apostolicos, & Primates, neque desit, qui affirmet, Metropolitae postea omnes honorem illum assumptos, tot Primates esse factos; alii etiam testem subjectionis fuisse autument. Quæstionem profecto amplissimam, quam alibi pertractavi. Non autem hujus loci est ejus summam referre, quum ad reliqua sit properandum. Interim vero, hac de re ut legantur velim Caput xx. libri primi Hist. Pelag. Em. Cardinalis Noris contra Hallerium, & Joannem Morinum; necnon Garnerii Dissertatio III. Appendicis ad libri Diurni Pontificum cap. IV.

II.

Alterum exinde ad nostram attenti; nullusque Metropolitae ante Pallium acceptum Archiepiscopus dicitur.

Concil. Gen.
VIII. Can. XVII.

Alterum Pallii conferendi genus, quod communis omnium opinio est, per octavum seculum invaluisse, nostrum ad institutum prorsus pertinet; eaque propter serio inspicendum erit. Quam necessaria fuerit Pallii collatio Archiepiscopis (ita enim per hæc tempora nullo discrimine appellantur Metropolitæ Occidentis) vel inde patet, quod nullam ante Pallium auctoritatem habebant: qui enim Metropolitæ manus impositionem a Patriarcha ob distantiam locorum non accipiebant, per Pallium ab eodem confirmarentur necesse erat: ita Concilium generale octavum statuit, ut Patriarchæ senioris, & novæ Romæ, Antiochiæ, & Hierosolymorum: *Universorum Metropolitanorum, qui ab ipsis promoveantur, & sive per manus impositionem, sive per Pallii dationem Episcopalis dignitatis firmitatem accipiant, habeant potestatem, videlicet ad convocandum eos &c.* Hinc est, quod magnam omnes in admirationem conjecit Gualterus Trojanus Episcopus, & Regni Siciliæ Cancellarius, qui Pontifici Innocentio III. inconsulto, ab hujus Legato erat admissus in Panormitanum Metropolitam, & quamvis nondum Palæum recepisset, nedum etiam postulasset, Panormitanensem tamen Archiepiscopum & re, & nomine se gerebat; ait autor ejus vitæ a Baluzio editæ, quæ extat etiam in Tom. 3. Scriptor. Italic. Et, quemadmodum nuperrimus V. C. in Scriptorum veteris, & novæ disciplinæ animadvertit, Clemens IV. alia inter crimina Henrici Trevirensis Archiepiscopi id præsertim exaggerat: *Quod Pallio non obtento, in suis literis Archiepiscopum se nominare præsumseris.* Id vero auctoritatis

V. Innoc. III.
num. 30.

Manf. in P. II.
l. 2. c. 37.

tatis inesse Pallio Metropolititis omnibus concessio, ab ipsis ejus concedendis primordiis liquet ex Adriani epistola ad Tilpinum Remensem data an. 774. alibi ex Flodoardo laudata: *Ut Pallium illi*, ait (Lullo videlicet Moguntino Episcopo ante annos viginti ordinato) *secundum consuetudinem transmittamus, & ordinationem illius firmam judicemus, & in eadem Sancta Ecclesia Moguntina Archiepiscopum constitutum esse faciamus*. Et ante Adrianum S. Zacharias post Liptinensis Concilii celebrationem, anno videlicet 743. (ut ibi erudite ostendit Pagius num. 3.) in quarta ad S. Bonifacium epistola: *De Episcopis vero*, ait, *Metropolitans... quos per unanimitatem Metropolitim per Provincias constituisti, hos per tuum testimonium confirmamus, & Pallia dirigimus ad eorum firmissimam stabilitatem*. Ac denique, quod velim attendi ab iis, qui cum Pallio Apostolicas vices confundunt, an. 731. Apostolicus per Germaniam Legatus Sanctus Bonifacius, qui Summi Pontificis vices gesserat annis duodecim, novemque ante annos Romæ ordinatus erat Episcopus, mortuo Sancto Gregorio II. ab hujus Successore Apostolicam legationem sibi confirmari efflagitat; hic vero, nempe Gregorius III. sequenti anno 732. & Legatum confirmat Bonifacium, & Archiepiscopum creat. Quomodo autem creat? En S. Pontificis verba: *Jure tibi sacri Pallii direximus munus, quod B. Petri Apostoli suscipiens auctoritate, induaris: atque inter Archiepiscopos unus, Deo autore, precipimus, ut censearis*. De his autem satis; nemo enim dubitat, quin ab octavo seculo Archiepiscopis, seu Metropolititis omnibus datum sit Pallium, salvis aliorum Metropolitanarum privilegiis, itaut uniuscujusque jurisdictio intra suæ Provinciæ limites contineretur.

Neque vero illud mirandum subit, quod nulla a Principe, nullaque ab ipso Bonifacio petitione facta concederetur Pallium: nuper enim a Gregorio Magno didicimus, priscam consuetudinem obtinuisse, ut vel *exigentibus causarum meritis*, vel *fortiter postulanti* concederetur. Quæ autem merita causarum majora essent? Innumeras prædicatione victorias de iniquo dæmone reportasse, tot hominum millia facris Baptismi undis rigasse, tot gentes ab Idolis ad Evangelium revocasse, alibi Ecclesiam fundasse, alibi dirutam in-

Hist. Rem. l. 2.
cap. 17.

Baron. & col-
led. Concilior.

Cod. Bonif.
Ep. 102.

III.
Sanctus Bonifa-
cius auctoritatem
aliis Metropoliti-
tis majorem non
accepit cum Pal-
lio.

instaurasse: Pastores præterea, qui novos pascere greges, constituendi, celebranda Concilia, iisque præsidendi necessitas, atque alia multa, quæ ex epistolis trium SS. Pontificum Gregorii II. & III. ac Zachariæ, necnon ipsius Bonifacii palam sunt, erant profecto causarum merita, quæ Pallium, ut ait Gregorius Magnus, exigebant. Ad Francorum autem Archiepiscopos quod spectat, ii pristinam dignitatem Pallii traditione, & quidem ab ipsis, & a Rege petiti, recuperarunt, quod parebit infra, quum de iisdem singillatim sermo erit: tamen Metropoli semel restituta non fuit opus nova Principis petitione successoribus Episcopis, quibus Pallio ab Apostolica Sede & confirmabatur ordinatio, & Archiepiscopi nomen tribuebatur. At quia compendiarie lubet via ad persequendum cætera properare, ipsius Bonifacii auctoritate ob oculos ponam, tum omnes Franciæ Metropolitanos petiisse Pallium ab Apostolica Sede, tum eos omnes parem auctoritatem esse assequutos per Pallium, ne Bonifacio quidem excepto, cuius quæ erat major cæteris potestas, non ab usu Pallii, sed Apostolico a Vicariatu proveniebat: qui enim Pontificem refert, vel merus Presbyter non in Regni unius, at in universi orbis Ecclesia est caput & Princeps, idque œcumenica Orientis Concilia testantur. Sanctus igitur Bonifacius Dorovernensi Archiepiscopo Cuthberto sibi amicissimo (a quo tanta in veneratione habebatur, ut ejus martyrio audito statim decreverit, diem quintam Junii solennem fore omnibus Anglo-Saxonibus in S. Bonifacii, & sociorum martyrii memoriam) scribens: *Major, inquit, nobis sollicitudo Ecclesiarum, & cura populorum propter Pallia credita, & recepta, quam ceteris Episcopis, qui proprias tantum procurant Parochias, incumbit. Infra autem referens, quæ decreverat in Synodo apud Francos celebrato: Decrevimus in nostro synodali conventu, & confessi sumus fidem Catholicam, & unitatem, & subjectionem Romana Ecclesia, sine tenus vita nostra velle servare: S. Petro, & Vicario ejus velle subijci: Synodum per omnes annos congregare: Metropolitanos Pallia ab illa Sede quarere: & per omnia præcepta Petri canonice sequi desiderare: ut inter oves sibi commendatas numeremur.... Decrevimus, ut Metropolitanus, qui sit Pallio sublimatus*

Cod. Bonif.
c. 109.

matus hortetur ceteros, & admoneat, & investiget, quis sit inter eos curiosus de salute populi, quisve negligens servus Dei. Statuimus quod proprium sit Metropolitano juxta Canonem statuta subditorum sibi Episcoporum investigare mores, & sollicitudinem circa populos, quales sint. Et unusquisque Episcopus, siquid in sua Diocesi corrigere, vel emendare nequiverit, item in Synodo coram Archiepiscopo, & palam omnibus ad corrigendum insinuet, eodem modo, quo Romana Ecclesia nos ordinatos cum sacramento constrinxit, ut si Sacerdotes, vel plebes a lege Dei deviasse viderim, & corrigere non potuerim, fideliter semper Sedi Apostolica & Vicario S. Petri ad emendandum indicaverim. Sic enim ni fallor, omnes Episcopi debent Metropolitano, & ipse Romano Pontifici, siquid de corrigendis populis apud eos impossibile est, notum facere. Nobis aequalis labor, & majus periculum imminet, quam ceteris Sacerdotibus, quia Canones antiqui precipiunt, ut omnes Metropolitanis sciant sollicitudinem totius Provincia gerere.

In his, quæ ex S. Bonifacio decerpsi, ab eodem in Synodo constituta, spe instaurandæ Ecclesiæ, quamquam fatetur officium laboris sui sibi visum esse *simillimum cani latranti*, & *videnti fures*, & *latrones frangere*, & *subfodere*, & *vastare domum Domini sui*, & *quia defensionis auxiliares non habeat, submurmurans ingemiscat & lugeat*; in his inquam, præ aliis quæ Episcopos, quæve Metropolitans spectant, dignum notatu est, quod causarum cognitiones ab Episcopo ad Metropolitanum, ab hoc vero ad Summum Pontificem recta deferendas synodaliter constituitur. Quare omnes fatentur, Exarchatus dignitatem, potestatemque in Galliis extinctam esse; quidquid nonnulli fastidientes subjectionem, quam Romano Pontifici, ut Patriarchæ suo debent Metropolitæ Occidentis, secus rem totam interpretentur, quos erudite arguit Scriptor Francicus. Ulro huic novæ disciplinæ Episcopos omnes se subjecisse ostendit, longeque ut sublatam inter Pontificem & Metropolitans Exarchi potestatem quererentur, ejus instaurationi non semel tentatæ semper restitisse: neque hanc fuisse novam legem, quæ Metropolitans per Pallium daretur, sed ipsam illam qua S. Gregorio Magno subiciebantur, quos per se ordinabat, Me-

IV.
Metropolitani
Pallii generali
concessione Ro-
mano Pontifici
sunt subjeti ana-
thematizati exarchi
potestate.

Thomassin, de
benef. P. talibus
cap. 55.

ropolitæ . Quum autem nonnullo discrimine subicerentur Romano Pontifici , ut Patriarchæ Occidentis , Metropolitæ cæteri , quos hucusque alia erat disciplina confirmandi , ab ipsis Romanis Pontificibus , & Conciliis stabilita , quis litem moveat iisdem aliam nunc statuentibus ? Mutata est igitur verus disciplina , confirmarique Metropolitæ exceptum per S. Pallium : at mutata ea quidem est ab ipso ejus auctore Romano Pontifice , qui majorem hoc sacro indumento auctoritatem Metropolitæ omnibus voluit elargiri , ut firmitatem inde accipiens eorum auctoritas Comprovincialibus fieret Episcopis formidabilior , ac proinde utilior , quam antea . Metropolitæ vero ipsi non Exarcho aut Primati , sed eidem Romano Pontifici , a quo plenitudinem potestatis accipiebant , jure ac merito subdebantur . Hinc est , quod , nedum summa Pontificia , Patriarchali sola utens auctoritate , illos Romanus Pontifex , ad Concilia convocabat &c. ut statuitur Canone XVII. Concilii VIII. supra laudato , qui nullum Patriarchatus Metropolitam excludens , conceptis his verbis utitur : *Sive per manus impositionem , sive per Pallii dationem Episcopalis dignitatis firmitatem accipiunt* . Et hæc obiter dicta sint occasione instaurationis Metropoleon Franciæ , quas pessumdederant Majores domi . Ex quibus , urquumque obiter dictis , certam Epocham figere haud dubie possumus moris confirmandi Metropolitæ omnes Occidentalis Patriarchatus per sacrum Pallium Roma missum circa initium octavi seculi . Et sane præter Africam & Hispaniam , quibus impia Sarracenorum dominatio interdixerat vel Christiana Religione , Regna cætera , quorum Metropolitæ ob distantiam locorum non dari , sed mitti poterat Pallium , ætati hujus disciplinæ non repugnant . Galliam enim , ut e calamitatibus ante octavum seculum cœptis emergeret , ultro eam amplexam esse jam vidimus in Synodo anni 742 . Angliam non ignoramus , a duobus omnino Metropolitæ Dorovernensi , seu Cantuariensi , & Eboracensi , qui per Pallium confirmabantur ab ipsa institutione , a seculo septimo nimirum , gubernari . Germaniæ denique illam partem , quæ ad Francorum Regnum pertinebat , ab eodem Apostolicæ Sedis Legato Bonifacio , qui Francicam instaurare a Francorum Regibus rogatus

tus, a Romano Pontifice iussus erat, prima disciplinæ rudimenta suscepisse, aliam vero partem aut servire Idolis; aut scibi Evangelium auditum erat, nullibi de Ecclesia, necum de disciplina ejus cogitatum esse, quem præterit.

Hæc quum ita sint, nemo non videt, quanta via errarit Archiepiscopus Parisiensis, quum Concilii generalis decreto contendit roborari insidias, quas Nicolaus I. Gallicanis Præsulibus ante sexennium molitus fuerit. Longe enimvero alia fuit mens Gallicanis Præsulibus centum amplius annis, quam Nicolaus ad Petri Cathedram evehere-tur. Idem ultro decreverunt, ut S. Bonifacius testatur, in Synodali conventu subjectionem Romanæ Ecclesiæ sine tenus vitæ velle servare: eosque & successores stetit, ut par erat promissis, Concilium hoc Lateranense Stephani III. fidem facit, cui duodecim evocati Episcopi adfuerunt, unus nimirum Archiepiscopus, septem urbium Metropoleon, reliqui Suffraganeorum Sedium, Episcopi. Quorum ego de Sedibus loquuturus, quam apte præmiserim pauca hæc de Pallio, satis liquet; idcirco enim tamquam meri Episcopi nuncupantur ii septem, utquumque haberent Sedem in sua quisque Metropoli, quia dignitatis Episcopalis firmitatem traditione Pallii haudum acceperant, quod mox ostendani. Sedes igitur Episcoporum urbium Metropolitanarum septem sunt juxta ordinem, quem ipsi in Concilio tenuerunt: *Moguntina, Turonensis, Lugdunensis, Bituricensis, Narbonensis, Burdegalensis, Remensis*. Has vero omnes fuisse habitas pro meritis Episcoporum Cathedris, unico eorumdem aspectu deprehendimus. Unus siquidem Senonensis vocatur Archiepiscopus, cæteri omnes Episcopi; unus Senonensis sedet loco Metropolitanæ debito, nempe post Ravennatenis Legatum, cæteri omnes antiquitatem ordinationis servant inter ipsos Suffraganeos: Unus Senonensis Episcopo Otiensi aliis omnibus antiquiori præfertur, cæteri omnes tum illi, tum alii Suffraganeo Archiepiscopi Senonensis postponuntur. Quem sane ordinem habendum esse instar regulæ certæ ad cuiuscumque Episcopi locum dignoscendum hinc inde numerando, ut moris est in Conciliis, persuasum est, quia non in subscriptionibus, quarum mira est varietas, sed ipsis in-

Actis,

V.
Ex odio Metropolitæ Francie, qui Concilio Lat. adfuit, unus tantum Senonensis Pallium acceperat.

Actis, ipsoque in Sessionis initio leguntur eorum nomina. Præterea solum id esse factum in hoc Concilio, ut Franci præirent Italis, non Provinciæ singulæ seorsim collocarentur, aut alia adhiberetur regula ex iis, quas observat Cantelius, patet ex Episcopis Italiæ, & Tusciæ, atque Campaniæ, qui omnes, præter Ostiensem, concedunt loco Episcopis Franciæ, ut hi olim in Arelatensi I. concesserant Italis; inter se autem invicem confunduntur, prout ætas ordinatio- nis suadet. Quam rem minime esse factam videre est in subscriptionibus Constitutionis Sancti Pauli I. anno 761. cui Episcopi, prout commodum illis erat, subscribere, novemdecim scilicet in prima pagina, subjicientes in fine, & alii ceteri, qui capere non possumus: deinde post octo Cardinalium subscriptiones versâ pagina tres alii Episcopi, quos reliqui Cardinales sequuntur. Id quippe est discriminis inter confidendum, & subscribendum, quod hic sæpe varietas, quandoque etiam nullus ordo servatur; illic vero siquando varietasprehenditur, aliquem semper ordinem servatum conjicietur. At venio ad urbes Metropoles Franciæ Archiepiscopali dignitate vacuas.

Baron. an. 761.

VL
Galliarum Archiepiscoporum
lustrum est
Adrianus Papa,
aperte Carolus
Magnus.

Inter cæteras Gallicanæ Ecclesiæ illius ævi calamitates duæ potissimum numerantur, jura omnia Episcopatum concessa laicis, scelestisque hominibus, & dignitas Metropolitarum eversa. Hanc quidem postliminio revocare non poterat nisi Romanus Pontifex; illa vero ut redderentur Episcopis, non erat satis Pontificia autoritas, at Regia etiam voluntate & jussione erat opus. Neutrum defuit Ecclesiæ illi, quæ postea semel restituta, per Sacerdotiî & Regni concordiam ad nostram usque ætatem florentissima semper fuit, semperque futuram mihi ominor. Dignitatis itaque Metropolitaram omnium instaurator fuit Papa Adrianus, qui Stephano III. successit anno æræ vulgaris 772. Neque alio utar teste, quam eo ipso, qui in epistola ad Bertherium Viennensem Episcopum rem, quemadmodum se habuit, nos docet: *Carolus Rex, inquit, Patricius Romanorum Romanus venit, & Pascha Domini apud S. Petrum nobiscum egit; ubi inter alia cum monuimus de Metropolitano honore, & de Civitatibus, quæ laicis hominibus traditæ erant, & quia Episcopalis* di-

Labh. Biblioth.
Mss. to 1. pop.
top. & in Con-
cilio.

dignitas fere per LXXX. annos esset conculcata *Autoritate igitur B. Petri Principis Apostolorum singulis Metropolitibus antiquo more potestatem suam reddidimus , & filium nostrum gloriosum & inclitum Regem Carolum ante corpus B. Petri inde rogavimus , ut antiquam dignitatem omnis Metropolis haberet : ideo hanc epistolam autoritatis nostra omnibus misimus , quam & tu ut haberes volumus , & ut tu nosceres , Ecclesia tua privilegium , quod a tempore B. Papa Leonis habuit , esse integre reformatum .* Ex postremis his verbis conjicio , quod exempla epistolæ , quæ ad Episcopos , Archiepiscoposque ab se restitutos Adrianus dedit , singula notitiam Provinciæ suæ habuerint adnexam ; nam constat ex Cod. Vaticano n. 1338. eundem Pontificem dedisse ipsi Carolo eam notitiam integram , tamquam Commentariolum antiquæ jurisdictionis Metropoleon ab eo instauratarum . In primo siquidem folio Codicis legitur : *Iste Codex est scriptus de illo Authentico , quem Dominus Adrianus Apostolicus dedit gloriosissimo Carolo Regi Francorum , & Longobardorum , ac Patricio Romanorum , quando fuit Roma .* Et pagina 228. *Notitia in Provincia Galliarum , vel Galliarum decem titulis nominata qualiter statutum , aut* adeo incorrecte scriptum (ait Schelstratus , qui hanc Notitiam in lucem edidit) ut verus sensus elici nequeat . Deinde septemdecim numerantur Metropoles cum suis quæque Suffraganeis , juxta dispositionem S. Leonis , & aliquot Successorum : ac proinde in Viennensi l. non legitur Metropolis Arelas , sed : *Metropolis civitas Viennensium* , & inter Suffraganeas duodecima : *Civitas Arlatensium* : quæ laudatæ Adriani epistolæ fidem faciunt . At quia non redditis etiam juribus , Metropolitæ ab Adriano sic restituti , fuissent nomina sine re ; nonnisi post aliquod tempus misso identidem Pallio , Archiepiscopalis potestas fuit confirmata Metropolitibus , utquumque ab Adriano , ut dictum est , instauratis : nam refert historia , quod Pagius observat : *Carolo Magno regnante Ecclesiasticos , eo agente , aliqua jura , licet non omnia recuperasse .* Eaque propter idem Adrianus toto sui Pontificatus tempore , ejusque maxime diurni , nam tres & viginti annos gubernavit Ecclesiam , ea non vidit Episcopis , & Archiepiscopis plene restituta :

Antiqu. Eccl.
tom. 2. append.
num. 12.

Pag. m. 744.
num. 6.

G

Ne-

VII.
Metropolitæ
ante Adrianum
aliqui erant re-
stituti, et parum
felici successu.

Negari non potest, quod ante Adrianum alicubi dignitas Metropolitica fuerit restituta; nam liber Pontificalis testatur, S. Gregorium III. misisse Pallium Williaro Viennensi, Metropolitam videlicet Viennensis primæ eum confirmasse: & supra vidimus, S. Zachariam misisse tria Pallia S. Bonifacio, confirmandi causa tres Metropolitas, Rothomagensem, Senonensem, & Remensem. At de duobus potestremis, qui ad Concilium hoc spectant, satis ostendi superiori capite instaurationem illam evanuisse, & idem Adrianus, qui nequicquam restitutam dolet a S. Zacharia Metropolim Remensem, affirmans ab se esse redditam singulis Metropolitæ antiquam potestatem, extra aleam rem ponit. Præterquamquod Willarius ille Viennensis, quem liber Pontificalis restitutum tradit a S. Gregorio III. ante annum scilicet 742. invadentibus Septimaniam Saracenis, lateque omnia vastantibus irreligiosiores Francos expertus, relicta Episcopali Sede, in monasterium Agaunense S. Mauricii se recepit, ut rem fuse narrat Chronologus Flaviniacensis. Willarius, agens, Viennensis, qui Austroberto successerat videns Viennensem Ecclesiam indecenter humiliari ob cladem Saracenorum Septimania & Viennensis, & Lugdunensis Provinciis imminentium, laicis sacrilege & barbære res sacras obtinentibus, relicto Episcopatu monasterium Agaunense expetiit, ubi & vitam venerabilem duxit. Et hoc in tempore Stephani Papæ, qui Zacharia successerat. Quam historiam parvo discrimine Ado etiam narrat apud Baronium. Ex quibus est evidens, totum quam longe, lateque patebat Francorum Regnum, una eademque fortuna usum esse, ita ut nulla omnino Metropolis calamitatis experta sit relicta. Neque huic fuisse ullum modum credideris; nam Saraceni, Narbone a Francis expugnata post triennalem obsidionem, pulsati sunt Septimania, & ultra Pyrenæos ejecti anno 755. ac tum temporis incipiente sacrilega Ecclesiastica rei usurpatione, Willarius abire compulsus est in monasterium, unde nunquam in suam Sedem est reversus, Attiniacensi enim Placito anno 765. al. 762. celebrato, subscribit de monasterio S. Mauricii. Huiusque successor Bertherio videmus, Adrianum restituere Metropoliticam dignitatem, perinde atque aliis Galliarum Archie-

Labb. Bibl. Mus.
tom. 1. p. 107.

Baron. An. 738.

chiepiscopis, an. 774. Argumentum minime dubium, quod novennale Pipini bellum in Aquitania pro Ecclesie rebus vindicandis contra Waifarum anno 768. confectum, parum profecerat. Quamobrem tres alii Episcopi Metropoleon-
urbium Septimanie, qui adsunt Concilio Stephani III. Bitoricensis, Burdegalensis, & Narbonensis haud feliciores ceteris sunt credendi. Quæ ut gratis non asseram, quæcumque, ex iis septem, Metropoles in pristinum restitutæ ab Adriano, post initam cum Rege Carolo præfatam concordiam, inveniuntur traditione Pallii earum Archiepiscopis, hic subijciam.

Prinæ omnium occurrunt *Remensis*, & *Moguntina*, quarum Episcopis Pallium se esse largitum Adrianus ipse testatur in sæpe laudata epistola ad Tilpinum Remensem, cujus principium Remensis Pallii testis est, finis vero Moguntini. *Quis*, Tilpinum alloquens inquit, *ad petitionem spiritalis filii nostri, & gloriosi Regis Francorum Karoli præbente tibi bonum testimonium de sanctitate, & doctrina Fulrado amabilissimo Abbate, Francia Archiepiscopo Pallium secundum consuetudinem tibi transmississe nos cum privilegio, ut Metropolis Ecclesia Remensis in suo statu maneret, bene memoramus &c.* Et de Lullo Moguntino loquens, his epistolam verbis claudit: *Expositam, & conscriptam, & manu sua propria subscriptam Catholicam, & Orthodoxam fidem per missos suos cum literis, ac testimonio tuo, seu aliorum Episcoporum, (Viomagi, & Possessoris) quos tecum esse mandavimus, ad nos dirigat, ut Pallium illi, secundum consuetudinem transmissamus, & ordinationem illius firmam judicemus, & in eadem Sancta Ecclesia Moguntina Archiepiscopum constitutum esse faciamus.* Hanc Adriani epistolam refert Cointius ad annum 775. quod si ita est, Remensis Archiepiscopus, aut ante colloquium Adriani cum Carolo factum superiori anno, aut paulo post, sacrum Pallium obtinuit: Moguntinus vero post hanc epistolam; nam fidei professio primum mittenda ab illo erat. Quam fidei professionem ab Episcopis Francis petitam, quia ejus similis haud dubie fuit, quam Bonifacius, dum Romæ ordinaretur, edidit, & manu sua subscriptam obtulit, ut extat inter Gregorii II. epistolas, non erit abs re in hæc spectandam proponere

VIII.
Remensis, &
Moguntina biepiscopis instaurantur circa an. 775. cum subscriptione S. Caroli.
Eloq. Histor. Rem. l. 2. c. 17.

Garnier. in.
Diem. Pont. tit.
VIII. cap. III.

nere in Indiculo S. Bonifacii, tanquam maximum reverentiae, atque obedientiae Gallicanorum Praesulum S. Sedi monumentum: *Promitto ego Bonifacius Dei gratia Episcopus, tibi B. Petro Apostolorum Principi, Vicarioque tuo Beato Gregorio Papae, & Successoribus ejus, per Patrem, & Filium, & Spiritum Sanctum, Trinitatem inseparabilem, & sacratissimum Corpus tuum, me omnem Fidem & puritatem S. Fidei Catholica exhibere, & in unitate ejusdem Fidei, Deo operante persistere, in qua omnis Christianorum salus sine dubio esse comprobatur, nullo modo me contra unitatem communis, & universalis suadente quopiam consentire: sed ut dixi fidem, & puritatem meam, atque concursum tibi, & utilitatibus Ecclesiae tuae, cui a Domino Deo potestas ligandi, solvendi que data, & praedicto Vicario tuo, atque Successoribus ejus per omnia exhibere. Sed etsi cognovero Antislites contra Instituta antiqua SS. Patrum conversari, cum eis nullam habere communionem, aut conjunctionem: sed magis si valero prohibere, prohibebo; sin minus, fideliter statim Domino meo Apostolico renunciabo &c.* Hujusmodi se obligabat sacramento S. Bonifacius, quum an. 723. ordinabatur Episcopus a S. Gregorio II. in urbe Roma. Eodemque Francos omnes Episcopos cum suo quemque Metropolitano, & Metropolitans cum Romano Pontifice se obligasse idem Bonifacius testatur: *Eodem modo, quo Romana Ecclesia nos ordinatos cum sacramento constrinxit.... Sic enim, ni fallor, omnes Episcopi debent Metropolitano, & ipse Romano Pontifici, siquid de corrigendis populis apud eos impossibile est, notum facere.*

Cod. Bonif. ep.
109.

IX.

Subjectionem
S. Sedi Metropo-
litae omnes ex-
primunt testis-
batur in profes-
sione Fidei,
quum mittebant
Romam.
Diem. Pont.
in q. tit. 1. & 2.

Ad fidei vero professionem Pallii petitioni adjunctam, manaque ipsius Metropolitae petentis subscriptam quod spectat, certo certius est, mitti consuevisse ab omnibus Episcopis Romanae ordinationi non subiacentibus multo antequam Adrianus ab Episcopo Lullo eam peteret, ita enim docent primae duae Formulae Literarum Romanorum Pontificum id sacrum Indumentum ad eos mittentium, ubi legitur: *Fidem autem, quam in tuis epistolis breviter adscripsisti, licet latius explanare debueras, Redemptori tamen nostro gratias agimus, quod eam in ipsa etiam brevitate rectam esse cognovimus.* Harum autem literarum Garnierius autorem facit Sanctum Gregorium Magnum, ac proinde non nova obligatos

lc-

lege Gallicanos Episcopos discant, qui secus docent. Huc accedit, quod Gallicani Episcopi, qui nullo eos prorsus cogente, at ultro, ut Sedes & dignitates per summam injuriam sibi ablatas, ab eo, qui vindicare & asserere illas poterat, Romano Pontifice, restitui obtinerent, *confessi sunt in Synodali conventu unitatem, & subjectionem Romanæ Ecclesiæ sine tenus velle servare; S. Petro, & Vicario ejus velle subijci &c.* Quam profecto clausulam omnes Metropolitæ Franciæ præfatæ Fidei professioni adjunxisse pro certo habeo, ipsi Francorum Regibus non modo non renuentibus, sed scientibus, ac volentibus. Nec parvo hæreo fundamento. Adrianus siquidem rescribens Regi Carolo anno, ut Coinctius colligit, 786. qui Pallium petierat pro Hermemberto Metropoli Bituricensi, apertissimis hisce utitur verbis: *Quapropter prædicto Hermemberto a nostra Apostolica Sanctissima Sede, atque autoritate Archiepiscopo constituto in Metropolitaram Civitatem, quæ Bituricas cognominatur, sicut dudum mos extitit, sub jure S. Romanæ Ecclesiæ degenti, usum Pallii concessimus fruendi.* Quæ palam faciunt non per cuneos meditatam esse Apostolicam Sedem subijcere Gallicanos Antistites, at subjectionem Divino jure sibi debitam fateri ipsis Regibus, quibus non minus grata erat subiectio ista Episcoporum sui Regni, quam ipsis Episcopis, qui eam impense quæsierant, fastidientes Primati, aut Vicario Apostolico subjacere, sicut ante Metropoleon eversionem in Galliis, & alibi, moris fuit. Eam quippe disciplinam, quæ olim vigit, eandem subjectionem Metropolitæ injungere quis neget? Statuitur in Concilio Chalcedonensi, ab Episcopis ad Metropolitam, ab his ad Primates Dioeceseon, nempe ad Heracleensem, Ephesinum, & Cæsareensem, ut recte monet Christianus Lupus, sive ad Patriarcham appellari: *Si adversus Provinciæ Metropolitanum Episcopus, vel Clericus habet querelam, petat aut Primatem Dioeceseos, aut Sedem Regiæ urbis Constantinopolitana, & apud ipsam judicetur.* Paremque fuisse ordinem prioribus seculis in toto orbe nos docet Leo Magnus: *Provisum est, ne omnes omnia sibi vindicarent, sed essent singulis in Provinciis singuli, quorum inter Fratres prima haberetur sententia.* Et rursus quidam in majoribus urbibus constituti soli.

S. Bonif. ubi
supra.

Adrian. ep. 9.
Cod. Cas. 67.

Conc. Chalced.
Canon. 9.

S. Leo Ma. ep.
24.

licitudinem suscipere ampliore. Et subiungit (quod Canonice deest, non enim decernit pro universali Ecclesia, sed pro solo Constantinopoleos Patriarchatu:) *Per quos ad unam Petri Sedem universalis Ecclesie cura consueret, & nihil unquam a suo capite diffideret*. Quamobrem Metropolitæ, aut Primati ut olim, aut Romano Pontifici, ut mutata disciplina veteri, iisdem communi consensu petentibus, subjacerent, unius semper Apostolicæ Sedis auctoritati subjectionem omnem professi sunt. At redeo ad Metropoleon instaurationem, unde aliquantulum sum digressus.

X.

Bituricensis Metropolitæ instauratione facta anno 786.

Concl. Cæ. ep. 87.

Post Reimensem, & Moguntinam ab Adriano restitutas, Bituricensem nuper ajebam, petente Carolo per Pallii concessionem instaurationem esse anno 786. At quia nolim credi, haud omnium primo Etmemberto esse datum sacrum Pallium, præstat rem docere ipsis Adriani literis ad Carolum. *Reperimus*, inquit, *in ipsis Regaliis assatibus vestris, ut præfato Etmemberto Episcopo Pallium Sacerdotalibus insulis decoratum ex Apostolica auctoritate concederemus, quia civitas Metropolis in Aquitania videtur esse patria, quæ Bituricas nuncupatur, ubi nunc præfatus veni: vir præesse dinoscitur, curamque Pastoralem devotus exercere videtur. Quatenus ignorantes, si canonice in Provincia partibus illis jam ordinatus tam a Prædecessoribus nostris, quamque a nobis fuisset, enucleatius eum indagari curavimus, ne usurpationis locus aliquis Sacerdotibus in alterius jure concedatur. Qui præfatus sanctissimus vir nobis confessus est, ut sub nullius Archiepiscopi jurisdictione esse videretur. Ex quibus liquet, Bituricensis Metropolis memoriam fere omnem periisse. Neque id mirum, ut nuper ajebam loquens de Viennensi; quum enim Aquitania I. in Septimana sita sit, eisdem vices passa est, quas Viennensis. Quin etiam quæ viciniore Hispaniæ erant Provinciæ, ut Narbonensis & Burdegalenis, tardius cæteris sunt restituta. Narbonensem scilicet Carolus Magnus in suo Testamento anno 811. non recenset inter alias, sicut nec Elufanam, nec Aquesem. Quamobrem (quod Baluzius non est assequutus in Commentariis ad Capitularia) Cointius multas inter causas eam recenset, quod post mortem Pipini novis Saracenorum invasionibus ex Provinciæ patuerunt. De Burde-*

galensi autem Metropoli hoc affirmant Sammarthani, quod post Bertrannum, qui affuit Concilio Matifconensi, ejusque successorem Gundegisilum: *Multi desunt Antistites usque ad Sicarium, qui Ludovici Pii tempore vivebat*. Atque ea propter utriusque Metropolis Episcopi, qui Concilio Stephani III. adfuere, ubicumque locorum, aut gentium degerent; prout conditio ea temporum ferebat, meri erant Episcopi omni Metropolitica dignitate exuti; nisi & ipsi, ut de non paucis legitur, Chorepiscopi, seu Speculatores, quo nomine aliqui occurrunt in Placitis Regum, & Conciliis, vocabantur, quasi certarum regiuncularum in qualibet Diocesi Speculatores, qui nobis sunt Archidiaconi, Archipresbyteri, & Decani rurales, ait Colvenerius in Scholiis ad Flodoardum.

Mirabitur fortasse aliquis, Lugdunum, & Turonum extra Septimaniam urbes, & quidem Lugdunensem borealiorrem Vienna, ac Turonensem Bituricis, non constare ullo veterum monumento instauratas esse ab Adriano, sive, ut melius dicam, confirmatas traditione Pallii earum Episcopis. At redeat is quæso in memoriam eorum, quæ ad rem adducit Scriptor Francicus eruditissimus: *Si Metropoleon singularum historia, perinde ut Remensis a Flodoardo, mandata scriptis, & ad nos perlata fuisset, æque numerosa occurrerent in eis exempla petita eorum ab Apostolica Sede confirmationis*. Quod certum possumus affirmare, honor Metropoliticus omnibus urbium Metropoleon Antistitibus ab Adriano est restitutus, non tamen Pallio confirmatus; at quo tempore Imperator Carolus suum condidit Testamentum, 811. unam & viginti Metropoles in toto Regno, seu Imperio enumerabat, in quas suos thesauros effundi jubebat post mortem, nempe: Romam, Ravennam, Mediolanum, Forumjulii, Gradum, Coloniam, Moguntiacum, Juvavium quæ & Salzburgum, Treverim, Senones, Vefontionem, Lugdunum, Rothomagum, Remos, Arelatem, Viennam, Tarantasiam, Ebrodunum, Burdigalam, Turones, Bituriges. Quibus ex paulo supra allatis rationibus non adjungit Novempopulanæ Metropolim Elufanam, Narbonem primæ Narbonensis, & Aquisensem secundæ, ut cum suis quæque Suffraganeis leguntur in Notitia pervetusti Cod. 700. annorum Regine Suc-

Scholz à Flod., lib. 2. c. 16.

XL
Numerus Metropoleon in Gallis restitutum tempore Caroli Magni.

Thomassin. de benef. 2. lib. 1. c. 41. & 70.

Yessens. Car. in tot. Conciliis.

Scheffer. Antiq. Eccl. p. 2. append. n. 2.

Sueciæ num. 238. certissimum argumentum, fuisse eandem instauratas post Caroli mortem. Cæterum ut summa piissimi Imperatoris liberalitas inde fulgeat in universas Imperii Occidentalis Ecclesias, mira etiam concordia Sacerdotii, & Imperii agnoscitur ad abolendam Græcorum Cæsarum impietatis memoriam. Etenim Romani Pontifices non solum voluerunt, ut ditio Ecclesiastica tot liberis firmata donationibus Imperii pars diceretur, quippe quam Patricii Romanorum Pipinus, & Carolus summis viribus a Langobardorum immanitate, Græcorumque aviditate defenderant; at Carolo ipsi tot benefactorum gratiam referentes, præclarum Imperatoris Romani titulum largiti sunt, &, quod antea jugum gravissimum videbatur, confirmationem electionis Romani Pontificis maxima eidem liberalitate concesserunt. Gloriosa enim est S. Sedes tantum defensorum, a quo est acerrime vindicata, immensis adeo beneficiis prosequi, ut perpetuo eidem fœdere jûngeretur. De quibus fufius, & opportunius in tomo quinto Anastasii Bibliothecarii agitur ad eludendam assentatorum turbam, qui & de jure, & de factis nec pro Imperii, nec pro Sacerdotii dignitate tam multa congerunt; quum sibi persuadeant, hinc Sacerdotium læsum iri, nisi omnia detrahantur Imperio, illinc exitium imminere Imperio, nisi suis exuatur juribus Sacerdotium: perinde atque oblitterata essent monumenta veterum, quibus subdole illorum artes patefiunt, qui privatæ magis cupiditati, quam veritati rerum inserviunt.

XII.
Unicum Senonensem esse Metropolitam confirmatum testatur Concilium Lateranense.

Quum igitur constet, Galliarum Metropoles omnes ab Adriano Papa instauratas, sub Regno, & Imperio Caroli paulatim propria jura recuperantes ab Apostolica Sede per sacrum Pallium honorem pristinum impetrasse, tribus exceptis in Septimania; dubitari non potest, quin Concilii Lateranensis tempore, anno videlicet primo Regis Caroli ab Adriani Prædecessore Stephano celebrati, nullus e septem urbium Metropolcon Episcopis, qui aderant, Metropolitani honore frueretur. Secus est de Senonensi, quem una cum Rothomagensi, & Remensi confirmaverat S. Zacharias missis ad Bonifacium Palliis, ut dictum est. Quamvis enim, quemadmodum de Remensi ex Adriani literis, ita de Senon-

nensi ex conventu Attiniacensi constet, eam Metropolim haud dum Pallii concessione stabilitam, confirmatamque esse, nam Lupus, cui successit Willicarius, illi, ut merus Episcopus, subscribit; tamen in nostro Concilio eum videmus præclaro Archiepiscopi nomine conspicuum statim post Sergii Ravennatis Legatum sedere, & iterum Archiepiscopum Galliarum vocari audimus, dum Acta invasionis Pseudo-Papæ Constantini accipit e Primicerii manibus, traditque Notario Regionario, ut ea relegat coram Concilio. Quamobrem aut Pallium ei miserit in Franciam S. Paulus, aut Romam venienti cum reliquis ad Concilium Stephanus III. dederit præfenti, certe Willicarius Senonensis erat Archiepiscopus, Hæc de Sedibus Metropolibus Franciæ, quæ tantum nonnullis negotium facessunt, ut Archiepiscopum Senonensem credant Primatem, ne alios honore Metropolitanorum vacuos fateantur. Ii vero, ut videant, quam recte id contendant, præter allata superiori capite, unum hoc velim secum reputent, quod si Senonensis fuisset quid majus Metropolita, quemadmodum reliqui Francorum Episcopi omnibus Italis præfederunt, ita & is Ravennatensis Legato potiori titulo præfedisset: dum e contrario hunc illi posthabitu vident, quia videlicet Metropolitanæ dignitatis habebatur ratio. Cur autem Ravennatensis præverit Senonensi, ostendam sequenti capite, dum de Italiæ Sedibus verba faciam; alia enim ejus rei causa fuit, quam quod æquum non videretur antiquiori, qui ab anno circiter 752. erat consecratus, præferri nuperrimum Metropolitam, qui Lupo successerat post 765. aut ad summum 762. & Pallii sacrum indumentum verosimiliter paucis ante Concilium diebus acceperat. Sed opportunius de his agam, postquam de quatuor Suffraganeis Sedibus verba fecero, quæ quum Metropolibus admixtæ sint, aperte ostendunt, nullum per ea tempora inter illas discrimen fuisse.

Eæ vero sunt, *Meldensis, Juvauiensis, Lingonensis, Noviomensis*, sive, ut ipsi verbis utar Codicis, *Melensis, Jachione, Lingonensis, & Noviomu*. Ac primum de Meldensi. Hæc profecto Suffraganea Senonensis Archiepiscopi Sedes cur vindicanda mihi videatur, est barbara nostri Codicis

XIII.
De Suffraganeis
Sedibus, quorum
Episcopi ad
sunt Concilio.
Ac primum de
Meldensi.

H

Scriptu-

Scriptura. Posset enimvero alicui dubium esse, num Mettenlis pro Meltensi legendum sit: nec levi inniteretur fundamento ejusmodi dubitatio. Si enim Mettenlis urbs Mediomaticum Suffraganea Trevirensis in Belgica I. ea esset, non videretur admiratione dignum, Bulferamum ejus Episcopum sedere ante omnes Metropoleon urbium Antistites. Nam constat, Metensem Episcopum, quum integro post hoc Concilio seculo Pallium obtinuit ab Joanne VIII. cum subjectione tamen suo Metropolita Trevirensi, quatuor Prædecessorum exempla attulisse, qui sacro illo Indumento ornati fuerant. Quorum aliquem attigisse tempora hujus Concilii confirmant Anuales Fuldenses Lambeciani, aliique Annales Francorum a Lambecio ex Bibliotheca Cæsarea evulgati: in primis siquidem anno 765. & in alteris num. 26. hæc leguntur: *Hruotgangu Metensis urbis Archiepiscopus corpora SS. Gorgonii, Naboris, & Nazarii a Paulo Romana Sedis Apostolico de Roma in Franciam transtulit*. Ubi utquumque pro Archiepiscopo non accipiat Metropolita, sed merus Suffraganeus dignitate minor Metropolita, majorque Episcopo, juxta phrasim Græcorum, quos observat Christianus Lupus posteriori ævo ab antiqua hierarchia recedentes novam condidisse, Episcopalem ordinem ita distinguendo: *Patriarcha, Primas, Metropolita, Archiepiscopus, Episcopus*; tamen ipsa Pallii prærogativa reliquis eum Suffraganeis, & proinde ipsis Metropoleon urbium Episcopis præferendum exegisset, quum præsertim non ignoremus, Aduensensem, sive Augustodunensem, & Autissiodorensem in Francia Episcopos, quos alibi Metropolitas solo nomine appellatos dixi, cum Pallii usu multa privilegia eidem adherentia assequutos, quæ ne ullum detrimentum inferrent Metropoliticæ autoritati, cavendum præcipue fuit a Romanis Pontificibus, ut liquet ex laudata sæpius epistola Adriani ad Bertherium: *Nec propterea, inquit, ulla Metropolis præjudicium patiatur, si alicui Suffraganeorum, aut nos, aut Prædecessores nostri rogantibus piis Francorum Ducibus, Pallium largiti sumus*. Omne autem dubium tollitur, vereque Bulferamum esse Episcopum Meldensem constat ex Catalogis ejus Sedis Episcopalis in Gallia Christiana, ubi legitur ordine XXXIII.

Vul-

Schol. ad Can.
ss. Conc. Chilic.
& c. 3. append.
ad Lotz. Episc.

Adrian. ep. 3.

Vulfrannus, qui etiam conventui Attiniacensi interfuit. Sammarthani quidem nudum habent ejus nomen, non enim viderant Attiniacensem illum conventum in editione Conciliorum Labbeana postea vulgatum: at Sirmondus, alique omnes eum sequuti, qui e schedis Panvinianis Episcoporum nomina didicerunt, ne nomen quidem Vulfranni, quippe in iisdem non extans, audierunt. Ceterum in nostro Codice, ut in Bonifaciano, aliisque eorum temporum solenne est literas *d*, & *b*, in *s*, & *u* convertere & contra; idcirco *Reverentissimus* pro *Reverendissimus*, *Melensis* pro *Meldensis*, & his similia frequenter occurrunt.

De *Joabione* dicendum esset; at quia tum de hac Sede tum de *Burtevolgi* alia Sede, quam Burdegalam interpretor, loquentem me oportuit conjecturam sequi, de duobus aliis Lingonensi, & Noviomensi, quod est dicendum, expediā. Ad Lingonensem, quod attinet, præter varietatem nominis, nam Linguonum in Adriani Codice appellatur, Lingonum in aliis notitiis, & Lingonicensis in nostro Codice, illud dignum observatu est, quod quum sit Suffraganea Lugdunensis, post quatuor aliarum Provinciarum Episcopos ejus Antistes confidet, ac præcedit Remensem; quæ duo mirum in modum confirmant, & duodecim inter Francorum Episcopos unum Senonensem fuisse Archiepiscopum, & reliquos omnes tam urbium Metropoleon, quam Suffraganearum, meros Episcopos. Nam Metropolitanis Suffraganeos admisceri quandoque consuevisse ex Conciliis liquet, at de Comprovincialibus id evenisse æque constat; quare si post Lugdunensem sedisset Lingonensis, res procederet. Deinde cur alios Metropoleon Præsules sequitur, Remensem vero præcedit? Certe nisi aliunde palam factum esset, nullam eos inter prærogativam præter consecrationis antiquitatem servari, vel hinc rei veritas patefere. Quod equidem lubens animadverti, quia secus est de Meldensi Suffraganea Senonensis, quæ sola Ostiensi dividitur a sua Metropoli; & de Noviomagensi, quæ statim sequitur Remensem, ita ut nisi Lingonensis quæstionem definiret, vindicanti Metropoles Gallie illo etiam ævo calamitosissimo adminiculum aliquod non deesset. De Noviomensi autem,

XIV.

De Lingonensi,
ex Noviomensi
hucusque igno-
rata.

seu Noviomagensi Sede, quam Notitia Reginæ Sueciæ Veremundum, idest Noviomacum, & Veromandorum appellat Notitia Adriani, hoc innuere satis erit, quod inter Episcopos incertæ Sedis apud Panvinum est Giselbertus Noviomensis; Sedes enim omnibus perquam nota. Veniam modo ad alias duas Sedes Panvino ignotas, quæ in Codice appellantur *Joabione*, & *Burteuulgi*; mihi autem sunt Juva-vien-sis, & Burdegalensis. Ac primum de hac postrema, quam inter Sedes Metropoles recensui.

XV.
De Burteuul-
gi Sæcæ conje-
ctura.

Equidem fateor, quum reputo Annales, & monumen-
ta veterum sæpius evoluta, ut, siquem maxime secretum
aut vicum, aut pagum hi duo Episcopi Ermembertus, &
Verabulfus incoherent, dum eorum Sedes a laicis occupa-
bantur, deprehenderem, indicante vocum similitudine,
Scriptoris oscitantiam detestor, qui duo Sedium Episcopa-
lium nomina ita corrumpit, ut enodandæ difficultati nulla
profuerit conjectura. Quotquot novi amicos rerum veterum
scrutatores, ab iis petii, quin etiam efflagitavi, ut certi
spe senoris hæcæ mihi urbes, aut vicos in Francia quære-
rent; nequicquam meum, nequicquam alienum sum periculi-
tatus ingenium. Ad eruditissimum virum Bartholomæum
Campagnolam me converti, ut iterum spectaret Codicem,
is vero, quæ est singularis ejus benignitas, morem gessit;
at legit iterum, quod, maxime spectabili in legendis vete-
rum Codicibus peritia, semel legerat: *Joabione*, & *Burteuul-
gi*. Quid igitur facerem? Imitarer eos, qui rem eruditis
ingratam ne faciant, intacta edunt in lucem monumenta
veterum? Non ea mihi mens fuit: meam volui opinionem
præmittere vel rejiciendam, dummodo quod mihi fuit re-
pertu difficillimum, faciliiori negotio ab aliis docear, & Ec-
clesiastica historia illustretur. Burteuulgum itaque interpre-
taturus, primo Wirceburgum, seu Wirtzeburgum, Herbipo-
lim nimirum, ob vocis similitudinem ipsissimam eam esse
Sedem ratus sum, nam Burisburgensem, seu Buraburgen-
sem Sedem una cum Wirceburgensi a S. Bonifacio constitu-
tam in Hassia anno 741. quidquid vocis æque similitudine
invitarer, prætereundam suasit modica ejus Episcoporum no-
titia; quippe post Wittam, seu Alwinum, quem omnium pri-

primum constituit S. Bonifacius, multas offendi tenebras usque ad annum 795. quum Paderbornensi Cathedra excitata, Buraburgensis cum eadem coaluit. Wirceburgensis vero idcirco præ aliis obversabatur animo, quia ejus primum Antistitem S. Burchardum vidi celebrem legationibus ad Apostolicam Sedem, teste libro Pontificali; at Megingaudum, seu Megingozum, qui Attiniacensi Placito interfuit; Successorem videlicet S. Burchardi, in Chronico Wirtzburgensi apud Baluzium tom. 1. Miscellaneor. video an. 784. e vivis discessisse; & quamquam cum Pagio an. 754. n. 21. & 774. n. 19. ejus Episcopatum ad quindecim coarctaverim annos, tamen ab anno 753. quum S. Burchardus eum successisse Pagius contendit omnium Chronologiam retro trahens, vix mihi remanebat spatium inferendi Verbulum inter Wirtzburgenses Episcopos, contra fidem Catalogorum ejus Sedis. Quare meditatio omnis inanis fuit; studiumque omne inutile, meque ut alio verterem opus fuit, ne incertam Panvino Sedem, beneficio Codicis emergentem; pateret ob Scriptoris barbariem latitare.

Secus est de Burdegalensi, cujus Sedis tot annorum hiatus novo huic Episcopo dat locum satis amplum. Nec nefarii Aquitanie Ducis Waifarri usurpationes sacrilegæ impedimento fuerunt, quin Aquitanie Cathedræ suos haberent Episcopos, ut manifeste ostendunt Bituricensis, ac præsertim Narbonensis, cujus Sedes e Saracenorum manibus erepta erat ante annum quartumdecimum, quum Concilium Stephani III. celebrabatur. Huc accedit, quod quamquam toto novennalis spatio belli, Rex Pipinus trans Garumnam perveniens cum milite, non dicitur in Annalibus aut aggressus esse, aut expugnasse Burdigalam, ut de aliis tot Civitatibus iidem referunt inter Ligerim, & Garumnam; quum tamen ejus Suffraganeas Aginnum, & Petrocorium expugnatas memorant, ceteras urbes finitimas ultro in Pipini ditionem venisse affirmant. Quapropter Burdigalam aequæ, ac aliæ Aquitanie urbes, piissimi Regis sub potestate existentem non habuisse Episcopum per hæc saltem tempora, vix ausim cogitare. Quid autem vero esse similem contendo rem certam? Posito, ut æquum est, quod nostro in

XVI.
Fuisse Burdegalem designatur.

Codice; quemadmodum in literis Pontificum, Codice Bonifaciano, aliisque innumeris monumentis medii ævi, *t* pro *d*, & contra *d* pro *t*, ut plurimum adhibeatur, ut videmus in *Reverentissimis, Meltenſi, capud, caput, &c.* cujusnam alterius urbis in amplissimo Francorum Regno dimidium nomen *Burde* auditur? Nullam profecto urbem, quid dico urbem? Nullum Pagum, aut Vicum tota antiquitas ita appellatum in Francia testis est. Quamobrem, ut non repetam meliorem Burdigalæ conditionem ab anno 727. a victoria nimirum Caroli Martelli, & Eudonis Aquitanæ Ducis insigni de Saracenis, qui Burdegalam ceperant superiori anno, atque omnia late vastantes, Ecclesias exusserant, ab anno minimum 755. quum Pipini virtute ultra Pyrenæos expulsi sunt, ceperuntque ubique instaurari Ecclesiæ, quarum res postmodo Waifaricus invasit, Burdegalensis in Cathedralra, ut in Narbonensi, aliisque, suum fuisse constitutum Antistitem certum mihi est. Ac proinde ante Sicharium, ejusdem Sedis Episcopum tempore Ludovici Pii, qui Sammarthani est primus post duorum fere seculorum silentium, Verabulpus, qui Concilio Romano interfuit, constituendus est, cui fortasse una cum aliis Franciæ Metropolitibus Adrianus dignitatem restituerit, ut fidem facit Notitia Provinciarum data Regi Carolo quinque post Concilium annis. Hæc de Burte vulgi Sede mea opinio.

XVII.
De Sede Joa-
hione conjectu-
ra.

Postremam omnium XII. Franciæ Episcoporum Cathedralram, licet ordine octavam, esse volui, quam vocat Codex *Joabionem*. Nulla enim conjectura, quænam ea sit, assequutus, qua via in ejus cognitionem prodire molitus sim, eruditius patefaciam necesse est. Animadverti, Saltzburgensem, sive Salisburgensem Cathedralram, quam Leo III. Adriani Successor Archiepiscopali honore conspicuam reddidit, proprio & antiquo nomine, fortasse ab eam alluente flumine, Juvaviam appellari; quemadmodum frequens Juvavensium Episcoporum nomen in Conciliis comprobatur. Hinc est, quod diligenter spectatis Francorum vastissimi Regni uribus, nullius nomen affine *Joabioni* Codicis deprehendi: hanc quippe Anonymus Poeta apud Mabillonium de Salisburgensibus Episcopis, appellat *Juvavonem*:

Mabill. Ana-
lect. tom. 4.

Di-

Dicta Juvavo fuit quondam Metropolis ista :

Et in Itinerario Antonini *Jovavi* dicitur , ac denique in sepe laudata Notitia Regiæ Sueciæ *Juvano* ; in ea siquidem post Germaniam II. ita legitur : *Provincia Bajoariorum, idest Noricus Ripensis Super Danubium, sive Noricus mediterranea, habet Civitates numero sex. Metropolis Civitas Jovano, idest Salzburg. Quare ad nomen urbis, quod attinet, nullam certe Joabioni similiorem reperire est Juvavone, seu Juvavone Notitiæ, & Anonymi. Huc accedit, quod hujus Concilii tempore Bajoaria ad Regnum Francorum pertinebat, quod docet Pipinus ipse apud Annalistam Metensem anno 743. dum Sergio Presbytero S. Zachariæ Legato : Nunc vero, inquit, certus esto, per intercessionem B. Petri Apostolorum Principis, & per judicium Dei, quod subire non distulimus, Bajoariam, Bajariosque ad Francorum imperium pertinere. Certe Aquitanix Dux Thassilo II. Odilonis filius, qui in conventu Compendiensi sacramentum fidelitatis præstiterat Pipino Regi, & ejus Successoribus, & placito Nivernensi anno 763. Aquitanici belli quarto, celebrato: Postpositis sacramentis, & iurjurando, ait Annalista Metensis, quod quondam Regi Pippino Avunculo suo promiserat, sine licentia ejus ad usque Bajoariam fugit, & numquam amplius faciem Regis Pippini videre meruit. At ea secessione ob privatas, ut reor, similitates a Pipino Thassilonem non defecisse testatur nullum alterutra ex parte susceptum bellum; dum contra idem Thassilo Paulum Papam enixe orare, & obtestari statim crepit, ut hujus prolatis literis ostendit Pagius, pro reconciliandis animis; tamen non legatur Thassilo in gratiam rediisse cum Pipino. Quam rem evidentius comprobatur renovatio sacramenti, quod idem præstitit Regi Carolo ab Adriano per Legatos admonitus: *Us recordaretur priorum sacramentorum, & non aliter faceret, nisi sicut iurejurando jamdudum promiserat Pippino Regi, & filiis ejus. Quibus admonitionibus consensit Thassilo.* Ex siquando veræ defectionis indicium dedit, ut Annales evenisse produnt an. 787. exercitum in suam Ditionem deducto, sacramenta renovare est compulsum, filio inter obsides dato.*

Page. an. 763.
num. 4.

Idem seq. an.
num. 5.

Regno ap. Pag.
781. ita &c.

Esto

64 DISSERTATIONIS

XVIII.
Eximium
um fuit Ju-
vavensis, Ca-
talogo Salisbur-
gum Antiqui-
tatum vindicato-
rum Pagium.

Hoc est, die
27 Martii.
Pag. an. 196.
n. 10. & seq.

Ergo igitur Juvavensis ea Sedes fuerit, indeque alios
Inter Francorum Episcopos ad Concilium venerit Hermem-
bertus, Quid postea? Graviorem multo difficultatem mo-
vet ingens Recentiorum questio de Salisburgensium Episco-
porum ætatibus, qui uanissime Hermembertum excludunt.
Et sane duobus ii monumentis inhærent non modicæ auto-
ritatis: primum est Catalogus Comprovincialium Episcopo-
rum a Poeta Anonymo æquali Regis Ludovici Pii scriptus,
quem supra laudavi ex Analectis Mabillonii; alterum est
Catalogus descriptus an. 1186. a S. Eberhardi Salisburgen-
sis Archiepiscopi discipulo, editusque a Canisio in antiqua
lectione. Utrique jure inhæreant Henschenius in vita S. Rud-
berti primi Salisburgensis Episcopi, & Antonius Pagius in
sua Critice. Iisdem antiquior ita habet:

*Dicta Juvavo fuit quondam Metropolis ista,
Quam primo fundans Hrobertus rexerat almus.
Post hunc Vitalis Antistites rexist eundem.
Ipsius inde Flobargisus, qui est sultus honoris.
Quartus Joannes fuerat, Sedemque regendo.
Advena Virgilius statuens quamplurima quintus.
Multo plures gerens Arno super omnia sextus.
Septimus hinc successit Adarlaim Pastor opimus,
Tempore namque suo statuens quamplurima pulchre.
Octavus veniens Liuftrammus Præsul ovilis,
Officium Domini renovans formosius aque.*

Recentior vero Catalogus antiquiorem illustrat, ut mox pla-
num fiet: Igitur, ait, post discessum beatissimi Rudberti Pontificis
vir clarus omni populo, egregiusque doctor, & seminator verbi
Dei Vitalis Episcopus Sedem Juvavensem regendam suscepit.
Post cujus transitum Anzologus extitit Abbas. Post cujus de-
positionem prædictæ Sedi adhæsit Savolus Abbas. Cujus vitæ fi-
nito cursu Ezius Abbas successit. Quo migrante de seculo, ite-
rato illo, Sedes honorata refulsit Episcopo Flobargiso. Postquem
Joannes Pastorem gessit in Sede præfata curam. Post Joan-
nem vero, ut legit etiam Pagius apud laudatum Scripto-
rem vitæ S. Rudberti, in brevi Indice: Joannes Episcopus,
Bertricus Abbas, S. Virgilius Episcopus, Arno Archiepiscopus,
Ammilon Abbas recensentur, & in fine Catalogi hæc satis
per-

perspicua verba successionem Episcoporum, Abbatum, & Archiepiscoporum confirmant: In Catalogo istorum Episcoporum quinque Abbates continentur, qui absque Pontificali ordine, & dignitate, regebant Episcopatum Juvavensem. Hi vero sunt Anselmus, Savolus, Ezius, Bertricus, Amnilon. Nemo non videt, quantam merentur fidem hi Catalogi, namque ex nominibus Episcoporum summa ubique concordia enumeratis palam sit, non esse ea deducta nisi ex ipsis antiquis tabulis Salisburgensis Ecclesie: hoc licet discrimen inter utrumque sit, quod primus nonnisi Episcopos, alter vero Abbates insertos Episcopis numerando recenset. Hundius, Cointius, alique passim Catalogum secundum amplectuntur, neque hac in parte interpolatum ullus eorum credidit. Sed Antonius Pagius nactus occasionem animadvertendi in Annalium parentem (qui S. Rudberti adventum in Bajoariam recte collocat ineunte septimo seculo) ducibus præsertim viris eruditissimis Hadriano Valesio, & Mabillonio, vera falsis misceri, ac proinde nullatenus secundo Catalogo audiendum esse contendit.

Infinitam revera questionem aggredierer, si præferendam Baronii sententiam autoritate Catalogi per capita singula demonstrarem; quapropter amplissima messe relicta, spicilegio contentus ero. Integro vir doctissimus producit seculo adventum S. Rudberti, primumque Juvavensem Episcopum esse factum autumat non 628. cum Baronio, & aliis, sed anno 702. deinde angustiis temporum pressus, nam anno 739. Joannem a S. Bonifacio creatum esse negari non potest, Rudbertum, Vitalem, & Flobargisum intra septem & triginta annos coarctat. Fuerit vero Sedes horum trium Episcoporum brevissima; nullusque eorum trans octavum seculum abjiciatur: at S. Bonifacius in Bajoariam veniens, seu rediens anno prædicto, quatuor in ea Episcopatus instauravit, qui suis jamdiu Pastoribus erant vacui, præter Pataviensem, cujus Episcopum paulo ante ordinaverat S. Gregorius III. Audiatur idem S. Pontifex diuturnum Episcoporum silentium, integer testis, affirmans. Bonifacium invenisse ait Bajoarios: *Extra ordinem Ecclesiasticum viventes, dum Episcopos non habebant in Provincia, nisi unum nomi-*

XIX.

Pagius a Baronio recedens in Chronologia S. Rudberti Salisburg. Ep. av. quætur.

S. Greg. ep. ap. Bar. 739.

ne Vinilum, nempe Pataviensem. Et infra prosequitur, Bonifacium conpellans: Presbyteros autem, quos ibidem reperiisti, si incogniti fuerint viri illi, a quibus sunt ordinati, & dubium est, eos Episcopos fuisse, qui eos ordinaverunt, si bona actionis, & Catholici viri sunt ipsi Presbyteri, & in ministerio Christi, omnique lege sancta educati, ab Episcopo suo benedictionem Presbyteratus suscipiant, & consecrentur, & sic ministerio sacro fungantur. Quid? Tanta fuerit Successorum S. Rudberti, Vitalis, & Flobargisi, quin Sancti ejusdem Rudberti vecordia, cæterorumque Bajoariæ Episcoporum, quos Pagius Poetæ Anonymi autoritate restituit, ut non modo Ecclesiæ omnes viduæ post eorum mortem derelictæ sint, at nullus in toto Ducatu Presbyter rite ordinatus inveniat? Sit fides Pagio. Equidem doctissimo Cardinali adherens cum secundo Catalogo ita persequor Juvavensium Episcoporum historiam. S. Rudberto ad superos revocato, primum Episcopus Vitalis, deinde tres Abbates Anzologus, Savolus, Ezio usque ad principium octavi seculi, octoginta circiter annis ab ejus institutione, Ecclesiam, immo totum Episcopatum Juvavensem administrarunt. Ezio autem (ut verbis Catalogi) *migrante de seculo, iterato illo*; quid clarius? Mortuo videlicet post coeptum octavum seculum, Sedes honorata *refulsit Episcopo Flobargiso*, post cujus mortem malo per totum Francorum Regnum late gliscente, Juvavensis Ecclesia, ut aliæ Bajoariorum Sedes S. Bonifacio teste, vacavit, vix unico Patavienfi Winilo a S. Gregorio III. ante adventum S. Bonifacii ordinato superstitæ.

XX.
Quare Abbates
inferantur Episcopis
Salisburgensibus in Catalogo?

At, ne forte alicui, ut Pagio, male oleant verba, quæ in fine Catalogi leguntur: *Quinque Abbates continentur, qui absque Pontificali ordine, & dignitate regerant Episcopatum Juvavensem*, animadverti oportet, quod ab ipso Episcopatus fundatore S. Rudberto conditum fuit Monasterium S. Petri Apostoli, inque eo stabilita Sedes Episcopalis, unde non est translata, nisi post ædificatam a S. Virgilio Ecclesiam in S. Rudberti honorem, quo una cum ejus, ac sociorum S. Cunialdi, & Gilisarii sacris pignoribus Sedem Episcopalem advexit, relicta Monasterii cura Abbati Bertrico, ut legitur in hujus vita, quod removet omne dubium, quinc-

credamus, quod summa in ea temporum difficultate, quam satis pro meo munere jam descripsi, Sedem vacantem ipsi Abbates administrarint, absque Pontificali tamen ordine, & dignitate, ut cavetur in fine Catalogi. Tum vero quis munere Episcopali fungeretur; non enim chrisma conficere, aut sacras peragere ordinationes poterant Abbates, incerta res est. Quare Henschenius ad vitam S. Rudberti observat, Salzburgensem Cathedralam toto seculo septimo adhæsisse Antistitibus Passaviensibus, seu Pataviensibus: & alio loco docet, quod quum Sedes Frisingensis carebat Episcopo, eidem *Advena aliqui, qualis S. Emmerammus fuit, Episcopalem aliquando impenderunt curam*; quam rem etiam Pagius affirmat agens de ejusdem S. Emmerammi martyrio, ubi contra Sammarthanos ostendit, cum numquam fuisse Pataviensem Episcopum. Idemque testatur Anonymus apud Canisium in S. Virgilio, dum ait, quod Rex Pipinus Virgilio concessit Episcopatum Salzburgensem Rectore vacantem: *Isque diffinidata ordinatione ferme duorum annorum spatii, habuit secum proprium Episcopum comitantem de patria, nomine Dobda ad persolvendum Episcopale officium*. Unde patet, quod, quemadmodum S. Virgilius consecrationem Episcopalem protrahens, in Dobdæ humeros omne onus reclinabat, ita peregrinum aliquem Episcopum illuc pervenientem Abbates, qui absque Pontificali dignitate identidem regebant Ecclesiam, enixe orabant, ut Frisingensi in Episcopatu Pastoris munere fungeretur, quidquid non commissos sibi greges pascere prohibeatur Episcopus; nam contra necessitas suadebat. Quare hanc ego Sedis Juvavenis consuetudinem considerans, ac præterea affinitatem nominis, & vacationem sæpe diuturnam, mihi blandiebar Hermemberti sedem, seu moram, fortasse a propria profugi, fuisse Juvavæ: putabamque, obid non vocari Episcopum Juvavensem, sive, ut barbare loquar cum Codice, *Josbionis*, sed *Josbione*, quasi degentem ea in urbe, ibique officio fungentem Episcopali, dum Abbas Bertricus regebat Ecclesiam, absque Pontificali dignitate.

At rem incertam incertioribus semper confirmandam invenio. S. Virgilii, qui ex laudatis Catalogis in Sede

Ad SS. To. 1.
Mart. pag. 704
num. 10.
Pag. 632 n. 1.

Tom. 6. Ant.
Lecl. pag. 1174.

XXX.
S. Virgilii ætas
controversa.

Juvavensi successit Joanni post Abbatem Bêrricum; stabilire ætatem oportet: nisi enim est factus Episcopus post Concilium hoc Lateranense, conjectura omnis evanescit. Hunc ex Hibernia in Galliam venisse refert Anonymus, ubi ab illustri Francorum Rege Pipino, qui Majordomus dicebatur, apud Carissacum honeste exceptus fuit, cumque eo moratum esse duobus annis. Temporibus vero, prosequitur, Ottoloni Ducis Bavavorum, qui tunc cum tota Norica Provincia subiectus fuit prædicto Regi Francorum, Salisburgensis Ecclesia, qua ab antiquo vocabulo a juvando dicta fuit Juvavia, proprio carebat Episcopo. Huc igitur missum ait Virgilium, qui sua consecratione per biennium dilata, Episcopali munere fungentem secum habuit Episcopum comitantem de patria, nomine Dobda, at populis demum id flagitantibus, ordinatus est a Provincialibus Præsulibus anno natiuitatis Domini 767. XVII. Cal. Jul. Deinde fundatam ab eo narrat, consecratamque Cathedralē Ecclesiam, ejus loci, ajens, in tertiodécimo anno consecrator extitit. Equidem tot tantisque scatentem mendaciis narrationem Anonymi, qui pluribus post Virgilium seculis eam conspavit, miratus sum eruditissimos viros, præsertim Mabillonium, Henschenium, & Antonium Pagium non modo, ut par erat, non ablegasse; at unumquemque eorum adoprassē, suscepisseque Auguræ stabulum repurgandum. Summa tantum capita novissimi horum legam, qui aliorum opiniones ad trutinam revocavit, ne longius æquo aberrēm ab instituto. At prius Anonymi consilatoris præcipua vitia indicabo. Anno 741. occubuit mortem Carolus Martellus, Regnumque ante mortem divisit inter filios Carolomanum; Pipinum, & Griphonem, ejus portionem invisam Francis brevi fratres absumserunt: Primogenito suo, ait continuator Fredegarii, Carolomanno nomine, Auster & Suardiam, qua nunc Alemannia dicitur, atque Thoringiam tradidit. Alteri vero secundo filio juniore Pippino nomine, Burgundiam, & Neustriam, & Provinciam permisit. Itaque hi Majoresdomi anno 742. creato Rege Childerico III. post annorum sex interregnum, ut sibi amoverent invidiam, in sua quisque parte regnarunt, junctis quandoque armis ad debellandos hostes, ut anno 743. quum Bajoarios subegerunt. Pipinus

ve-

Consil. Anon. Lebl.
tom. 6. pag. 1174.

177

Page. an. 741.
Mab. 177.

vero non fuit Majordomus Francorum, nisi postquam anno 747. Carolomannus induit monachium relicto Regno. Anno autem sequenti, nimirum 748. Annales Bertiniani aliique apud Pagium testantur Thasilonem Odilonis filium a Pipino esse factum Bajoariz Ducem. Itaque illius quadriennii spatium inter 743. & 748. mitti potuit Virgilius Odiloni, cujus temporibus, ait Anonymus, Ecclesia Salisburgensis proprio carebat Episcopo. Et Joannes, quem nuper, anno videlicet 739. S. Bonifacius illi Ecclesie prefecit, cui Catalogos tribuere annos 20. Wiguleus Hundius observat, ubinam gentium, locorumve erat? At Scriptori postero praevertenti Majordomatum Pipini, & Carolomannum nescienti haec permittantur. Biennii moratum ait Virgilium cum Pipino, duobusque fere annis ordinationem Episcopalem distulisse, atque esse a Comprovincialibus ordinatum anno 767. XVII. Cal. Jul. idest die 15. Junii, nec Dominico scilicet, nec festo die. Benigne hic etiam agamus cum Anonymo: biennium illud Virgilius insumserit regnante jam Thasilone in Bajoaria. Quid? Ab anno 748. seu 749. ut habent Annales Fuldenses, ad annum 767. numeratur biennium? At audiamus Criticum Baronii, cujus in solvendis hujusmodi nodis est ars mirifica.

Abjiciendas contendit Pagius Notas omnes Chronologicas, nudamque narrationem rei retinendam. Itaque ordinatum Virgilium docet anno 746., ut mea in Chronologia Caesarea Pontificia indicavi, fidem relinquens Pagio ipsi. Idem vero, qui omnia adoptans monumenta Canisii, vel praedicationem S. Rudberti ad seculum octavum transfert, Boicarum rerum Scriptoribus reclamantibus, non videt, quam difficile ad credendum erit, minori spatio temporis quatuor Episcopos tenuisse Sedem Salisburgensem, (relictis etiam Monachis insertis, & diuturna vacatione, quam dolebat S. Bonifacius) quam unumquemque e duobus Successoribus Joannis. Quis enim credat S. Virgilium annos fere quadraginta, & Arnonem sex, & triginta eam Sedem tenuisse, quam S. Rupertus, Vitalis, Flobargisus, & Joannes, eodem circiter spatio temporis in quatuor partes dividendo gubernarint, quum praesertim eorum nullus, praeter

XXII.
Salisburgensem
Epy acate Pa-
gus pervertit.

Anst. in
Steph. scil. 275.

ter S. Rupertum, martyrium fecerit? Præterea Stephanus III. petierat a Francorum Regibus per suum Legatum, ut mitterent aliquantos Episcopos gnaros, & in omnibus Divinis Scripturis, atque Sanctorum Canonum institutionibus eruditos, ac peritissimos, cujusmodi erat S. Virgilius referente Anonymo: Sapiens, & bonus Doctor..... comperto eo bene docto; cur ergo eundem cum aliis non miserunt ii Reges ad Concilium Lateranense? Nam mortuo jam Pipino, atque enixe, ut vidimus, deprecante Thasilone, ut rediret in Regis gratiam, non est dubium, quin eunti Romam Episcopo, iussu Regum Successorum, impedimento fuisset. Quamobrem, ut dicam quod sentio, S. Virgilius ad Salisburgensem Cathedralam non ascendit, ante Concilii celebrationem. Et quoniam antiquitatis videri nolum interpres nullo inharens fundamento, quidquid meam fuleit conjecturam, expediam.

XXIII.
Annus ordinat
ionis S. Virgi
lii, & Sedis
tempus.

Hensche. tom. 3.
Mart. p. 702.

Æram Christi communem perperam ab Anonymis adhiberi apud Canisium communi omnes consensu affirmant: qua de re Pagio morem geram Notas hujusmodi Chronologicas omnino abiciens. Sunt tamen aliæ Notæ Chronologicæ, quas ii decerpserunt ex Salisburgensis Ecclesiæ Tabulariis, nec impune licet contemnere. Ecclesiam Cathedralam a S. Virgilio ædificari cœptam legitur apud Anonymum alterius Anonymi abbreviatorem, seu interpolatorem, ut vocat Henschenius, *Indictione VII.* Eiusdemque Ecclesiæ Dedicatio primum facta, seu benedictio, deinde consecratio memorantur. De prima Dedicazione idem Anonymus loquitur: *Dedicata est primo Ecclesia S. Rudberti a S. Virgilio Episcopo anno Tassilonis Ducis XXVI.*... Eodem anno transfusus idem Episcopus S. Rudbertum &c. De consecratione vero apud laudatum Autorem vitæ S. Virgilii legitur: *In tertio decimo anno consecrator extitit.* Tria hæc testimonia Chronologica, semel mihi veniam adhibeat Pagius, non possum rejicere: Primum igitur est Indictio VII. quæ non 767. sed 769. anno usque ad Septembrem in cursu erat. Quumque Autor vitæ eodem anno 767. ordinatum dicat S. Virgilium, cui brevior illigat Indictionem VII., error facile deprehenditur biennii perperam relictæ, restituiturque Ordinationis annus stabiliendo principium fundatæ Ecclesiæ ante-

men-

mensē Septembrem, & post diē VII. Calendas Julias, quam congruere ordinationi ostendit litera Dom. A, non-
XVII. in quam eo anno incidit feria V. Primæ autem Dedicatio-
nē nihil addi oportet; nam annus Thassilonis XXVI. adhuc in cursu erat anno æræ 773. quum regnare orsus esset 748. ut dictum est. Consecratio demum facta anno Episcopatus S. Virgilii tertio decimo spectat ad 781. post diē 25. Junii, quā ordinatus est, sive ad 782. ante prædictam diē. Et si Poetæ Anonymo fides habenda est, eodem anno 782. diē obiit S. Virgilius, quum sedisset annos quatuordecim, non quadraginta, ut Pagius interpretatur: quis enim nesciat, Poetis esse liberum quodlibet numerandi genus adhibere, ut legibus poësis inserviant? Verba poetæ sunt:

Quique regebat ovals præsentia culmina tecti,

Perme quater denos caris cum fratribus annos.

Nec recens cuditur mea opinio; nam idem Anonymus Auctor vitæ, qui ordinatum docet S. Virgilium anno 767. eundem in Domino obdormisse testatur anno 780. IV. Calendas Decembris. Quare si ordinationi addendum ostendi biennium, spatium idem temporis morti adjungere opus est; ut enim æra Christi communi sit abusus Scriptor, non idcirco minuendi, augendive sunt ejus Sedis anni proprio lubito a nobis posteris, at quatuordecim ab Anonymo ei tributi, retinendi integre; rejiciendique ii quadraginta, qui utrumque in principio, & fine augeantur, nunquam S. Virgilii ætatem certam definient.

Quæ, quum ita sint, si Joanni, quem ordinavit Sanctus Bonifacius, tribuamus, ut dixi, annos 20. aut 21. ita, ut ad annum perveniat 760. hinc vero ad Abbatis administrationem reditum esse fateamur cum Catalogo laudato, qui Bertricum collocat inter Joannem, & S. Virgilium, non deerit locus Hermemberto, qui a propria Sede exul, in communi Episcoporum calamitate, Juvaviz degeret, ibique Episcopali munere fungeretur, quoad S. Virgilio adveniente cum suo Episcopo Dobda, hic administrare Episcopatum crepit. Facta enim interim evocatione Episcoporum a Stephano III. jubentibusque Regibus Pipini filiis, venire Juvavensem Episcopum Romam, Virgilius nondum consecra-

XXIV.
Conclusio, &
fundamentum
conjectura.

tus,

tus, lubénis Hermemberto istud iter commiserit. Hucusque conjectura me deduxit, nec tamen quiesco, opto enim ab aliis discere, quod assequi non est datum. Ceterum ad Hermemberti dubiam Sedem confirmandam, hic subijcio vagantium tota Gallia Episcoporum, tempore calamitatis, argumenta certa ex Conciliis. *Statuimus, ut secundum Canonicam cautelam omnes undecumque venientes ignotos Episcopos, vel Presbyteros ante probationem Synodalem in Ecclesiasticum ministerium non admitteremus. Item: Statuimus, ut supervenientes Episcopi, vel Presbyteri de aliis regionibus non suscipiantur in ministerium Ecclesie, nisi prius fuerint probati ab Episcopo, cujus Parochia est. Item: Ut ab Episcopis ambulantiis per parochias ordinatio Presbyterorum non fiat. Item denique: De Episcopis vagantibus, qui Parochias non habent, nec scimus ordinationem eorum qualiter fuit, placuit juxta instituta Sanctorum Patrum, ut in alterius Parochia ministrare, nec ullam ordinationem facere debeant sine iussione Episcopi, cujus Parochia est. Hos inter vagantes, errantesque Episcopos Hermembertum recensere scripturae vicio jubeor, libenter auditurus Sedem illius certam ab eruditis.*

Concil. Germ.
Cano. 4. 20. 742.

Concil. Suff.
Cano. 5. 20. 744.

Conc. Vermet.
Cano. 1. 20. 752.
Conc. Vermet.
Cano. 13. 20. 755.

C A P U T III.

*Sedes Episcoporum Tusciae atque Campaniae, &
Provinciae Italiae, qui adsuerunt Concilio
Stephani III.*

L.
Ravenn. &
Ejus Auzoceph-
lia.

PLura, Lector, titulus pollicetur, quam quæ paravi dicere, ne crambem timeas; quæ enim priori capite disputavi de Provinciis, non sunt materia hujus tertii. Quædam pauca de Sede Ravennatensi, aliquanto plura, sed necessaria, de Ostiensi, & nonnulla de aliis, præsertim antiquatis, breviter, & utiliter hoc in tertio capite amplecti deliberavi. Incipio a Ravennatensi, cujus Antistes primum post Romanum Pontificem locum tenet in Concilio Lateranensi. Constantinopoleos Patriarcharum tot, tamque diuturna molimina, ut Patriarchis cæteris præferrentur, non-

nonnullorum quoque audaciam, & insaniam, ut eidem Christi Vicario anteirent, nemo ignorat. Sed hujusmodi machinamenta, & temeritatem, inde habuisse originem quis nescit, quod Byzantium facta erat Sedes Imperii? Græcia, scilicet levissima Successorum Divi Petri aut ignorans, aut simulans ignorare prærogativam, Ecclesiæ universalis Primatum ambitione, & factu metita est: & quæ, Summorum Pontificum admirabili tolerantia, evicit tandem, ut Alexandrino, & Antiocheno dignior adscititius Patriarcha haberetur, Oecumenicum paulo post Patriarcham eundem fieri ausum, detestata est. Perinde esse factum a Ravennæ Metropoli doleret Ecclesia, nisi Christi Vicarius repressisset audaciam ejus, Christusque ipse sapientissimo consilio decrevisset, ut quem supremum Ecclesiæ Principem detrectabat Ravennas, supremum quoque Regem & Dominum veneraretur. Hanc Ravennatensium Antistitem ambitionem jure Cardinalis doctissimus effrenem appellans, inde natam observat, quod ea in urbe Honorius primum, & Valentinianus Imperatores, deinde Theodoricus, alique Gothorum Reges, ac postremo Græcorum Exarchi sedem habuerunt: præterea animadvertens, haud difficile Ravennati fuisse supra Mediolanensem, & Aquilejensem se efferre, urbibus Aquileja ab Hunnis, & Mediolano a Langobardis excisis, detestatur Autocephalam, qua juri Patriarchali Romani Antistitis sese subducere conatus est. Tantam temeritatem historiæ omnes deplorant, & uberrime enarrant Recentiores eruditi, præsertim Abbas Bacchinus in Agnellum, qui schismate & ipse implicitus, contra Apostolicam Sedem sæpe virulentus, Ravennatensium Præsulium res gestas depravat. Estque exemplo Archiepiscopus Sergius, qui per suum Legatum Concilio huic Lateranensi interfuit, ac primum post Romanum Pontificem locum tenuit. Quapropter ex fusiori eorum historia ea tantum decerpam, quæ statum referant illius Sedis; atque ita neque eruditus molestus ero, neque Concilium hac in parte non illustratum emittam.

Justinianus Junior imperabat iterum tertio anno, quum Felix Ravennas Archiepiscopus diuturni schismatis finem attulit, ordinatus Romæ, juxta veterem consuetudinem, a Ro-

Noris de Syn.
V. cap. 10.

II.
Autocephalia
Ravenn. extin-
gitur.

mano Pontifice Constantino, anno videlicet 708. Post eum vero Joannes anno 718. ejusque post admodum diuturnam sedem Successor Sergius, anno 752. ut videtur Bacchino, Romæ ordinati, antequam Exarchatus in Ditionem veniret Apostolicæ Sedis, satis superque ostendunt, Autocephaliæ finem, ac debitæ subjectionis Pontifici Romano initium debere constitui prædicto anno ordinationis Felicis. Quum vero hunc testari videatur Liber Pontificalis noluisse fidem suam scripto obligare, quemadmodum ab aliis fieri consuevit (ut patet ex Diurno Pontificum cap. 3. tit. 7.) *Solitis in Scrinio noluit facere cautiones, sed per potentiam Judicum exposuit, quod maluit*: hinc est, quod schismatis retinentissimus Clerus multa confingere habuit liberum, quæ dubiam Ravennatis hujus Antistitis obedientiam reddunt, tametsi idem inter Sanctos fuerit collocatus, nullum enim detrimentum, ut ait Bacchinus, viris sanctis important diceria vulgi. Eadem, quin etiam multo pejori usus est fortuna, noster Sergius, quem, schismatico Agnello teste, post Romanam consecrationem: *Spreverunt Sacerdotes, & separaverunt se ab eo ministri*. At, præterquamquod novis creatis ministris turbas omnes composuit, sedente Sergio res evenerunt, quibus Ravennatenfes ab Apostolica Sede amplius disjungi non potuerunt; nam totus Exarchatus juris S. Sedis esse coepit. Felicissimum hunc rerum eventum juvat memoria repetere: inde enim Regalis Sacerdotii sub lege Naturæ, & scripta a Patribus, & Senioribus adumbrati primordia repetuntur. Aliquot ante annis, quam hæc fierent, urbs Ravenna semel a Rege Langobardorum Liutprando expugnata, ab eodem iterum oppugnabatur, dum Ravennæ Archiepiscopus erat Joannes Prædecessor Sergii: quare idem cum Exarcho Eutychio ad Romanum Pontificem S. Zachariam, ejus opem efflagitantes, confugerunt. Continuo Pontifex morem gessit: per se ipse Regem adiit, Ravennatesque ab insidiis liberavit. Quare ad priscam consuetudinem accedente officio, non erat dubium, quin obedientiam a Felice, & ab Joanne jure præstitam Romano Pontifici, Archiepiscopi Successores exhiberent, ut re Sergius exhibuit. Nihilominus minus decreverat Deus Optimus Maximus,

ut

Anst. in vita
Constantini p. 4.

Agnell. libr.
Post. Bacchin.
encurtu ad Jo-
annem &c.

ut indissolubili ea Sedes vinculo adhereret Cathedræ Divi Petri . Nam paulo post quam Italix pars magna ab impiis Græcorum Imperatoribus deficiens Romano Pontifici ; tamquam supremo Principi, obtemperare maluit , Rex Francorum Pipinus , anno 755. Sergii Antistitis 4. devictis Langobardis , totum Exarchatum , unde antea expulsi erant Exarchi , Apostolicæ Sedi perpetuo possidendum donavit , jamque nongentesimo octogesimo anno possidet , possidebitque ad mundi exitum : id quippe divinitus statutum est , ut Regale Sacerdotium aliorum vices Regnorum non sentiat : *Suscitabis Deus Regnum* , Divini Decreti sunt verba , *quod in æternum non dissipabitur , & Regnum ejus alteri populo non tradetur : comminetur autem , & consumet universa Regna hæc , & ipsum stabit in æternum* . Hujus vero Regni non repetenda esse initia a donatione Pipini , qui amplificator Ditionis Ecclesiæ fuit , non institutor , alibi contra Pagium demonstravi .

Autocephalia igitur, ipsum Exarchatum subjiçiendo Sanctæ Sedi , radicitus evulsa , omne simul adminiculum ablatum esse Archiepiscopis videbatur , quo adversus Romanos Pontifices inniterentur . At secus est ; nam primi duo Archiepiscopi post Pipini donationem , Sergius nimirum , qui jam sedebat , & Sergii Successor Leo , novum excogitarunt genus deficiendi a Romano Pontifice : sibi scilicet arrogarunt ditionem ipsam Exarchatus . De Sergio quidem id testatur Agnellus : *Judicavit* , inquit , *a finibus Pertica totam Pentapolim , & usque ad Tusciam , & usque ad mensam Vvalami , veluti Exarchus , sic omnia disponebat , ut soliti sunt modo Romani facere* . De Leone vero ex trinis Adriani literis liquet : *In magnam* , ait , *superbiam , & tyrannicam elationem pervenit , ut nullo modo sicut antea nostris Apostolicis obtemperare inclinatus est mandatis , & nullum ex Ravennatibus , vel Æmilia pro accipiendis præceptis de diversis actionibus ad nos venire permisit , ita eis indignatus comminatus est , dicens , quod si quis ad nos venire præsumpsisset , non potuisset venire De Civitatibus Imolensi , seu Bononiensi ita profanizat dicens , quod V. E. ipsas Civitates minime B. Petro , & nobis concessit , sed sibi ipse Archiepiscopus a vobis fuisse concessas , ac traditas asseris sub sua potestate permanendas . Unde nullum hominem ex iisdem Civitatibus*

Daniel. 2. 44.

Anast. tom. 4.
Prod. pag. 300.III.
Novum defensionis germine venientes Archiepiscopi excogitant.Agnellus Serg.
cap. 4.Cod. Carol. ep.
51. 52. 54.

ad nos venire permisi, sed ipse ibidem actores, quos voluit, sine nostra autoritate ordinavit, & in sua eas desinet potestate. Autoritatem, ut verum fatear, qua multo minor sit nostra aetate Eminentissimis Legatis. Usurpationes hujusmodi, quis credat. Scriptores nonnulli, atque ii quidem eruditissimi, putant jura Archiepiscoporum. Præ iis Bacchinus censet, quod a principio, indulgente Romano Pontifice, & Pipino consensum præbente, administratio Exarchatus Sergio sit credita. Nec mei est instituti, nec vacat Rubeo, Ughello, & Bacchino singillatim respondere, atque eorum opiniones, seu mavis conjecturas, diruere. Ob oculos tamen ponam, quæ erat administratio a Stephano II. primum, deinde a Sancto Paulo I. ac demum ab Adriano, proindeque a Stephano III. instituta in Exarchatu ab ipsis donationis primordiis. Ipse noster Prædecessor, ait Adrianus de Stephano II., cunctas actiones ejusdem Exarchatus, ad peragendum distribuebat, & omnes actores ab hac Romana urbe precepta earundem actionum accipiebant. Nam & Judices ad faciendas justitias omnibus vim patientibus in eadem Ravennatium urbe residentes ab hac Romana urbe direxit, Philippum videlicet illo in tempore Presbyterum (nam Adriani tempore erat factus Episcopus) simulque & Eustachium quemdam Ducem. Nota, quod ipsam in urbem Ravennam misit Magistratus, ne audias Bacchino, qui hac occasione nimis favet schismatico, sublestræque fidei monacho, quem illustrat. Stephani Successor, & germanus Paulus in epistola ad Pipinum data, ut videtur, anno 766. hæc simillimæ administrationis ab se constitutæ non obscura præbet indicia: *Missi vestri in nostra præsentia cum Langobardorum missis, necnon & Pentapolensium, & singularum nostrarum Civitatum hominibus adfuentes &c.... Unde constitit, ut nostri, ac singularum Civitatum missi ad Desiderium &c. Adrianus denique, cujus jurisdictionem sibi arrogaverat Archiepiscopus Leo, ita alloquitur Regem Carolum: Quemadmodum tempore Domni Stephani Papa, qui illuc in Franciam profectus est, cui & ipse Exarchatus traditus est, ita & nostris temporibus, quum sub nostra potestate, disporre, & ordinare volumus; & omnes in hoc cognoscere possunt qualem potestatem ejus beatus in eandem Ravennatium urbem,*

Excurs' Chron.
ad Jo: V. ab VL

Cod. Carol. ep.
141

Cod. Carol. ep.
171

Ibid. ep. 141

bem, & cunctum Exarchatum habuit, qui etiam Archiepiscopum Sergium exinde abstulit, dum contra ejus voluntatem agere spiritu superbia nitebatur. Et infra: Eundemque Archiepiscopum sub nostra potestate contradere digneris, ut a nobis cunctus Exarchatus disponatur, sicut sapientissimus Dominus Stephanus beatissimus Papa temporibus s. m. genitoris vestri Domni Pipini disponere visus est.

Commentariis allata non indigent: Sergium nova moliri ausum ipsa ex urbe Ravennæ suprema autoritate Stephanus II. ejecit; quare non minus Sergio, quam Leoni, quidquid recentioribus visum sit, usurpatio est tribuenda. Atque utinam factæ alicujus potestatis Sergio vestigium aliquod detegeretur, ne origo ejus prærogativæ super Aquilejensi, & Mediolanensi, immo & omnibus Occidentis Metropolitibus in incerto adhuc vagaretur. Card. Noris nono seculo antiquiorem non facit, fretus autoritate testamenti Caroli Magni; nostrum vero Concilium eam retrahit ad octavum. In eo siquidem non ordinationis antiquitas ita servata est, ut Gallis Itali admiscerentur, sed illis isti posthabiti, & quemadmodum undecim Galli undequadragesima Italis prælati sunt, Archiepiscopus Archiepiscopo prædixisset, nisi prærogativa impedimento esset. Quare affirmare ausim, Ravennatensem Cathedram, ubi primum a schismate emerfit, Felixque est ordinatus Romæ a Constantino Papa, quod jampridem optaverat, ab Apostolica Sede impetrasse, ut nempe prima Metropolis post Romanam haberetur, quemadmodum antiquæ omnes Notitiæ apud Schelestratem fidem faciunt: idque nisi ipsa in consecratione, quando solitas in Scrinio noluit facere cautiones, sed per potentiam Judicum exposuit, ut maluit; saltem quando Ravenna ab exilio reductus, penitentia motus, licet oculorum lumine privatus, tamen ad propriam rediit Sedem: & solita, quæ ab universis in Scrinio Episcoporum sunt, indicula, & fidei expositionem, & hic confessus est, sicque reconciliationis promeruit absolutionem. Neque abludit mea opinio ab eruditissimi Bacchini sententia, qui Sancto huic Archiepiscopo ab infamissimis Recentiorum figmentis acerrime vindicato: *Censeo, inquit, Felicem Archiepiscopum Ravennatensem in eo peccasse, quod præsta-*

IV.
Cur Raven-
næ Metropolitibus
præferatur.

Anst. in Con-
stant. lib. 176.
& 179.

Observe. ad
vitam S. Felicis.

re noluerit solitas cautiones Sedis Apostolica, cujusmodi sunt illa, quæ habentur in libro Diurno, quibus fortasse Felix aliquid addere, vel demere volebat in favorem Ecclesiæ suæ. Quod vero additamentum mitius, quod probabilius fuerit, quam petitio, ut Cathedra Ravennatensis, quæ Romanum ipsum Pontificem detrectaverat, prima post Apostolicam Sedem inter Patriarchatus Metropoles, haberetur? Quid contra credibilius, quam S. Sedem concessisse Ravennati inter Metropolitas Primatum, in gratiam Imperatoris, & Exarchi, quæ in gratiam Cæsarum Patriarcham adscititum Constantinopoleos reliquis Patriarchis prætulerat?

V.
Quia nempe
omnium Occi-
dentalium Me-
tropolit. pri-
mus.

Ughell. Ital.
Sac. toc. 2. & No-
ris de Syn. V.
c. 40. Sacchini ex
Rub. in observ.
ad Maur.

Cop. 1. tit. 9.

Notiæ ibid.

Aquilejensem sane Metropolitam eo potestatis venisse, Alexandro II. Pontifice, ut Romani etiam Imperii Principibus adnumeratus, inter Occidentis Metropolitæ primus haberetur, ut hodie habetur, neminem fugit; at multo ante hujus exaltationem Clemens II. in Synodo Romana anno 1047. hæc de antiqua Ravennatis prærogativa pronuntiaverat: *Sedem etiam Ravennatis Archiepiscopi jubemus semper esse a dextris nostris, nostrorumque Successorum, secundum antiquæ constitutionis auctoritatem, nisi forte Imperator adfuerit, & tunc etiam ipsum sinistrum locum tenere per hanc nostræ auctoritatis firmantis firmitatem.* Quod si antiqua erat Ravennatis ea prærogativa (cujus plures conjicit causas Garnerius in Notis ad Diurnum Pontificum) certissimeque in Concilio nostroprehenditur, quis non videt, multo ante nonum seculum, ut putat Norisius, illius originem repeti oportere? Quumque non æquum sit Autocephaliæ tempore illam investigare, quia præsertim anno 680. Theodorus Ravennas subscribit post Aquilejensem, & Mediolanensem Metropolitæ, ut animadvertit Card. Noris, erit igitur cum S. Felicis Archiepiscopatu forte illiganda; non enim videtur ad Sergii tempora differri posse ob enarratas rationes. Quandocumque autem ante Concilium Stephani Archiepiscopus Ravennas esse coeperit omnium primus in Occidente post Romanum Pontificem, cujus dextra in Conciliis sedebat, nisi aderat Imperator, tunc enim sinistram tenebat, semper omnium Antistitem primus; nostris oculis cernimus, ita hoc in Concilio Lateranensi esse factum. Quamobrem valde gau-

gaudeo, quod per me primum prodeat monumentum, unde inclyta ista Sedes quadraginta amplius annis antiquius suæ prærogativæ argumentum certum deducat, quam quod Scriptori eminentissimo acceptum refert. Præterquamquod non parvi momenti res est, Decretum Clementis II. pro asserenda Ravennatum Antistitum prærogativæ trecentos fere post annos datum, tam solido, tamque evidenti antiquitatis testimonio roborari; inde siquidem eruditi recentiores, qui temporum injuria freti antiquam Ecclesiæ Historiam proprio arbitratu expendunt, facili negotio discent, proferre aliquando ætatem documenta, quæ Ecclesiæ decreta levissime ablegata ab iis esse planum faciant, doctissimumque Annalium parentem non labili ut plurimum fundamentum inhæsisse, illos doceant. Itaque, ad meum institutum rediens, Ravennatensem Archiepiscopum affirmo idcirco præferri Metropolitæ Galliarum, quia id Sedi Ravennæ privilegium erat, ut soli Imperatori, si adesset Concilio, dextrum Summi Pontificis latus relinqueret, nullique totius Patriarchatus Occidentis Metropolitæ loco cederet. Jam vero satis, ut mihi videor, loquutus de principe omnium Occidentalium Sede post Romanam, Concilii ævo, venio ad Ostiensem, cujus Episcopus Georgius statim sequitur post Metropolitam, Franciscusque omnibus Episcopis præfertur.

Magna semper fuit Ostiensis Episcopi præstantia, quippe qui omnium Episcoporum primus ab ipsis primordiis tranquillitatis Ecclesiæ honorem sacri Pallii obtinuit a D. Marco, tanquam Romani Pontificis consecrator; Portuensis, & Albanensis, & ipsis Consecratoribus, semper prævit; primumque semper locum habuit inter septem Lateranenses Episcopos, qui Pontifici celebranti ministrabant, ut Presbyteri Episcopo, quod Joannes Diaconus aperte docet: *Episcopus Hostiensis, qui debet consecrare, & benedicere Apostolicum præ omnibus aliis; Episcopus S. Rufinæ secundus; Episcopus Portuensis tertius; Episcopus Albanensis quartus; Episcopus Tusculanensis quintus; Episcopus Sabinensis sextus; Episcopus Prænestinensis septimus.* Ubi observatu dignum videtur, quod, tametsi alii Episcopi Lateranenses mutato ordine occurrunt,

V. L.
Prærogativa
Episcopii Cardinalis Officii.

Mañili append.
ad Ord. Rom.
pag. 566.

tum

tum in Notitia veteri apud Baronium, tum in duobus Codicibus Provincialibus veteri, & novo apud Aubertum Miræum, Ostiensis tamen Principem semper locum obtinuit ad nostram ulque ætatem, ea siquidem dignitas Eminentissimus Decano Sacri Collegii Cardinalium, nisi forte extra urbem degeret, semper adhæret, ita ut nihil unquam pristina ejus prærogativa detrimenti acceperit. Hinc est, quod Sanctissimus Dominus noster Clemens XII. quum primo sui Pontificatus anno M DCC XXXI. IV. Idus Januarias constituit, ut Episcopi Cardinales, qui *unam ex Ecclesiis Suburbicariis obtinuerint, deinceps ad aliam, priore dimissa, ac Romano Pontifice approbante, semel tantum transire possint*: continuo subjunxit: *Salva tamen illis semper, atque illasa facultate optandi, prævia dimissione prioris, Ecclesiam Ostiensem, quæ peculiaribus gaudet prærogativis, ac præsertim illa, quod Cardinalis, qui ei præest, Pontificem Maximum solenni ritu, pallio etiam addibito, consecrare solet.* Quæ porro ex Constitutione eveniet, ut principem semper locum tenente Ostiensi, Episcopi Cardinales ceteri, juxta priscam consuetudinem alium, aliumque ordinem pro antiquitate consecrationis obtineant. Sic in veteri Notitia apud Baronium alius erat ordo, ac nuper laudatus ex Joanne Diacono, ut videre est: *Episcopus Ostiensis, Episcopus Portuensis, Episcopus S. Rufinae sive Silvæ Candidæ, Episcopus Albanensis, Episcopus Sabinenfis, Episcopus Tusculanus, Episcopus Prænестinus.* Aliumque item ordinem spectamus in Codice Provinciali tum veteri, tum novo, qui scilicet tantam antiquitatem non referunt, utpote scripti postquam Calixtus II. Portuensi univit Cathedralam Silvæ Candidæ, & Eugenius III. Veliternam Ostiensi. In utroque enim legitur: *I. Ostiensis & Veliternus, II. Portuensis & S. Rufinae, III. Sabinenfis, IV. Prænестinus, V. Tusculanus, VI. Albanensis.* Constanter autem singuli Ostiensis prærogativam præferunt, quæ jam mille, & quadringentis amplius annis obtinet.

Clem. XII.
Constit. 10. Jan.
1731.

Baronius, 1057.

Aub. Mir. No-
tit. Episc.

VII.
Cardinalium
Episc. nulla erat
prærogativa inter
Episc. Coec.
temp.

Ea tamen prærogativa non obstante, in Conciliis, & hujus Lateranensis tempore, & diu post, cum semper ordinem tenuerunt Episcopi Cardinales, non quem Sedis merita, sed quem Ordinationis antiquitas exigebat: idque in-

inter omnes Episcopos magna cum religione observant, quod trium Conciliorum exemplo fiet planius, nostri nimirum inediti, & duorum, quæ jampridem Em. Annalium patrens compendiarie evulgaverat, deinde integra ex præstantissima Bibliotheca Barberina studio Lucæ Holstenii prodierunt in lucem, ab Eugenio II. & Leone IV. celebrata. Quatuor omnino adsunt Concilio Stephani III. Georgius Ostiensis, qui sedet tertio loco, Gregorius Silvæ Candide, qui 38., Eustratius Albanensis, qui 39., & Cidonatus Portuensis, qui 41. iidem quatuor in Concilio Eugenii II. Consecrationis ævo ita jubente, hunc sedendo ordinem tenuerunt: Joannes Silvæ Candide 6. Stephanus Portuensis 7. Benedictus Albanensis 8. Cæsarius Ostiensis 9. eosque sequitur, post duos Episcopos, Constantinus Prænестinus. In Concilio demum Leonis IV. Megistus Ostiensis primus omnium Episcoporum Cardinalium sedet, ætatis ratione habita, post Episcopos quindecim. Rodoaldus Portuensis 20. Leo Silvæ Candide 22. Petronacius Albanensis 37. ac demum 54. Scrgius Sabinensis. Prænестinum, qui Concilio Eugenii II. & Sabinensem, qui Leonis IV. interfuerunt, ad rem magis magisque probandam nominavi, quum cæteroqui nostro Concilio neutrius Sedis Episcopus interfir. Georgius enim Prænестinus, qui Pseudo-Pontificis Consecrator fuit, *non post multos dies*, referente libro Pontificali, *consecrationis ipsius Constantini, valida, ac pessima ægritudine præoccupatus immobilis factus est, & postmodum Missarum solennia nequaquam celebravit. Ejus enim dextra manus aruit, atque contracta est. Qui etiam nec ad os suum asferre valuit, sicque tremens, & languens vitam finivit*, ultione divina docente, ait Ughellus, nullam violentiam posse habere justæ excusationis prætextum, ubi de Dei gloria, Ecclesiæque salute ageretur: de Sabinensi vero nihil compertum habeo, neque ad Concilium illustrandum ejus indigeo, ut consecratoris Georgii mox laudati, de quo infra redibit sermo. Hunc vero ordinem juxta Consecrationis antiquitatem perpetuo servatum esse tum ante Concilium Lateranense, tum post Romanum Leonis IV. demonstrarem, si vacaret, & necessarium esset. Cur autem potissimum coeperim a Concilio isto Lateranensi, duobus po-

Anst. in Steph.
IV. sed. 1679

Ital. Sic. to. 1.
de Præstib. 16.

sterioribus roborando argumentum, neque ullum antierius in medium adduxerim, mox expedium.

V III.
Episcoporum
Cardi. antiqui-
tas vindicata.

Anstus Steph.
IV. scilicet. 284.
Bis. 769.

Eminentissimus Cardinalis Baronius observat, de septem Lateranensibus Episcopis Cardinalibus, quos Vicarios, & Collaterales Domini Papæ Joannes Diaconus appellat, & hebdomadarios tam liber Pontificalis, tum idem Diaconus, tum omnia monumenta veterum, primam mentionem reperiri, quum Stephanus III. aut in eodem hoc Concilio, aut seorsim, decrevit: *Ut omni Dominico die a septem Episcopis Cardinalibus Hebdomadariis, qui in Ecclesia Salvatoris observant Missarum solennia, super altare B. Petri celebraretur. Quare omnium fere eruditorum opinio est, septem Cardinalium Episcoporum certam epocham hic stabilendam esse. Ego vero, qui nec doctissimi Cardinalis, neque adhaerentium illi eruditorum sententiam amplector, si-ve, ut melius dicam, Baronii observata, quæ perperam interpretantur eruditi, paravi expendere, non debui ante de Episcopis Cardinalibus loqui, quam ulla de iisdem mentio apud antiquos occurrat, eaque de re nullo prorsus exemplo ante Lateranense Concilium usus sum, quamquam multa, atque evidentia suppetant. Maximum certe incrementum honoris accessit Episcopis Cardinalibus hac Stephani III. concessione, quam rem S. Petrus Damiani ex eorum Collegio septemvirali Episcopus, suis Collegis exaggerat. Quibus solis, inquit, post Apostolicum sacrosanctum illud altare licet accedere, ac divini cultus mysteria celebrare: namque ceteris Cardinalibus id minime erat licitum absque peculiari Bulla Pontificis, ut animadvertit Mabillonius cum Amelio. Verum non quia Cardinales ea tantum occasione appellatos inveniamus, tunc dignitatem hujusmodi assequutos putandum est, quod & alibi de Hebdomadarii munere idem Mabillonius affirmat; Jam ergo, ajens, tunc usus invaluerat, ut septem illi Episcopi Cardinales, sua quisque hebdomada in Lateranensi Ecclesia sacris operarentur. Quidquid enim honoris accessit iisdem per Stephanum III. patet ex libro Pontificali, ut nempe Missam celebrarent super altare Divi Petri, & hymnum *Gloria in excelsis* dicerent. Ea propter Scriptori eruditissimo Disciplinæ veteris, & novæ non audien-*

S. Petri Da-
miani, l. 2. c. 1.

Commentar. in
Ord. Rom. c. 20.

Idem. cap. 4.

dum mihi videtur, docenti, quod septem Cardinalium Episcoporum institutio tribui possit Stephano III.; ex eoque tempore Episcopi Presbyteri, & Diaconi Cardinales in unum Collegium sint colligati, qui exinde Proceres Cleri in libro Pontificali appellari cœperint. Video enim in nostro Concilio Proceres Ecclesiæ, & cunctum Clerum non modo Presbyteris Cardinalibus, sed etiam Archidiacono, & Monachis Latinis, & Græcis posthaberi; pariterque video Procerum honore conspicuos in libro Pontificali Christophorum Primicerium Notariorum, & Sergium Secundicerium, qui nostro in Concilio sæpe memorantur (Christophorum præsertim, quia magnæ autoritatis eum fuisse in urbe Roma Blondus animadvertit) nec tamen fuisse Cardinales Primicerium, ac Secundicerium Notariorum Ordo Romanus testatur. Contra vero in Baronii sententiam eundem pedibus reor, qui Primate Cleri in libro Pontificali occurrentes interpretatur Cardinales, ita ut quum Christophorus Primicerius eodem in libro Pontificali congregasse dicitur in tribus fatis Sacerdotes, & Primate Cleri pro Stephani III. electione, tum Episcopos, tum Presbyteros, & Diaconos Cardinales congregasse credendus sit.

De Benef. p. 12.
l. 7. c. 116. n. 2.
& seqq.

Anstas, in A-
driano.

Anstas, in Sever-
ino.

Rectius, ut ego arbitror, de Episcoporum Cardinalium antiquitate hujusmodi rerum scientissimus Præsul Veronensis locutus est. Is enim loquens de Basilica S. Laurentii a Sancto Damaso constructa, & Titulorum urbis numero adjuncta, ut XXVIII. omnino fierent, conjicere sibi videtur posse, tametsi pro certo non affirmat, quod ab ipsis S. Damasi temporibus facta fuerit Septenaria ea divisio Presbyterorum Cardinalium, sive Titulorum pro quatuor Patriarchalium numero, præter Lateranensem; dum legit in libro Pontificali, S. Damasum constituisse, ut *Psalmos diu nocturne canerent per omnes Ecclesias: qui hoc præcepit Presbyteris, & Episcopis, vel Monasteriis*, ac proinde sicut quatuor aliis Patriarchalibus adscriptos fuisse septem Presbyteros est certo certius, ita Lateranensi septem Episcopos, qui Summi Pontificis lateri adhærerent, fuisse datos pro comperto habet, quibus S. Damasus Psalmodym præceperit. Quin etiam, quod de Presbyteris non facit, Episcopos ab ævo

IX.
Idem interpretatur
autoritate illius
chini Præfatis.

Anstas, tom. 3.
p. 37. & seqq.

Anst. in Sim-
plicio scilicet, 78.

Idem tom. 3.
pag. 176.

Mabillon, app.
ad Ord. Rom.
p. 86, 167.

Sancti Silvestri esse adscriptos Lateranensi Ecclesiæ, conjectura assequitur. Equidem tanti viri conjecturam pro lege habeo. At quoniam fortasse non omnibus libeat tantam Episcopis Cardinalibus antiquitatem tribuere; illam profecto Septenaria Presbyterorum Cardinalium divisione recentiorum nemo auit demonstrare, neque hanc dimidio quinto seculo juniorem quis faceret, quin S. Simplicius Papa constituit ad S. Petrum Apostolum, & ad S. Paulum Apostolum, & ad S. Laurentium Martyrem hebdomadas. Quare cum mox laudato doctissimo Præfule affirmare non dubito: *Hebdomadariam assignationem Episcoporum septem in Lateranensi, & Presbyterorum totidem in quatuor reliquis Patriarchalibus Basilicis Romanis primum, ut videtur rudimentum accepisse sub Damaso, & complementum obtinuisse a Simplicio*. Liberianam porro Patriarchalem silet Simplicius; quare aut jam inde fuerint adhibiti viciniorum Regionum Tituli, ut putat idem Præsul, aut aliquanto post, septem eidem Tituli sint adscripti, certe Notitiæ omnes veteres apud Joannem Diaconum, Panvinum, Baronium, septem & ipsi Presbyteros Titulares adscribunt. Quæ quum ita sint, recte contra secus docentes infert Mabillonius, quod si Stephanus III. hebdomadariis Episcopis laudatum privilegium concessit, usus igitur invaluerat hebdomadarii eorum muneris; quod confirmat, jampridem adscriptos eos esse Lateranensi Basilicæ, ac proinde, multo ante Stephanum III. Cardinales Episcopos eos fuisse; idem enim esse Cardinalem, & Ecclesiæ adscriptum, per prima Ecclesiæ secula quis ignorat? Sancti Gregorii epistolæ in Sardinia, aliisque Italiæ partibus Cardinales datos Ecclesiis testantur: extra Italiam quoque Cardinales Ecclesiarum reperire est. Id vero maximum semper discrimen fuit inter Cardinales externos, & Titulorum urbis, quod hi magnæ semper autoritatis fuerunt: quippe qui, ut testatur Joannes Diaconus in supra laudato loco; *Potestatem obtinent judicium faciendi super omnes Episcopos totius Romani Imperii in omnibus Conciliis, vel Synodis quibuscunque Legati, vel præsentēs affuerunt*. Regesque ipsi, ut hodie purpureum Galerum, Titulos petiisse inveniuntur; eorum vero, & nomen brevi interit, ita ut quemadmodum Papæ, & Pontificis nomen com-

commune olim Episcopis, uni postea Romano Pontifici relictum fuit, ita venerabile Cardinalium nomen unius Sacri Collegii privatum factum fuerit; autoritasque majora semper habuerit incrementa.

Hæc vero indicasse contentus adversus eos, qui Episcoporum Cardinalium epochem a Stephano III. deducunt, Baronii sententiam pro lubito interpretantes, ad Episcopum Cardinalem Ostiensem redeo, ut planum faciam, cur Episcopis omnibus præferatur in Concilio nostro Lateranensi. Quanta quanta fuerit Cardinalium Episcoporum autoritas, ante annum millesimum disciplinæ veteris Scriptor pluribus in locis observat, nulla eos unquam prærogativa Episcopis cæteris præstitisse in Conciliis, quod ipse nuper demonstrabam exemplo. Quamobrem Cardinalitia dignitas nihil Ostiensis profuit, ut Episcopis omnibus anteiret. Quin etiam singularis ea inter Italos Protothroni dignitas nullum in Lateranensi hoc Concilio habuit locum, erat enim Patriarchale; Lupus autem semel, iterumque docet, quod tam Orientis, quam Occidentis Protothroni *in sola Provincia sua Synodo habebant Sessionis prærogativam; in totius Dioceseos, aut Ecclesia conventu sedebant juxta ætatem consecrationis*, eorumque numero, ne dubitationi locus sit, Ostiensem accenset. Inde est, quod anno 826. in Concilio Eugenii II. sedit octavus post Ravennatensem, & 853. in Concilio Leonis IV. quintusdecimus. Quapropter omnibus ex prærogativis Ostiensis Episcopi nulla in Concilio isto habebat locum, præter communem Episcoporum omnium præstantiam, quæ erat consecrationis antiquitas. Hanc vero esse grandem negari non potest; nam Georgius, quandocumque successerit Theodoro, qui subscribit duobus Conciliis S. Zachariæ, annis 743. & 745., septemdecim ante annos, videlicet 752. Stephanum II. comitatus erat in Gallias. Quam cæteroque aliorum Episcoporum ætates multo minores fuisse, vel inde appareat, quod tres tantum ex iis, qui S. Pauli constitutioni anno 761. subscripserant, intersunt Concilio huic Lateranensi, Petrus Cærensis, Ado seu Adam Hortensis, & Gregorius Silvæ Candidæ. Constat præterea brevi tredecim mensium Constantini Pseudo-Pontificatu octo Episcopales Sedes va-

X.
Episcopi Cardinales servabant in Concilis rationem antiquitatis.

Diff. de Syn. Nic. cap. 9. & Schol. ad Can. 22. Conc. Chal.

casse, quarum Episcopos ab Intruso consecratos deponi oportuit eodem in Lateranensi Concilio. Ad Francorum vero Episcopos, quod spectat, quamquam Vulfranni ceteris antiquioris ætas certa non habeatur, eos tamen fuisse juniores Georgio testatur Lullus Moguntinus, quem ante annum 753., quum S. Bonifacius recessit ab ea Sede, consecratum esse nemo dixerit, velint licet non pauci ordinatum non esse Episcopum nisi 755. Hic vero post Vulfrannum ante alios omnes sedet. Quum tamen incredibile prorsus sit, ex novem, & triginta Italiæ Episcopis nullum ætate consecrationis majorem esse juniori Francorum Episcopo; ostenderimque alibi hoc datum Francis in Concilio isto ab Italis, quod iidem Itali a Francis obtinuerant in Arelatenſi primo, ut nempe simul juncti præſiderent; evidens inde est, quod præter ætatem, alia Georgius prærogativa Episcopis omnibus antecelluit.

XL.
Georgius O-
ficiis erat Le-
gatus & Sedis in
Francia.
Simond, Con-
cil. Gall.

Magna is quidem autoritate erat apud Francos Episco-
pos; nam Apostolica Legatione functus erat tum apud Re-
gem Pipinum, tum in Concilio Compendiensi an. 757. post
mortem S. Bonifacii celebrato. Apud Regem Legati mune-
re esse functum pro utroque Stephani III. Prædecessore,
Stephani II. & Paulo I. germanis Fratribus, horum literæ
fidem faciunt: *Direximus*, ait Stephanus in Embolo episto-
læ IV. ad Pipinum, *ad vestram Christianissimam excellentiam
presentem nostrum missum Georgium Reverentissimum, ac San-
ctissimum Fratrem, Coepiscopum nostrum*. Et epistola VI. ad
eundem: *Præsentes vero fidelissimos nostros, idest Georgium Re-
verentissimum, ac Sanctissimum Fratrem, & Coepiscopum no-
strum, atque Joannem Regionarium*. Et post mortem Step-
hani Legatum eundem mittens Paulus Pipino: *Præsentes*, ait,
*nostros missos, idest Reverentissimum Sanctissimum Fratrem, &
Coepiscopum nostrum Georgium, atque dilectum Filium nostrum
Stephanum Presbyterum*. Legati autem munere functum esse
in Concilio Compendiensi, potestatemque habuisse, ut nu-
per agebam de Cardinalibus Presbyteris cum Joanne Dia-
cono, *judicium faciendi super omnes Episcopos in Synodis qui-
buscunque*, testantur ejusdem Canones XI, XII, XIII, XVII.
& XVIII illius autoritate firmati. Nec tantum obid, &
ob

Steph. II. ep.
4. & 6.

Paulus ep. 2.

ob frequentem apud Regem Legationem celebris, ac proinde venerabilis erat Georgius apud Francorum Antistites; at quia diuturna ibidem Legatione cum iisdem est moratus; & , ni fallor, multi ex Episcopis, quorum Sedes a Laicis occupabantur, dignitasque ipsa conculcabatur, serio cum eodem egerant de iisdem instaurandis, disciplinamque extinctam, ac paulatim renascentem, ut antea S. Bonifacio, eodem postea doctore didicerant, quod laudati Canones Concilii Compendiensis a Georgio confirmati, clam esse non sinunt. Quid enimvero Sanctus Senior tamdiu in eo Regno ociosus moraretur? Anno siquidem 767. quum S. Paulus obiit supremum diem, adhuc debebat in Francia, indeque est, quod Constantini invasoris omnia scelestæ perpetrantis districta acie, infelix ordinator fuit Georgius Prænestinus. Si enim adfuisset, aut vim metuens, ut reliqui duo Consecratores, infandi sceleris compos fuisset, aut renuens, insidias & poenam, ut Primicerius, non declinasset. Inexploratum mihi est, num ante Pipini mortem Romam venerit, ut tollendo schismati cum aliis Episcopis, Presbyterisque Cardinalibus, Cleroque omni, & Optimatibus incumberet: id certum scio, quod intrusus Constantinus Pipini gratiam adepturus eidem scribens petit, ut Legatos Pauli Papæ dimittat Romam: *Excellentiam vestram petimus, ut jubeatis, christianissime, ac mitissime Rex, inspiratus a Deo ad nos absolvere revertendum Sanctissimum Fratrem nostrum Georgium Episcopum, atque dilectos filios nostros Marinum, & Petrum Presbyteros, qui ad vestram Præcellentiam a nostro Prædecessore Paulo Papa directi sunt.*

Cod. Carol. ep.
99.

Hanc profecto esse rationem potissimam intelligo, cur Georgius Francorum Episcopis anteciret. Hi enim Italici præsedere officio, non jure: Georgium vero, quem tanta conspicuum dignitate in Francia viderant, quique insuper consecrationis ætate omnium haud dubie antiquissimus erat, ac proinde omnibus jure suo præferri debebat, officio ut ieor certantes, sibi postponi noluerunt. Quamobrem Ostiensem Episcopum nulla e suæ Sedis prærogativa, nec nova Stephani III. Legatione conspicuum primo post Archiepiscopos loco sedisse conjicio, sed ultro Episcopis Francis concedentibus

XII.
Ob id episcopis
omnibus est præ-
latus.

bus Doctōri , ac Patri suo , sedem Episcoporum principem tenuisse . Quumque jam absolverim , quæ sum pollicitus , de Ravennatenſi , & Ostienſi Sedibus , reſtat nunc , ut de antiquatis dicam aliquid , quod tertium promiſi ; ne quum Franciæ ſingulas perluftraverim , Italiæ noſtræ illas præteream , quæ , quia aut noſtra , aut ſeniorum memoria , minime extabant , ut Caſtrenſis ad Sedem Aquæpendentis tranſlata evoluto ſeculo , Concilium Lateranenſe aliqua ex parte inter vetuſtatis tenebras relictum eſſe perſuaderent . Urbes igitur Episcopales antiquatæ , quarum Præſules Concilio Lateranenſi interfuerunt , ſunt omnino tredecim , quas ego juxta Concilii ordinem enumerabo : *Tuſcania , Populonium , Luna , Cære , Polimartium , Centumcellæ , tres Tabernæ , Privernum , Trebia , Manturanum , Silva Candida , Gaſſefium Caſtrum , & Velitræ* . Harum aliquot hodie etiam celebres , magnique eſſe nominis compertum eſt , at quia dignitatem Episcopalem aut iude tranſlatam , aut unitam alii , amiſerunt , inſtituti mei erit , quare , & quando ea dignitate exciderint , indicare ; attamen memoria teneatur velim , me non Topographum gerere , ſed monumenti veteris editorem .

XIII.
Tuſcana , ſeu
Tuſcanella unita
Viterbienſi .

De Viterbienſibus Episcopis acturus Ughellus ſupervacuo ſe velle labori ſuperſedere ait , quia ſua ætate Petrus Coretinus Civis Viterbienſis hoc ſibi grave munus deſumſerat , ac proinde præ aliis aliorum ſententiis duas , & quidem dubitanter , in medium aſſert : eorum videlicet , qui ad Episcopalem dignitatem eveſtam eſſe ajunt Viterbii Civitatem a Clemente III. anno 1189. quum unitæ eidem ſunt Bleda , ſeu Blera , urbs in libro Pontificali celebris ob Langobardorum inſaſionem , Tuſcanella , & Centumcellæ ; & eorum , qui dignatam Sede Episcopali autumant 1191. a Cæleſtino III. Utramque autem opinionem manifeſte falſam , demonſtrat Ughellus , docentibus quibuſdam documentis , ab anno 1106. Paſchali ſecundo Pontifice , inveniri ſubſcriptos & Tuſcanellæ , & Viterbii Episcopos . Quare Viterbienſis Sedis antiquitate vindicata , eidem poſtea junctas eſſe ait dirutarum Civitatum Tuſcanellæ , Bleræ , ac Centumcellarum Episcopalia jura , duodecimo ſeculo exeunte , ut laudati apud eum Scriptores tradunt , ſecus hodie res habet ; nam V. C. Fran-

Franciscus Marianus Vaticanæ Basilicæ Beneficiatus, & Bibliothecæ Scriptor Græcus, in patriæ suæ obsequium paucis ante annis opus eruditissimum evulgavit, in quo Tuscanellum a Tuscania distinguit. Quæ viri eruditissimi opinio si arrideat, deponenda erit, quam jampridem imbibimus; Viterbium videlicet modo oppidum, modo civitatem in libro Pontificali appellatam, fuisse olim vicum, fortasse ubi erat Fanum Voltumnæ: credendumque, quod Viterbium & Tuscania, una eademque civitas duplici appellata nomine, longe alia fuerit a Tuscanella excisa. Tantæ ego quæstionis non ero judex: id tantum indicasse satis mihi est, ut Tuscaniæ Sedem in Concilio Lateranensi memoratam jure a me recenseri inter antiquatas ostenderem; veteri opinione ducto; simulque eruditum Viri Cl. conatum suaderem expendi, ut vel antiquitas Viterbiensis asseratur, ac proinde Tuscaniensem Sedem ad nostra tempora protrahendam, Viterbiensis nomine, judicaretur; seu institutio Viterbiensis recentior existimeretur, adeoque Tuscaniam, & Tuscanellam vocum similitudine unam eandemque urbem Episcopalem esse, cujus Antistes nostro Concilio interfuit, excisam postea, ut dixi, & Viterbiensi jam gliscenti adjunctam, juxta opinionem veterem, censeatur. Meam tamen opinionem subjiciam, venia prius ab eruditissimo viro impetrata. Video Sedem Tuscanensem appellari apud veteres, & in Conciliis, Tuscanensem, Tuscaniensem, Tuscanæ, ut in nostro, & Tuscaniæ; numquam vero Tuscanellæ, Tuscanellensem, &c. juxta recens factum nomen ei loco, præterquam in Bulla Sancti Cœlestini V. tum apud Ughellum, tum apud eundem V. C. pag. 239. quando id nomen jam invaluerat: *Cœlestinus Papa III. Prædecessor noster Viterbiensem, Tuscanell. Centumicellens. & Bledanen. Ecclesias univit &c.* Hinc tamen non duo civitatum nomina deduco; at ex antiquis Tuscanæ ruderibus excitatum oppidulum, non, prisca instar nominis, Tuscaniam ob casarum exiguitatem, at Tuscanellum appellari coëptum, quod postea amplificatum retinuit, pro certo habeo: ut si hodie pristinam recuperaret dignitatem, Tuscanellenses, non Tuscanienses ejus Antistites vocarentur. Qui autem Tuscanenses appellaret, S. Cœlestinum imitaretur, qui postquam Tuscan-

Ughell. no. 1.
de Viterb. Epp.

- X IV.
Sedes Episcop.
Populoniz, in
Mala.

Geogr. Sacr.

S. Greg. M.
lib. 1. ep. 15.

nellensem appellavit eam Sedem, prosequitur: *Clerus, & populus Thuscensis... Episcopo Viterbiensi, & Thuscensi.*

Populonium, seu Populonium, non Polonium, ut corrupte legitur in nostro Codice, antiquissimam urbem Episcopalem, cujus Praeful Asellus subscribat Concilio tertio Symmachi, esse unitam Cathedrali Massæ non ignoratur. De tempore tantum lis est: nam Ughellus, S. Gregorii Magni autoritate motus Populonii excidium ab ævo ejusdem Gregorii videtur repetere, & cum ejus excidio dignitatis Episcopalis translationem conjungere, at quum faciat Carolum Magnum antiquiorem Gregorio, non est illi audiendum. Præterea Gregorius non urbis excidium, at silentium Episcoporum, dolet. Verba Gregorii ad Rosellanum Episcopum, sunt: *Pervenit ad nos, quod Populensis Ecclesia ita sit Sacerdotis officio destituta, ut nec penitentia decedentibus ibidem, nec baptisma possit præstari infantibus..... Memorata Ecclesia visitator accedas, ut unum Cardinalem illic Presbyterum, & duos debeas Diacones ordinare.* Quamobrem falso appellatur testis Gregorius excidii a Langobardis inlata Populoniz post S. Cerboni excessum, falsoque translatio Episcopalis assertitur, ita tamen ut Massensis Antistes ad multos annos Populoniz titulum præstulerit. Quod quam verum sit Annales Bertiniani testantur, qui anno 809. habent: *In Tuscia Populonium Civitas maritima a Gracis, qui Oroboita vocantur, deprædatis est.* At fuerit etiam excisa, dignitasque Episcopalis ab ineunte nono seculo translata fuerit Massam, non idcirco diuturnum Episcopale silentium ab ævo S. Gregorii Magni usque ad annum 680. (quum Serenus Populoniz Antistes subscibat Agathonis epistolæ) a Langobardicæ infestationis ingenio ita abhorret, ut Episcopalem inde dignitatem omnino ablatam judicemus. Equidem documentis carens concertationem Scriptorum non ausim definire; attamen id observo, quod quamquam nono ineunte seculo a Pipino Caroli Magni filio, seu ab hujus filio Bernardo aliquanto serius, pro aliis aliorum sententiis, Populonia excisa fuerit; Episcopi tamen Populoniz nomen retinent usque ad annum 1126. quum Rotlandus antea Populonien. Honori II. Diplomati subscribit Massen. Episcopus; indeque nullum amplius Po-

Populonii nomen auditur . Quare obvium creditu mihi videtur, quod Populonienſes Epiſcopi iterum excitati poſt tempora Gregorii Magni, ea in urbe perſiſterint uſque ad ejus excidium nono ſeculo : inde vero uſque ad duodecimum, quum ſedebat Rotlandus, qui Vaſtellenſi Concilio ſub Paſchali II. anno 1106. ſubſcribit Epiſcopus Populoniz, & viginti poſt annos Bullæ cuidam Honorii II. ſubſcribit Maſſenſis, conſeſſiſſe in urbe Maſſa, at Populoniz jura non eſſe Maſſam, translata ante hunc Rotlandum, eo viginti annorum ſpatio, qui inter 1106. & 1126. intercedit.

Non minus obſcura translatio Cathedræ Lunenſis Sarzanam. Lunæ ſiquidem excidium Blondus, Albertus, Ughellus, quo anno factum ſit, non referunt. Volaterranus inſuper, quem Ughellus ſequitur, ex Lunæ ruderibus Sarzanæ oppidum creviſſe nos docet. Omnium opiniones Anonymus Mediolanenſis eruditiffimus ad trutinam revocat: cum Annalibus Bertinianis oſtendit Lunam a Mauris, & Saracenis anno 849. vaſtari non everti; Holſtenii, & Arduini de everſione Lunenſi a Nortmannis facta opinionem eludit; Sergiano, ſeu Sarzanæ ſuam antiquitatem reſtituit, Lunæque vitam contra Deſiderianum edictum producit; utramque urbem diu ſimul perſiſtiſſe oſtendit; creviſſe Sarzanam ex Lunenſi illuc Epiſcopio translato, non ex Lunæ ruinis concludit. Translatio vero Epiſcopatus ex Cathedra S. Baſilii Lunenſi ad Cathedram S. Andræ Sarzanam, facta a Waltero Epiſcopo, Innocentii III. autoritate, anno 1204. comprobatur ab Ughello ex Regeſto Vaticano ep. 24. fol. 116. VIII. Cal. Apr. anno VII.

Quartam inter Sedes Epiſcopales antiquatas numeravi Cærenſem. Urbs Cære antiquiſſima, quæ a conditoribus Pe-laſgis Agylla dicebatur, & a Scriptoribus fere omnibus inter duodecim Principales recenſetur, vulgo hodie Cervetri, Cathedram Epiſcopalem habuit, eamque diuturnam, ut conſtat ex Diplomate Joannis XIX. ab Ughello in Epiſcopis Silvæ Candidæ producto, cui ſubſcribit *Benedictus Epiſcopus Cærenſis*. Quando autem inſtituta, aut antiquata ea fuerit quærendum aliis relinquo. Secus eſt de Cathedra *Polimartii*, quam Carolus a S. Paulo unitam Ferentinæ eſſe conjecit

XV.
Cathedra Lu-
nenſis in Sarza-
na.

Scripto. Ferſ.
to. v. Tab. Chro-
nog. Col. 202.

XVI.
Sedes Epp. Cæ-
renſis, & Poli-
martii.

ex Concilio Lateranensi Martini I. anno 649. celebrato, ei enim subscribit Bonitus, *Ferentispolimartianum* se appellans. At quum Carolus septimum suæ Geographiæ seculum pro limite constituerit, quæ post sextum evenere, parum diligens indagavit; ac proinde Anonymus Mediolanensis parum inde lucis habere potuit. Auctor Ughelli diligentius rem persequitur, septem Polimartii prolatis Episcopis: 1. Bonito. 2. Barbatiano, qui subscribit epistolæ Agathonis anno 680. 3. Majorino ex Concilio Romano 721. 4. Joanne ex Concilio item Romano 743. 5. Agatho, seu Agathone ex Concilio Rom. Eugenii II. 826. 6. Marino, qui de mandato Agapeti II. præfuit Concilio Engelenheimensi an. 948. & Ughellus de Constantino Portuensis agens, restatur, quod *Marinus Polimartiensis Episcopus*, & *S. Sedis Bibliothecarius* 956. sub Joanne XII. invenitur subscriptus: 7. demum Lamberto, qui adfuit Concilio Romano Benedicti VIII. an. 1015. Unde liquet, Polimartiensem Sedem ante annum millesimum nulli unitam fuisse, contra opinionem Caroli a S. Paulo. Postea vero, ut idem Auctor, seu Continuator Ughelli nos docet, jure esse cepit Balneoregionensis Episcopi.

Ughell. to. 1.
pag. 134

XVII.
Sedes Epy. Centumcell. Trium Tabern. & Pri-
vati.

Centumcellarum Cathedram gliscenti Viterbiensi unitam esse una cum Blera, & Tuscanella supra vidimus cum Ughello per duodecimum seculum. Verum non continuo postquam excisa est urbs ista, ejus Episcoporum silentium cœpit; nam ante annum ædificatæ novæ urbis a Leone IV. quam Leopoli appellavit, nempe 854. Dominicus Centumcellensis subscribebat Romano Concilio. Eaque propter Anonymus Mediolanensis, qui majorem ejus antiquitatem acceptam refert Carolo a S. Paulo, dum Adriani tantum ætatem commemorat, subditque Maurorum vastationem ex Annalibus Bertinianis an. 813. videtur non recte credidisse, inde Episcopalis dignitatis suppressæ ætatem desumi: nam omnium primus Cælestinus III. eam univit Viterbiensi, excurrente seculo duodecimo, ut dictum fuit. Aliquanto diversam videre est Trium Tabernarum Sedis historiam; ea quippe semel, & iterum Veliternensi est adjuncta. Primum enim Sanctus Gregorius Magnus Langobardorum furore vastatam urbem addidit Veliternensi, ut Continuator Ughelli ex S. Pon-

Tab. Chronogr.
col. 219a

tificis epistola observat. Deinde pristino decori restituta, suos habuit Episcopos, Parvum videlicet, qui subscribit Constituto Pauli I. Pinium, qui nostro interest Concilio, & post annos 56. reperitur Leoninus in Concilio Eugenii II. Anastasius in Concilio Leonis IV. 853. ejusque Successor Joannes, qui subscribit in Concilio Romano anno 868. condemnationi Pseudo-Synodi Constantinopolitanæ Photii. Deinde vero omnis Trium Tabernarum Episcoporum memoria evanescit, ut ait idem Continuator, civitate ob Barbarorum sævitiam eversa, rediitque ea Sedes ad Veliternensis jura, ut a Gregorio Magno fuerat constitutum. De Sede Privernensi nil nisi tenebris obvolutum: nam ante seculum septimum fuerit, necne Episcopalis, quum a Carolo a S. Paulo sileatur, incertum; post ea tempora hæc testatur Ughellus de Tarracinenfibus Episcopis loquens: *Privernum Episcopali dignitate ornatum, licet injuria temporum Episcoporum suorum memoria obliviscatur, inveterata apud omnes confirmat sententia, tres antiquos Priverni Episcopos in variis Conciliis subscriptos reperiri, Eleutherium scilicet anno 826. sub Eugenio II. Majum sub Leone IV. anno 853. Benedictum in Concilio sub Joanne XV. 988. aliorum vero Priverni Episcoporum omnis memoria excidit. Ecce itaque Ughello ex majori antiquitate, septem videlicet, & quinquaginta ante annis, nostrum Bonifam Episcopum, qui tres ab eo allatos præit: haud dubie alios proferet ætas. Quo vero tempore, prolequitur, hæc Ecclesia cum Tarracinenf. unita fuerit, nil certi afferri potest; quum illius unionis tantummodo in Honorii III. Diplomate anno 1217. mentio reperiatur.*

Ital. Sac. to. 1.
col. 296.

Quam nono loco examinandam proposui ex antiquariis Sedibus, Trebia est, seu Treba, ut eam vocant Ptolomæus, & noster Codex, vulgo *Trevi* non ignobile oppidum, eaque, ut videtur, ex antiquioribus; namque hujus Sedis Præsul Propinquus, quod animadvertit Carolus a S. Paulo, subscribit Synodo V. sub Symmacho, & ante eum Constantinus alii Romanæ Synodo interfuit sub Felice. Continuator Ughelli Episcopos omnino septem enumerat Romanis in Conciliis notos; quorum extremi Paulus & Crescentius apud Baronium, & Holstenium in Eugenii II. & Leonis IV. Conciliis subscribunt: post annum vero 1059. nullam ejus Sedis

XVIII.
Scd. Ep. Treb.
notus Spoletu.
M. J. J. J. J. J. J.

Præfulum memoriam occurrere idem Continuator testatur; subesse enim cepit Spoletano Antistiti. Manturanensis, seu Manturianensis in Tuscia Sedis nomen ipsum aucupatur Carolus a S. Paulo ex literis Ludovici I. Imperatoris, utiturque autore Antonino Massa in libro de Faliscis: Reparatum vero, quem subscribere ait Concilio Lateranensi sub Martino I. animadvertit Continuator Ughelli non Manturani Tusciae, sed Marturani in Brutiis fuisse Episcopum. Venia est tamen Carolo adhibenda, quoties præscriptos sibi limites prætervehitur. Cæterum ab acerrimo sex priorum Ecclesiarum seculorum vindice nullum antiquiorem Manturani Episcopum dimidio seculo septimo inventum esse, eique Manturani Sedem controversi, argumentum est minime dubium, quod series Episcoporum ejus Sedis exigua sit. Tres ibi Præsules sedisse negari non potest: Bonum, qui Concilio huic Stephani III. adfuit, Theodosium, qui Romano Concilio Eugenii II. & Theodorum, qui Romano item Concilio Leonis IV. subscripsit. Ii vero omnes Manturanenses, seu Manturianenses, non Maturanenses nuncupantur, ut Anonymus Mediolanensis in Ludoviciana, & in Geographia Sacra se legisse testatur. At Geographiam Sacram non vidit puram, putantque, ut Carolus a S. Paulo eam vulgavit; nec mirum est, Holstenium mutasse nomina, etenim Maturanum is cum Barbarano unum, idemque oppidum esse putat prope Viterbium, seu 15. m. passuum in austrum, ut Anonymus notat. Locum pariter Anastasii producens Anonymus, Maturianense Castrum scribit perperam; nam præter editionem Conciliorum Surianam, omnes Anastasii Codices legunt Manturianense, sive Mantuarianense. Manturanum vero oppidum an fuerit Barbaranum, quod Anonymus cum Holstenio contendunt, & eruditissimus Viterbiensis negat, definiendum aliis relinquo: ac proinde an Manturanum idem sit, unde & Episcopus Dominus in Pauli constituto subscriptus invenitur; neque me pudet peregrinari in Italia.

Tab Chronogr.
num. 84.

Martian. Eccl.
Metrop. p. 249.

XIX.
Sedes Episcop.
Castri Galliesi
unita Civit. Ca.
Stellana.

Qui vocatur in Codice Episcopus Gallis, (de Silva Candida dicam postremo loco) haud dubie Galliesi Castri est habendus, Donati videlicet Gallensis, & Dominici Gallienis Prædecessor, qui Conciliis Romanis Eugenii II. & Leo-

nis IV. interfuerunt, ut Baronius, & Holstenius fidem faciunt. Nam ut dissidia præteream cruditorum, num Galliese cum Anouymo Ravennate, an Gallese nunc temporis recte audiat, Gallefium in Ludoviciana, Gallienfium, & Gallientium in libro Pontificali passim vocari comperio, & quod cominus lectionem attingit nostri Codicis, *Gallenfium* in celeberrimo Farnesiano Codice nuncupatur. Hinc vero advenisse Præsulem ad Concilium, certo certius mihi est, nam multis ante annis Gregorius III. id Castrum redemerat a Spoletino Duce Trasimundo, ut cessarent bella & quæstiones, potuitque causa finire, ait liber Pontificalis. Hanc vero Sedem Episcopalem non esse admodum antiquam ait Continuator Ughelli, quippe quam emerisse putat ex Romani Imperii excidio, ac per sextum seculum ad Episcopalem honorem pervenisse, cuius rei fidem apud eum relinquo. Ejus modo jura ad civitatis Castellanae Præsules pertinent, ut docet Massa de rebus Faliscorum, unde Miræus, & Ughellus hauserunt sua. Alexander siquidem quartus an. 1252. prædictæ Sedi Gallefiam adjunxit, cui sic unita perstitit amplius trecentis annis, quoad Pius IV. anno 1562. utramque, invicem segregavit, suum Gallefiæ Præsulem tribuens, at septem post annos ob inopiam, Castellanae iterum civitati adjungi eam oportuit.

Postremam omnium Sedium, quas dixi, aut dignitate pristina excidisse, aut, si existunt, aliis esse adjunctas Ecclesiis, ordo considentium in Concilio Episcoporum facit Velitras. Hæc vero non modo inter antiquatas recenseri non debet, verum etiam præcipuis Episcoporum Sedibus anteferi. Etenim post excidium Ostiæ, ne hujus Episcopus, Sacri nimirum Collegii Em. Decanus careret ovibus, ab Eugenio III. Veliternensis Cathedra, perpetuo juncta vinculo cum Ostiensi, commissæ eidem est dimidio seculo duodecimo. Verum ante annos triginta, quam Velitræ Ostiensi Episcopatu adjungerentur, Calistus II. Ecclesiam Silvæ Candide a Saracenis everfam, deinde a Sergio III. instauratam, at frequentes ob Barbarorum invasiones vacuum incolis, Portuensi adjunxerat, utriusque juribus, ac privilegiis uni Episcopo communicatis, ut nostra ætas nos docet. Hinc autem,

Bar. 226. 227.
Holl. coll. Rom.
pag. 90 & 116.
P. 50

Anast. 68.
209.

XX.
Veliternensis
adjuncta Ostien-
si, & S. Rufini
Portuensi.

ab

ab anno videlicet conjunctæ Ecclesiæ S. Rufinæ , seu Silvæ Candidæ cum Portuensi , 1120. numerus septem Cardinalium Episcoporum , primum repetendus a Concilii hujus Lateranensis ævo , ad sex dumtaxat cœpit redigi , quemadmodum usque ad hunc diem perseveravit. Hæc præcipua ratio est , cur Silvam Candidam post Sedes alias antiquatas recensere volui ; quamvis hujus vices præverint narratis Ostiensis. Etenim , præterquamquod Ostiensis principem semper locum ob veterem prærogativam conservavit , ideoque operæ pretium erat gradu inferiorem Sedem illi postponere , quam Sanctissimus Dominus noster Clemens XII. in laudato Diplomate , quo ceterarum quinque Sedium Cardinales Episcopi prohibentur optare , prærogativæ ejusdem causa excepit ; quum laudatæ Cardinalium Episcoporum Sedes , post unionem Silvæ Candidæ cum Portuensi , sex esse cœperint , tantæ mutationis epocham stabiliendam duxi seorsim ab antiquatarum Sedium sermone , quarum vices minus ad Concilium Lateranense pertinent . Quamobrem septem Episcopi Cardinales , & Hebdomadarii Lateranenses , de quibus juxta Baronium , prima mentio est Concilii nostri tempore ; tametsi eorum institutio repetenda videatur a primordiis tranquillitatis Ecclesiæ per Constantinum redditæ , usque ad annum 1120. numero pauciores nunquam fuerunt . Inde vero sex dumtaxat a Callisto II. constituti , ad nostram ætatem perseverarunt : quumque eadem sex Emin. Cardd. Episcoporum Sedes , prisco more alium deinceps aliumque ordinem sint habituræ , quemnam habeant , dum scribo , dicam posteris necesse est. Hodie igitur Emm. Cardinalium Sedes ita sunt dispositæ . I. *Ostiensis* , & *Veliternensis* . II. *Portuensis alias S. Hippolyti* , & *Silvæ Candidæ* , seu *S. Rufinæ* , & *Secundæ* . III. *Prænestina* . IV. *Sabina* . V. *Albana* . VI. *Tusculana* .

*Nomina duo, & quinquaginta Episcoporum, qui
adfuērunt Concilio Lateranensi.*

QUum de Provinciis, Sedibusque Antistitum, quos Stephanus III. tum ex Francorum regionibus, tum ex
S. Sergius Archiepiscopus Ravennas
venit.
 Tuscia atque Campania, & ex Provincia Italia congregavit Romæ, quæ necessaria erant, pro meo modulo explicaverim; restat nunc, ut de eorum omnium nominibus aliquid dicendum videatur. Quod libenti animo præstabo, ne, quum decem fere seculis majores nostros latuerint, jamdemum prodeuntia in lucem, nuda, omnique prorsus ornatu vacua, parum grata sint earundem Sedium Episcoporum Successoribus. Illorum itaque initurus gratiam, qui excitorum Antistitum Sedes tenent in maxima Ecclesiæ rerum tranquillitate, quidquid de iisdem didici in medium afferam. *Joanne Ven. Diacono Sanctæ Ecclesiæ Ravennatis locum præsentante SERGII...* De Sergii Archiepiscopi electione & vicibus sum loquutus superiori capite. Electionem nimirum illigavi cum Bacchino anno 752. dum civitas Metropolis ab Julio mense superioris anni ab Aistulpho Longobardorum Rege occupabatur, exactis Exarchis. Ibi etiam exulem a propria Sede, Summique Pontificis beneficio reducem memoravi. Cæterum is ex Laico ad Archiepiscopalem dignitatem evectus prædicto anno, redeunte post biennium ex Francia Stephano II. invidia suorum civium deductus est Romam, ubi tribus annis implicitus litibus moratus est. Deinde sedente jam Paulo Ravennam rediit; in suam vero Sedem nonnisi sero est restitutus. Præcipuum ejus crimen, quod in Concilio ausus est illi obijcere Pseudo-Papa Constantinus, quia electus erat ex laico. Uxorem habuit Euphemiam nobilissimam feminam, quam ad id fastigium evectus in monasterio clausam ordinavit Diaconissam. Vir pius, sanctisque moribus (de quo schismaticus Agnellus multa confinxit) paulo post Concilium Lateranense occubuit mortem, ut refert liber Pontificalis, ipso nimirum an-

N

no

no 769. vel sequenti, ut putat Ughellus, cujus Chronologia non semper exacta. Ad Concilium evocatus, valetudine, ut arbitror, laborans non potuit per se venire, at Diacono Joanni suis demandatis vicibus, in S. Sedis obsequium duos ex Suffraganeis, Casenatem, & Faventinum Episcopos misit. Primum post Pontificem locum habet in Concilio ob Ravennatis Ecclesiæ privilegium, de quo superiori capite.

II.
3. Willicarius
Archiepiscopus
Senonensis.

VVILCARIO Archiepiscopo Provincia Galliarum Vicus-
sensis. Dimidium nominis tempus edax nequicquam absum-
sit; nam, præterquamquod in Schedis Panvini illud legit
integrum Simondus, hoc eodem in Concilio occurrit ite-
rum, dum e manibus Primicerii Notariorum accepta inva-
sionis Apostolicæ Sedis Acta, tradidit legenda Leontio Scri-
niario uni e septem Diaconis Regionariis. Ipsum Sedis no-
men mirum in modum corrupte scribitur; non quod *Senen-
sis*, pro *Senonensis*, legatur; tota siquidem in Flodoardi his-
toria, quod observat Colvenerius, (*Schol. libr. 3. cap. 1.*)
Sennenfis semper legitur, perindeque in Catalogo Ms. Epi-
scoporum totius orbis apud eum; ita etiam Aimoini conti-
nuator (*libr. 5. cap. 33.*) & Annales Bertiniani (*anno 876.*)
quos ego viderim, præter epistolam S. Zachariæ (*Cod. Bo-
nif. 143.*) *Senensem*, & *Sennis*, pro *Senonensem*, & *Senones*, Ar-
chiepiscopum, & urbem appellant: sed ob viciatam illam addi-
tionem *Vici*, quod Senonum civitati adjunctum, per se ra-
rum, citra leges grammaticæ scriptum fuit. Cæterum Wil-
licarius successit in Sede Senonensi Episcopo Lupo post an-
num 765. al. 762. ut testatur conventus Artiniacensis eo
anno celebratus, cui subscribit Lupus Episcopus Senonensis.
Hic, ut docet nova editio auctior, & correctior Sammar-
thanorum, advexit in Senonensem suam Ecclesiam ex mo-
nasterio Agaunensi in Valleis, sacra pignora Thebeorum
Martyrum, rediensque ab hoc Lateranensi Concilio in Gal-
lias ipso celebrationis anno 769. e vivis ademptus in Sancti
Petri Ecclesia tumulatur. Diu anceps fui, num Willica-
rius iste esset Numentanus Episcopus, qui comitatus
est in Franciam Stephanum II. cum Georgio Ostiensi; at
quum videam in Annalibus Francorum Willicarii, Williha-
rii, aut Wilcharii nomina non semel occurrere, celebre
esse

esse intelligo id nomen per ea tempora in Italia, & in Galliis.

GEORGIO Episcopo Ostiensis. Primum hunc Episcopum Cardinalem Ostiensem (vulgarem sequar opinionem, superiori enim capite ostendi longe altius ab ætate Georgii repetenda esse Cardinalium Episcoporum primordia) ignoravit Ughellus: at ejus Continuator novit viæ comitem cum Williaro Numentano fuisse Stephano II. in Franciam cuncti anno 753. quod Baronius, cæterique didicerunt ex libro Pontificali. Falso autem Ughellus autoritate Baronii cum confundit cum Gregorio Georgii Successore, qui legatione fungens Adriani Papæ anno 787. præfedit una cum Collega Theophilasto Episcopo Tudertino Concilio Calchutenfi; nam Baronius libri Pontificalis verba exscribens, Georgium, non Gregorium appellat. De ejus ordinatione, & morte nihil exploratum habeo; at certe ante annum 753. erat Episcopus, & Concilii hujus ætatem præterit. Ejus legationes pro Apostolica Sede, & res prælate gestas enarravi superiori capite.

III.
Georgius
Episcopus
Cardinalis Ostiensis.

BULFERAMO Episcopo Melensis. Codex in barbarie persistens appellat Bulferamum, quem in Catalogo Melden- sium Episcoporum apud Sammarthanos, & in Conventu At- tiniacensi Vulfrannum novimus nuncupari: Eundem cum aliis undecim Francorum Episcopis venisse Romam hucusque ignoravimus: nam Sirmondus, cui omnes acceptum referimus, quod Francorum Episcopi emerferint ante Italos, in Schedis Panvini id nomen non legit. Quin etiam, siquid liceat de tanto viro suspicari, Suffraganeis admixtos Metropoleon- urbium Episcopos, ipsemet segregavit; atque ita transmisit posteris alium omnino ordinem ab illo, qui in nostro Co- dice servatur integer, deditque mihi occasionem hac de re scribendi. At præstat utrumque hic subijcere.

IV.
Vulfrannus
Episcopus Mel-
densis.

Sirmondus.

Codex.

Willicarius Senonensis.
Lullus Moguntinus.
Gavienus Turonensis.
Addo Lugdunensis.

Wilcharius Senon.
Georgius Ostien.
Bulferamus Melden.
Lullus Moguntin.

N 2

Her-

Herminardus Bituricensis.	Gaviennus Turonen.
Daniel Narbonensis.	Ado Lugdunen.
Tilpinus Remensis.	Hermynarius Bituricen.
Herulfus Lingonensis.	Daniel Narbonen.
Herembertus	Hermembertus Joahione.
Babulfus	Verabulpus Burte vulgi.
Giselbertus	Erlulfus Lingonice.
Joseph	Tilpinus Remen.
	Giselbertus Noviomen.

Vel leviter spectanti mutatio aperta est, cujuscumque ea fuerit: at Panyinum Veronensem latitantem in patria veritatem oculuuisse, vix crediderim.

V.
Lullus Episcopus
Moguntinus.

LULLO Episcopo Moguntino. Lul sæpius; quam Lullum nominari hunc Episcopum docent Codex Bonifacianus, & Tomi Conciliorum, ut notat in Scholiis ad Flodoardum Colvenerius. De ejus ordinatione communis opinio est, S. Zachariam primo improbasse S. Bonifacii petitionem, de Successore Moguntia ordinando, ut constat ex ejus literis, at postea assensum dedisse, ubi ait: (*Cod. Bonif. ep. 140.*) *Sin vero si Dominus dederit, juxta tuam petitionem, hominem perfectum, qui possit sollicitudinem habere, & curam pro salute animarum pro tua persona illum ordinabis Episcopum, erisque in Evangelio tibi credito, & ministerio Christi portando in omni loco requirens, & confortans Ecclesiam Dei.* Et sane cum Othlono, & Willibaldo eruditi Recentiores, præque iis Serarius affirmant, ordinatum esse Lullum, accedente Pipini Regis assensu. At quoniam in literis Zachariae nulla de eo mentio est, quem cæteroqui S. Pontifex probe norat, tanquam discipulum, & Presbyterum Bonifacii, cujus aliquando legatum gessit apud S. Sedem, non est mirum, si viginti post annos dubia, ut vidimus, ordinationis visus est. Adriano; namque Episcopali contentus ordinatione Pallium, nec quaesierat, nec obtinuerat. Quamobrem licet Moguntina Sedes ab an. 745. Metropolis dignitatem adepta erat, post secessionem S. Bonifacii an. 753. quum Lullus est ordinatus Episcopus, usque ad Adriani tempora, cæterarum Gallia Metropoleon sortem est imitata; quidquid Hincmarus nepotem deceat, Pallii concessionem fuisse genus Primatiae, qua de
re

re alibi fufius . Ad Lullum , quod attinet , Attiniacenfi & is Conventui adfuit , ejufque ministerio , ut conftat ex Annalibus Circuli Weftfalici , (*libr. 2. pag. 87.*) Widechindus Dux Saxonum baptifini gratiam percepit an. 785. & anno fequenti , ut refert Chronicon Wirtzburgenfe (*Baluz. to. 1. Mifcel.*) die 16. Octobris mortem occubuit . Sedit , ut tradunt Annales Lambeciani , poft Bonifacium Moguntie annos 32. Archiepifcopali autem dignitate annis circiter undecim gavifus eft. *Mabillon. fec. 3. p. 2. pag. 392. Pag. ann. 753. & 786. Serar. in vita Lul.*

GAVIENNO *Epifcopo Torenorum* . Præter difcrimenominis , Gavienni videlicet in noftro Codice , & Gavieni in Schedis Panvini , de hoc Lugdunenſis III. urbis Metropolis Antiftite nihil fuppetit . Perinde eft de **ADONE** *Epifcopo Lugdonenſi* ; nam omnes Catalogi apud Sammarthanos laudantur pro afferendo ejus nomine , Ado etiam Viennenſis appellatur teſtis ad an. 792. at nihil de rebus geſtis , præter adventum ad Lateranenſe Concilium memoratur . De **HERMINARIO** *Epifcopo Vethorica* , ſeu Bituricenſi , id novimus , quod hic Epifcopus urbis Metropolitanæ in Aquitania I. , aliis etiam Hermenardus , & Hermenarius , vitam produxit uſque ad annum 774. a Sammarthanis edocti , qui dant ei Succefforem Deodatum uſque ad 783. cujus de Succeffore Hermemberto jam diximus ſecundo capite , quum de confirmata per S. Pallium ab Adriano Archiepifcopali ejus dignitate , quæ diu ſiluerat in ea Sede , loquebamur . De **DANIELE** *Epifcopo Narbonenſi* , altum eſt ſilentium : quin ipſum nomen , quippe abraſum in Codice , ignoraretur , niſi ex Panvino illud cum aliis eduxiſſet Sirmondus . De duobus autem ſequentibus **HERMEMBERTO** *Epifcopo Joabione* , & **VERABULPO** *Epifcopo Burteuulgi* , quorum Sedes uſque ad hunc diem latentes , incertæ emerſerunt , quid conjectura aſſequi potui , enarravi ſecundo capite . Id tantum adjungam meæ conjecturæ , quod Ermembertos tres video intra viginti annorum ſpatium in Galliis , videlicet qui Lateranenſi Concilio interfuit ; quem vidimus eſſe factum Archiepifcopum Bituricenſem ab Adriano (niſi forte erat idem) & Ermembertum Presbyterum , quem Ca-

VL
6. Gaviennus
Epifcopus Turen-
nenſis .

7. Ado Epifc.
paulLugdunenſis.

8. Hermem-
bertus Epifcopus
Bituriculus .

9. Daniel Epif-
copus Narbon-
nenſis .

10. Hermem-
bertus Epifcopus
Joabione .

11. Verabul-
pus Epifcopus
Burdegal .

rolus Magnus misit Romam, quum de Ravennatis Archiepiscopi ordinatione cum Adriano agebat. (*Cod. Carol. ep. 71.*) quæ ostendunt, id nomen, ut de Willicario agebam, illa, ætate fuisse celebre, ac proinde in rei cognitionem vi nominis veniri non posse.

VII.
17. Erlulfus
Episcopus Lin-
goniensis.

ERLULFO Episcopo Lingonicensi. Hunc Lugdunensis Suffraganeum vario agnoscunt nomine Sammarthani; nam, Herlulfum, Hariolfum, & Arlulfum, præter Erlulfum, nuncupari testantur: estque is celebris ob excitatum Monasterium Elvvacense, quod & Elvvangense, Elephancense, seu Elephantiacum appellatur, an. 764. Mabillonius id Monasterium collocat in Diocesi Augustana. De *TILPINO Episcopo Remensi*, cujus nomen injuria temporis periit in Codice, at in Schedis Panvini servatur integer, abunde loquitur Flodoardus (*Hist. Rem. libr. 2. capp. 16. & 17.*) Idem assumptus fuit ex Monasterio S. Dionysii, diutissimeque, annis videlicet 47. Remensem Ecclesiam gubernavit, multa Ecclesiæ suæ vindicans antiqua jura. *Præterea multi*, ait Flodoardus, *sub hujus Præsulis Episcopatu res suas ad Ecclesiam Remensem tam S. Mariæ, quam S. Remigio contulerunt.* Colvenerius ad hujus Præsulis historiam observat, hunc vocari ab aliis Turpinum, seu Joannem Turpinum, cujus nomine extat inter Scriptores Germanicos Reuberi, historia Caroli Magni, & Rolandi, quam cæteroqui Papirius Massonus, & Possevinus recte putant esse fetum otiosi hominis juven-
tuti moremgerentis: & nos ipsi videmus ejusdem ingenii homines eam historiam sequi, ut Ludovicus Areostus sæpe, suis fabulis additurus fidem, illa utitur, quam inde etiam potiori jure abjudicandam intelligo Remensi huic Antistiti, cui supra vidimus Adrianum Papam graviore Ecclesiæ causas cognoscendas demandasse. Duodecimus, & postremus Francorum Episcopus, qui Concilio adfuerunt, est Noviomensis, qui ordine quartusdecimus sedit, ut legitur in Codice: *GISELBERTO Episcopo Noviomu.* Hic in Gallia Christiana appellatur Gilbertus, estque inter Noviomenses xxxii. quem Sammarthani obiisse diem suum referunt anno 782. sedendique ordo juniorem cæteris Francis eum, fuisse demonstrat. De nostris Italis mox referam quidquid com-

11. Tilpinus
Episcopus Re-
mensis.

24. Gilbertus
Episcopus No-
viomensis.

compertum habui, idque magis ut singula eorum nomina, recenseam, quam ut Concilium illustrem: quæ enim historiarum pars ad id faciebat, persecutus eam sum superiori capite de Ravenatensi, & Ostiensi Sedibus loquens, quarum Episcopos Sergium, & Georgium primo, & tertio loco sedentes jam recensui.

JOSEPH Episcopo Derzona. Hunc Ughellus ad Cathedrali Dertonensem ait esse assumptum an. 753. ac 765. esse mortuum, cui successerit Flavianus, quem eo anno vivere deprehendit. At noster Codex post quadriennium cum vivere, ac Romam ex Provincia Italia ad Concilium venire ostendit. Sirmondus, qui Vulfrannum Meldensem non legit in Schedis Panvini, uterque autem hunc Francis incertæ Sedis adjunxit, quæ res multorum fatigavit ingenia, ac demum, ut legitur in Gallia Christiana, inter Avenionenses numeratur. Inde vero eradendum Codex jubet, Dertonensisque Josephi Ughelliani ætatem protrahendam, Flavianum primordiis circa annum 769. collocatis. *LANFRIDO Episcopo Castri.* Sedis hujus elapso seculo Aquæpendenti unitæ principium. Ughellus deducit a seculo nono jam adulto, quum Beatum Bernardum Balneoregiensem primum Castri Episcopum Leone IV. Pontifice floruisse putet. Ejus autem Continuator ab Holstenio edoctus, tempore Leonis IV. præesse Castrensi Ecclesiæ Jordanem, qui anno 853. subscribit Concilio Romano, B. Bernardi ætatem multo vetustiore facit; quin & Custoditum Concilio Agathonis subscribentem an. 680. duobus ferme seculis antiquiores Castrenses Episcopos fuisse ostendit. Noster Lanfridus observata Continuatoris amplificat; nec dubium est, quin alii alique emergant vastam plurium seculorum lacunam Ughelli repleaturi. Cæterum hujus Sedis primordia non sunt antiquiora septimo seculo, ut constat ex Geographia Sacra Caroli a S. Paulo, qui eam non novit. *AURINANDO Episcopo Tuscanæ.* Antiquissimæ hujus Sedis Episcopus Aurinandus eruditissimum virum Abbatem Mariani præterit: collocari igitur potest in ca. 140. annorum lacuna, quæ Vitalianum subscribentem, epistolæ Agathonis; dividit a Gaudemundo, qui Concilio Romano interfuit Eugenii II. an. 826. quoad novus aliquis

VIII.

15. Josephi I pi.
Episcopus Dertonæ.16. Lanfridus
Episcopus Castri.17. Aurin-
andus Episcopus
Tuscanæ.

iii-

DISSERTATIONIS

104

18. Balneo-Regien-
sis Episcopus.

indidem Episcopus exciteretur *BALNEO Regiensis*. Perinde est de Balneoregensi, cuius nomen non est datum deprehendere. Quamquam enim Ughellus post Joannem huius Sedis primum Episcopum, alium non agnovit, præter Alifredum, quem a Baronio didicit, prædicto Concilio Eugenii II. interfuisse; tamen Ughelli Continuator vidit *Clarensem* Episcopum Balneoregis laudatæ Agathonis epistolæ subscribere. *PETRO Episcopo Polonii*. Neque Ughellus, neque Continuator hunc Petrum ullibi invenerunt: quare inter Ancaurum, sive Ancarum a Baronio memoratum anno 756. Ughello tertium, & Continuatori quartum Populonii Episcopum locandus erit. Qui autem illi successerit incertum, nam usque ad Concilium Eugenii II. 826. cui adest Garipertus, seu Guripertus, ut vidit Baronius, & docuit Holstenius, prolato eodem Concilio, alius Populonii Episcopus non occurrit.

19. Petrus Populonensis Episcopus.

IX.
20. Feleradus Episcopus Lunensis.

FELERADO Episcopo Lunensi. Ughellus post Severum certæ ætatis, qui subscripsit epistolæ Agathonis anno 680. in Catalogo Lunensium Episcoporum undecimum, nuda habet nomina Lenthecorii, & Apollonii, numeratque quartumdecimum Gualcherium æqualem Caroli Crassi. Ejus Auctor duos inserit post Apollonium, Petroaldum videlicet, & Theudoaldum; nos vero a Concilio Lateranensi discimus, Feleradum præmitti oportere Petroaldo. *THEODORO Episcopo Papie Ticini*. Ticinensium Episcoporum seriem a Bossio editam sequutus Ughellus duos affert Theodoros, quos dividit S. Petrus; utriusque tamen facta seorsim enarrans, utrobique suspicionem significat, qua Bossio libenter adversaretur, unicuique Theodorum ex duobus faceret. Henrichenius ad diem 20. Maji S. Theodori Successoris Sancti Petri vitam affert, unde cum liquet esse ordinatum a S. Zacharia, ad quem extant ejus literæ; eundemque esse mortuum XIII. Cal. Junii anno 788. constans opinio est. Quare videtur recte suspicatus Ughellus, dum unum credidit Theodorum; at quum epitaphium apud Grutherum extans, quo utitur Henrichenius, testetur Theodorum successisse Petro, non contra, retrahi oportet S. Petri ætatem, itaut quo anno dicitur ordinatus, in vivis jam non esset.

21. Theodoros Episcopus Papie Ticini.

Quam-

Quamvis enim credibile videretur, Petrum sedisse medio eo tempore, quo Theodorus a Desiderio expulsus erat, indeque duplicis Theodori occasionem Bosio datam esse; quum tamen Paulus Diaconus (*libr. 6. cap. 58.*) referat Sanctum Petrum floruisse tempore Liutprandi, qui fato functus est anno 744. non egeamus Henschenii Chronologia (*die 7. Maji*) quo eum Theodoro non successisse agnoscamus anno 751. ut vult Ughellus. Cæterum laudato ex epitaphio discimus S. Theodorum revocatum ab exilio, quum Carolus regnabat in Italia, post sublatum inde Desiderium anno 774.

Et patrias iterum me fecit cernere terras

Tempore, quo Carolus Rex Magnus, & optimus istas

Tenuit, & rexit grandi pietate benignus.

PETRO Episcopo Cava. Idem Petrus subscribebat octo ante annos Concilio, seu mavis Constituto Pauli I. De ejus Successoribus, Romano, qui interfuit Concilio Eugenii II. & Adriano, qui subscribit Concilio Leonis IV. Baronius, & Holstenius mentionem faciunt, ac de Benedicto ejusdem Sedis Antistite per seculum undecimum Ughellus. MAURINO Episcopo Poli Martii. De hoc Episcopo nihil compertum habeo præter nomen: est autem collocandus inter quartum hujus Sedis Episcopum Joannem, & quintum Agathum, seu Agathonem, de quibus supra cum Continuatore Ughelli.

LEONE Episcopo Castelli. Castellanos, seu Civitatis Castellæ Episcopos reperire non est, nisi post sextum seculum, ea enim urbs e Tiferni rudibus excitata est. Excidium, unius, alteriusque originem Ughellus in quarto Tifernatium Episcopo S. Floro, seu Florio amplectitur: *Oculis ipse hausit, inquit, Tiferni excidium, quod prædabundi Tostile milites immerenti Civitati intulere: perfugisque ad Herculanum Perusium, ut apud Magistrum salutare inveniret effugium, ut cum serustis Civibus desolata deinde Civitati posset usui esse. Itaque quum rabiem exsatiassent Victores, atque alio circumferrent vicia signa, progressus Florius cum iis, qui Perusium perfugerant, Civibus, ex patria ruinis parvum excitavit Castellum, unde rediit Civitati indidere nomen antiquo suppresso: quod & testatur Philippus Ferrarius (13. Nov. ex monum. Eccl.*

21. Petrus Episcopus Caven-
sis.

22. Maurinus
Episcopus Poli-
martii.

23.
24. Leo Epi-
scopus Castellæ.

Tifern.) Hinc postea Episcopi uelut plurimum Castellī, seu Castellani appellati, tametsi & Tifernates quandoque dictos docent Concilia, ut anno 761. Prædecessor Leonis Bonifacius subscribebat Constituto Pauli, antiquo Tifernatis nomine: sed Stabilis, quem primum post Bonifacium agnovit Ughellus, Concilio Eugenii II. subscribit *Castello Felicitatis*;

35. Sergius Episcopus Ferentinus.

& ante eum noster Leo, ut videmus, *Castelli*. *SERGIO Episcopo Ferentini*. Ughellus post Stephanum a Baronio allatum in subscriptionibus Constituti Pauli I. descendit ad Hadrianum, qui Leonis IV. Concilio subscribit: quare noster Sergius dici potest Successor Stephani in Ferentina Cathedrali.

36. Jordanes Episcopus Signin.

JORDANE Episcopo Signia. Signini hujus Episcopi nomen in nostro Codice ob temporis injuriam periit, at servatur in libro Pontificali (*Anast. sect.* 287.) eum quippe cum Andrea Prænestino adhibuit anno 770. Stephanus III., ut moneret Christophorum Primicerium, hujusque filium, Sergium Secundicerium, quomodo sibi caverent ab scelesti Desiderii fraudibus, qui Pontificem ipsum dire vexabat: Jordanes igitur haud dubie fuit, dandusque erit Successor, ni fallor, Joanni, quem Ughellus vidit affuisse Concilio Sancti Zachariæ anno 745. *ADONE Episcopo Ortenfi*. Non est dubium quin hic Episcopus idem sit, qui anno 761. subscribens Constituto Pauli I. Adam vocatur, Baronio, & Ughello cognitus. *ANSUALDO Episcopo Narnia*. Ughellus ab Willari, qui S. Gregorii II. decreto subscripsit anno 721. ad Stephanum descendit Leonis IV. æqualem inanem Episcopis relinquens Sedem Narniensem: en interim Anualdus, qui vastam hanc lacunam imminuet.

37. Ailo Episcopus Hortens.

38. Anualdus Episcopus Narn.

XL
39. Nirgotius Episcopus Anagnin.

40. Agatho Episcopus Sutrin.

41. Anus Episcopus Centumcellarum.

NIRGOTIO Episcopo Anagnia. Novum, & Anagnina Sedes: Antistitem Nirgotium Concilii hujus beneficio acquirat antea ignotum, quem Diptychis suorum Præfules adjunget post Constantinum, qui subscripsit Pauli Constituto. *AGATHONE Episcopo Sutri*. Seriem hic annorum magis amplam inter Sutrinus Præfules Gratiosum, & Valerianum reperit, a tempore enim S. Zachariæ, ad Eugenium II. nullus memoratur Episcopus ejus Sedis. *ANO Episcopo Centumcellarum*. Assequi nullatenus potui excelsi hujus nominis principium, ut antiquatæ huic Sedi darem integrum An-

Antistitem, centum viginti post annos Martini Successorem, qui anno 649. interfuit Concilio Lateranensi; cum quippe diuturnum aliud Successorum silentium excipit, usque ad Petrum, qui adest Concilio Eugenii II. *THEODORIO Episcopo Tiburtinensi*. Tiburtinum hunc Episcopum liber Pontificalis, & ex eo Baronius, Theodosium appellant, non Theodoricum, ut Ughellus Baronii autoritate abutens. Theodosius igitur post Concilium sequutus Pontificem Stephanum cum aliis Præsulibus ad S. Petrum Apostolorum Principem nudis pedibus, ubi Leontius Scriniarius Actis Concilii ex Ambone lectis populo, descendit; una cum Gregorio Silvæ Candidæ, & Eustratio Albano, in eodem, ait liber Pontificalis, *præsata Ecclesia ambone ascendentes, anathematis obligationem protulerunt, si quisquam præsumat quoquo tempore transgredi quidpiam de omnibus, quæ in eodem Concilio statuta sunt.* Eundem post annos quatuor Stephani Successor Adrianus sibi metuens a Langobardorum Rege Desiderio, postquam omnia disposuit Romæ, Legatum misit cum prædicto Eustratio Albano, & Andrea Prænestino, ad audacissimum Regem: *Factoque in scriptis anathematis verbo direxit eidem Regi, qui, ut prosequitur liber Pontificalis in vita Adriani, suscepto eodem obligationis verbo per antefatos Episcopos, illico cum magna reverentia a Civitate Viterbiensi confusus ad propria reversus est.*

PINIO Episcopo Tribus Tabernis. De hoc Episcopo nil compertum habeo præter nomen, adeoque successisse cum video Parvo, qui anno 761. subscribebat Constituto Pauli I. De ejus autem Sede, vulgo Cisterna, sum loquutus superiori capite. *BONIFA Episcopo Privernensi.* Et de hujus Sede, nunc vulgo Piperno, ibidem egi utpote antiquata. De Bonifa enim, seu Bonifacio ante Eleutherium tempore Eugenii II. collocando, nihil suppetit. *NINO Episcopo Alarino.* In Catalogo Alatrinarum Præsulum omnium primus occurrit Saturninus, qui Concilio Generali sexto subscribit anno 680.; non enim septimo seculo antiquior est ea Sedes. Quare, ni fallor, Saturninus & hic dicebatur, supplere tamen exesam nominis partem propria autoritate non ausim. Quomodocumque appellaretur, Sebastiani est

32. Theodosius Episcopus Tiburtinus.

XII.
33. Pinus Episcopus Trium Tabernarum.

34. Bonifa Episcopus Privernensis.

35. ninus Episcopus Alarinus.

Successor, qui, ut Baronius, & Ughellus obsecrant, interfuit Concilio Romano sub Zacharia, neque ullus ejus Successor est obvius ante annum 853. sub Leone IV. cujus Concilio adest Leo Alarinus. *VALERANO Episcopo Trebe*. Hic, ni fallor, successit Grisoni, quinto ex hucusque cognitis Trebæ Episcopis apud Continuatores Ughelli, siquidem in Concilio S. Zachariæ subscripsit anno 743. *BONO Episcopo Manturianensi*. Hujus quidem Sedis Episcopus late vagari potest ab anno 769. quum Lateranensi Concilio aderat, versus institutæ suæ Sedis primordia, de nullo enim certo ejus Prædecessore constat, & post Concilium usque ad Successorem ejus Theodosium, qui Concilio Romano interfuit 826. *GREGORIO Episcopo Silva Candidæ*. De hoc Episcopo Cardinali loquutus sum nuper una cum Theodosio Tiburtino, cum illo siquidem res ejus gestæ conjunctæ sunt: hic autem notari velim, quod Gregorius iste non est idem, ut putat Baronius, qui Constituto Pauli subscripsit; namque est recentior ordinatione Tiburtino Theodosio, qui successerat Joanni post idem Constitutum.

38. Valeranus
Episcopus Tre-
be.

39. Bonus E-
piscopus Mantu-
rianensis.

40. Gregorius
Episcopus Silva
Candidæ.

XIII.

39. Eustratius
Episcopus Alba-
nus.

EUSTRATIO Episcopo Albano. Quod nuper de Gregorio ajebam, mirum in modum comprobatur ab Episcopo Cardinali Albano; Constituto enim Pauli subscribebat Leo hujus Prædecessor. Unde liquet, quod Eustratius erat aliquanto junior consecratione, quam Gregorius. Ad Eustratium vero quod spectat, is cum Citonato Episcopo Portuensi, ad quos pertinet consecratio Pontificis, vim a Psuedo-Papa invasore, ejusque fautoribus passi, adstiterunt Georgio Prænestino locum explente Georgii Ostiensis, qui apud Regem Francorum Legati munere fungebatur. Præterea id præstitit post Concilium Lateranense cum Episcopis Silvæ Candidæ, & Tiburtino, quod supra dictum est de Theodosio Tiburtino, quicum, Andrea etiam Prænestino accedente, legationem obiit ad Desiderium Regem. *POTHO Episcopo Nepefino*. Nequicquam Ughellus Baronii autoritate utitur, ut Joannis Nepefini supremum diem ad annum 770. producat, minuta ea literarum O. P. Q. A. interpretatione; nam Pothus inutile id studium eludit, redditque probabilior Joannis ætatem, qui subscribit Concilio S. Zachariæ anno 743. nec

40. Pothus E-
piscopus Nepe-
finus.

nec veri videtur simile, quod vitam post id temporis septem & viginti annos produxerit; quum præsertim Episcopis aliis, qui S. Zachariæ Concilio aderant, non esset junior. *CIDONATO Episcopo Portuensi*. Citonatum appellat liber Pontificalis, qui cum adfuisse refert ordinationi Pseudo-Papæ a Georgio Prænestino factæ. *ANTONINO Episcopo Cefine*, & *JOANNE Episcopo Fentia*. Utrumque emissum ab Archiepiscopo Sergio, cujus erant Suffraganei, testatur Codex; qui Sedium nomina pro barbara illa ætate corrumpit: at Cefinam pro Cæsena videre etiam est in epistola 54. Cod. Carol. & Cæsniam in Embolo epistolæ 31. Cæsenates Episcopos aliquot octavi seculi Ughellus educit ex monumentis; præ aliis Mancium, quem vixisse putat anno 780. ex quodam sigillo in Archivo Minorum extante gloriatur ab oblivione vindicasse. Huic igitur Mancio dabitur Prædecessor Antoninus noster Claudii Successor, juxta ordinem Ughelli. Rariora is habet nomina Faventinorum Præfulum: nam a Concilio Agathonis anno 680. cui aderat Vitalis, ad Leonem descendit, qui florebat 824. octavum omnino seculum vacuum relinquens. Quamobrem Joannes maximo hinc inde intervallo distans Faventinis restituendus. *STABILINO Episcopo Pensauri*. Fortasse hic successit Andree, quem vidit Ughellus apud Baronium anno 743. nulum enim deinceps novit usque ad 820. *MAURO Episcopo Fanensi*. Perinde est de Mauro, cui trium & viginti annorum spatium amplius relinquit, nam ab Amato apud Baronium anno 743. ab eodem Baronio Joannem discit 853.

JUVIANO Episcopo Gallis. Ante hunc Juvianum Galliciæ Sedis Præfulem nullum offendere datum est, neque post eum alium quam Donatum, qui 826. Concilio Romano interfuit Eugenii II.: quare ut de Manturiano ajebam, ita de Gallezii hoc Antistite dicam necesse est: hunc nimirum primum omnium ejus Sedis occurrere. *GEORGIO Episcopo Senogallia*. Hic successit Anastasio, qui subseribebat Constituto Pauli anno 761. ut vidit Baronius. *SERGIO Episcopo Ficuciensi*. Sedis hujus nomen excidit; at de ejus antiquitate Rubeus in historia Ravennateni, unde Ughellus decerpit sua. Cervienensis hodie dicitur in miraculi cujusdam

49. Ciconatus
Episcopus Portuensis.
49. Amirius
Ep. Cefina.
53. Joannes Episc. Faventia.

44. Scabellus
Ep. Pilsuren.
45. Maurus Episc. Faventia.

XIV.
46. Juvianus
Ep. Gallis.

47. Georgius
Ep. Senogallia.
48. Sergius Episc. Cervienensis.

memoriam, estque Suffraganea Ravennatis. Nec Ficucle, aut Ficole, ut corrupte noster Codex, sed Ficode, seu Phycode olim appellabatur. Georgium vero ejus Sedis Episcopum nemo hucusque agnovit, *TIBERII Episcopi Ariminensi*. Episcopus hic, æque ignotus omnibus, collocari potest inter Agnellum, qui S. Zachariæ Concilio interfuit, an. 743, & Stephanum, qui subscribit Concilio Leonis IV. 853, Ughello cognitos ex Baronio. *FLORENTINO Episcopo Eugubii*. Hic item duos inter Benenatos Ughello notos ex Annalibus Baronii, primum 721. quem ego non novi, alterum 726. in Concilio Eugenii II. collocabitur. *TEMAURINI Episcopi Orbini*. Sedes ista plurimum Episcoporum indigens, nam sex, & quadraginta supra centum annis altum de iis silentium apud Ughellum occurrit, a Concilio videlicet Agathonis anno 680. celebrato ad Eugenii II. Concilium alterum 826. Témaurinum interim nostro Codici acceptum referet, per Gregorium Presbyterum Legatum suum, in Concilio Lateranensi cum aliis sedentem. *CIDONATO Episcopo Villitris*. Et Veliternensium Episcoporum, ut de Eugubinis nuper vidimus, non novit Ughellus nisi Joannem toto seculo octavo, qui Gregorii II. decreto subscriptis anno 721. quare ex nonnullis, qui interciderunt Præsulibus Cironatus jam demum emergit, Diptychorum defectum aliqua ex parte impleturus.

xv.
Conclusio

Jamque, ad Apostolicæ Sedis gloriam, Sediumque Episcoporum ornamentum, quarum Antistites in Venerabili Basilica Salvatoris cum Stephano III. congregati Concilium hoc Lateranense celebrarunt, quod principio Dissertationis sum pollicitus, expleſſe videor. Quatuor siquidem capitibus amplexus sum partem illam integram Concilii, quam nobis injuria temporum auferre non potuit. Utinam pretiosi adeo monumenti fragmentum aliud me superſtite proferatur! Aut enim ipſe acquiſito jure interpres ſiam, aut eruditum Scriptorem aliquem de veteri præſertim diſciplina diſſerentem auſcultabo. Equidem, quod præſtare potui de hac re, ſuper reliquis in hoc fragmento enarratis, in Præſatione indicavi nonnulla, quæ inſtar argumenti erunt dicendorum, ſiquando fragmentum aliud Concilii ejuſdem Patriarchalis in lucem pro-

prodeat. Cæterum post Episcopos, de more confidebant Presbyteri Cardinales, qui suos Titulos, ut sæpe aliis in Conciliis factum videmus, siluerunt. Quum autem fere omnes subscripserint ante annos octo S. Pauli Constituto, eisdem tenere non est difficile. Archipresbyter nempe *Gregorius* erat tituli S. Balbinæ, nisi forte ei successerat alter *Gregorius* tituli S. Anastasiæ, qui sub Paulo subscreebat tertio loco; nam annis quatuor, & viginti ante hoc Concilium idem *Gregorius* Archipresbyter, nempe Presbyteris aliis senior, intererat Concilio S. Zachariæ. *Theophi*, seu *Teophilus* tituli Sathæ Sabinæ. *Eustachius*, qui *Eustochius* in Constituto Pauli, tituli incerti. *Clemens* tit. S. Anastasiæ. *Donatus* tit. Sancti Sixti. *Armogenius*, qui *Hermogenes* in Constituto Pauli nuncupatur, tit. S. Priscæ. Duo reliqui juniores aliis *Theophilatus*, & *Theodosius*; quia posteriores laudato Constituto Pauli, titulum nobis incertum habuerunt. Post Presbyteros adstabat (quod solenne erat Diaconorum in Concilio) Archidiaconus *Anastasius*, Successor nimirum Petri qui subscripsit Constituto Pauli. De ceteris Concilio adstantibus nihil mea interest dicere; nisi forte sicuti videretur novum Cœnobium Græcorum Romæ audire. Nam præter conditum a S. Paulo in domo propria juxta Anastasium hodie juris Sanctimonialium S. Silvestri in Capite, narrat Cardinal. Baronius ex Arcopagiticis Hilduini, quod Stephanus e Francia redux ædificare cepit monasterium S. Dionysii, a fratre postea Paulo consummatum, qui velut a fratre Prædecessore jussus fuerat, famulatores Domini natione Græcos inibi constituit, & idem monasterium ad SS. Martyres in Schola Græcorum appellari fecit. Cætera ex ordine Romano satis liquent, ad congregatos huiusmodi Patres, Episcopos, & Presbyteros confidentes, Diaconosque, Religiosos, ac Laicos adstantes, quod spectat.

Estron, m. 754

F I N I S.



IN-

I N D E X.

Numeri, quibus præmittitur litera P, sunt marginales
Præfationis; reliqui omnes, paginarum.

A

- A** Bhatas monast. S. Petri Salisburg. succedunt Episcopis Sa-
lisburgensibus 64. 66.
Acoityorum Ordinatio. P, 14.
Alo Episcopus Lugdunensis 2. 101.
Ado Episcopus Hortensis. 3. 85. 106.
S. Adrianus Papa agit cum Carolo Magno de institutione Me-
tropoleon Galliarum. 48. Sub ejus Pontificatu non omnes Gal-
licani Metropoli præistinam dignitatem recuperant. 55.
Agatho Episcopus Sutrinus 3. 106.
Aginnum urbs Aquitania. 61.
Agnellus monachus, historicus Ravenn. Archiepp. schismate infe-
ctus. 97.
Astrinus Episcopus. 3. 107.
Abanus Episc. Card. Vide Ostiensis.
Alexander II. Sedem Aquilejensem exaltat. 78.
S. Anandus Trajecti Episcopus. 20.
Ambitus anathemate percutitur. 13.
Andreas Episc. Prænestinus. 107.
Ansualdus Narnia Episcopus. 3. 106.
Antoninus Episcopus Casena. 3. 109.
Aquensis Metropolis flet. 54.
Aquileja ab Hunnis excisa. 73. Ejus prærogativa 78.
Aquitania Piptno subjicitur. 61.
Archidiaconus in Conciliis stat. 4. Vide Archiepiscopus.
Archiepiscopus medio ævo apud Græcos minor Metropoli. 58.
Archiepiscopus cum Archidiacono, & Principio Notariorum, Se-
de vac. aut absente Pontifice, Ecclesiam gubernat. P, 7.
Areolus Ludovicus fabulosam Turpini historiam sequitur. 102.
Arno Episcopus Salisburgensis. 69.
Aurimandus Tuscanensis Episcopus. 2. 103.

B, in

B

- B**, in V, medio awo mutatur, & contra. 59. 62.
 Bajoaria Regno Francor. subicitur. 63. Misera ejus Eccle-
 sia conditio. 66.
 Balnreogienfis Episcopus. 2. 104. Vide Polimartium.
 Baluzius silentium Septimania Metrop. ignorat. 54.
 Baronius Card. Casar. 65. 79. 99.
 Bituricensis Metropolis instauratio. 53. & seq.
 Blanchinus Prasul, Franciscus. 83. P, 1.
 Bleda, seu Elera unitur Viterbiens Episc. 88.
 Bobium fit Sedes Episcopalis. 35.
 Bonifa Episcopus Privernensis. 3. 107.
 S. Bonifacius Germania Legatus Roma ordinatur Episc. a S. Gre-
 gorio. II. 52. Sacramentum ab eo prastitum S. Sedi. Ibi. In
 Galliam vocatur. 26. In Bajoariam pergit. 65. Res praelare
 ab eo gesta. 43.
 Bonus Episcopus Manturianensis. 3. 108.
 Bulseramus. Vide Volfmannus.
 Buraburg, seu Burisburgum Sedes Episcopalis. 60.
 S. Burchardus Vvitzburgensis Episcopus. 61.
 Burdegala in Pipini ditionem venit. 61.
 Burtuvulgum nomen corruptum. 60. 62.

C

- C**elestinus III. forte Viterbien. Episc. instituit. 88.
 Carenfis Sedes antiquata. 91.
 Cardinales Episcopi. 79. 82. & seq. Olim in Conciliis sedebant
 Episcopi intermixti, juxta atatem Ordin. 80.
 Cardinales Presbyteri in Conciliis sedent. 3. Autoritas eorum an-
 tiqua. 84. Nomen antea commune, nunc ipsorum privatum. 85.
 Septenaria eorum partitio per Patriarchales. 83. & seq.
 Carolus M. Roma cum Adriano. 48. Ejus testamentum, in quo
 XXI. metropoles recensentur. 55.
 Carolus Martellus. 25. Saracenos in Aquitania vincit. 62. Re-
 gnum inter filios dividit. 68.

P

Cau-

- Causarum Eccles. cognitionis Ordo.* 53.
Centumcell. Episc. 3. 106. *Sedes Viterbio adnexa.* 88. 92.
Childericus III. creatur Rex Francorum. 68.
Cidonatus Episc. Card. Portuensis. 3. 109.
Cidonatus Episcopus Veliternensis. 3. 100.
Clemens II. Ravennatensem Sedem extollit. 78.
Clemens III. forte Viterbien. Episc. institutor. 88.
Clemens XII. optare prohibet Cardinales Episcopos. 80. *Ferrariensi Episcopo concedit Pallium.* 36.
Coincius novi silentium Metrop. Septimania. 54.
Colonia Agrippina fit Metropolis. 26.
Concilia. 19. P, 5. *Eorum subscriptiones, & confidendi ordo.* 47. 59.
Conc. iiii Gener. VIII. Canon XVII. adstruitur. 21.
Concordia Sacerdotii, & Imperii. 27. & seq.
Copolit. Patriarche audacia, & eventus. 72.
Constantini Copronymi scelesti impietas. P, 4.
Constantinus Totonis Nepefimi fr. intruditur in S. Sedem. 4. 8.
Consecrat Episcopos. 85. *Dat literas Pipino Regi.* 87. *Constitutus in Concilio.* 9. & seq.
Corepiscopus, & Speculator. 55.
S. Cuthbertus Dorovern. Archiep. S. Bonifacii amicus. 44.

D

- D**, in T, medio ævo mutatur, & contra. 59. 62.
Daniel Narbonensis Episcopus. 2. 101.
Desiderius Langob. Rex. P, 4. *Excommunicatur.* 107.
Diaconi ordinatio. P, 14.
Diaconissa olim ordinabantur. 97.

E

- E** Broinus Majord. Francie Eccl. Gallic. pessumdat. 24.
Ecclesia Gallicana conditio misera. 25. & seq.
Elusana Metropolis silentium. 54.
S. Emmeramus Ecclesiam Frising. regit. 67.
Episcopi a Pseudo-Papa ordinati, iterum consecrandi. 12.
Episcopi Gallicani, turbata Ecclesia vagantur. 72.

Erlut-

Erlulfus Episcopus Lingoniensis . 2. 102.
 Erminarius Episcopus Bisturicensis . 2. 101:
 Eudo Dux Aquitania Saracenos vincit . 62.
 Eustratius Episc. Card. Albanus . 3. 14. Concilii Later. anathe-
 mata pronunciat in Basilica S. Petri cum Gregorio Silva Can-
 dida Episcopo Card. & Theodosis Tiburtino . 14. 107. 108.
 Exarchatus Ravenna sit Ditionis S. Sedis . 74. & seq.

F

F Eleradus Episcopus Lunensis . 2. 104.
 S. Felix Ravenna Archiepiscopus . 77. Finem affert diuturni
 schismatis Ravennatis . 73.
 Florentinus Episcopus Eugubinus . 3. 110.
 Forenses Diaconi, &c. P. 14.
 Frisingensis Sedes ab Episcopis advenis gubernata . 67.

G

G Allestium Castrum adnectitur Civit. Castellana . 94.
 Gallicani Episcopi ad Concilium Lateranense convocantur . 4.
 17. & seq. A S. Martino item evocati fuerant . 20. Synoda-
 liter in Galliis congregati promittunt obedientiam & subjectionem
 S. Sedi . 44. 47.
 Gavius Episcopus Turonensis . 2. 101.
 Georgius Episcopus Card. Ostiensis . 2. 99. Diuturna apud Reges
 Francos Legatione fungitur . 86. & seq.
 Georgius Episcopus Senogallie . 3. 109.
 Gisebertus Episcopus Norwimensis . 2. 102.
 S. Greg. M. de S. Pallio . 41. Trium Tabern. Sedem addit Velitern . 92.
 S. Gregorius II. S. Bonifacio confirmat Legation. Germanicam . 43.
 Consecrat Episcopum . 52.
 S. Gregorius III. creat Archiepiscopum S. Bonifacium . 43. Mit-
 tit Pallium Metropolita Viennensis . 52. Ordinat Vemilum Pa-
 tauensem Episcopum . 65.
 Gregorius Episc. Card. Silva Candida . 3. 14. 85. 107. 108.

H

- H** Ermembertus Episcopus Joabione . 2. 101.
 Hincmari doctrina de Pallio rejicitur . 100.
 Hispanien. Eccl. ab Arianis pessumdata per Vic. Apostol. sustinetur . 29.
 Hutenius Lucas . P. 3. Concilia Eug. II. & Leonis IV. evulgavit integra ex Biblioth. Barberina . 81.

I

- SS. **I** Maginum veneratio vindicata in Concilio . 13.
 Joannes Episcopus Faventinus . 3. 109.
 Joannes Archiep. Ravennas ordinatur Roma . 74.
 Joannes Episcopus Salisburgensis . 65.
 Jordanes Episcopus Signinus . 3. 106.
 Joseph Episcopus Dertonenfis . 2. 18. 103.
 Italia facies Concilii tempore . P. 4. Polisia . 38. Sedes Episcopales antiquatae . 84.
 Iudices Palatini, sive Ordinarii . P. 7.
 Juvaria varia nomina . 62.
 Juvinus Episcopus Castri Galleffi . 3. 109.

L

- L** Anfridus Episcopus Castri . 2. 103.
 Leo Episcopus Castellanus . 2. 105.
 Leo Archiep. Ravenna usurpator domini S. Sedis . 75.
 Leo Isaurus usurpat Provincias, & Civitates Patriarchas. Occid. 37.
 Lingonensis Sedis varia nomina . 59.
 Lul, seu Lulus Episcopus Moguntinus . 2. 28. 86. 100.
 Lunensis Sedes Sarzana unita . 91.

M

- M** Ajordomatus Francia potentia incipit . 24.
 Manturanum, & Maturanum . 94.
 Marca Petrus de, arguitur . 21. 47.

Mariani Francisci opinio expenditur. 89.
Maurinus Episcopus Polimartii. 2. 105.
Maurus Episcopus Fanensis. 3. 109.
Mediolanum a Langobardis excisa. 73. Suffraganei ejus Sedis Me-
tropolis. 35.
Me'densis Sedes. 58.
Meiensis Sedes quare Archiepiscopalis. 58.
Metropoles prater Pontificis auctoritatem crecta corrumpit. 40.
Metropolita sine Pallio non est Archiepiscopus. 42. 47. & seq.
Metropolita nomine tenus. 58.
Metropolitica dignitas eversa in Gallis instauratur. 25. 28.
Moguntia fit Metropolis. 26. 28. Instauratur. 51.
Monachi Græci, & Latini. 4. 111. In Concilio stant. Ibi.
Monosbelita ab Agathone damnata. 19.

N

N *Arbo Saracenis erepta. 61. Metropolis silet. 54.*
Nicolaus I. contra Marcum defensio. 21. 47.
Nirgotius Episcopus Anagninus. 3. 106.
Notariorum Regionariorum munus. P. 6.
Noviomagensis Sedes varia nomina. 60.

O

O *Primates Militie, & Castrorum. 4.*
Ostiensis Episc. Cardinalis prerogativa. 2. 79. & seq. 85.
Cum Albano, & Portuensi Episc. consecrat Romanum Pontif. 79.
Ostiensis Sedes augetur Veliternensi. 95.

P

P *Aderbornensis Episcopatus erectio. 61.*
Pagius Antonius arguitur. 65. & seqq. 69.
Pagius Franciscus arguitur. P. 7. item, 21.
Pallium dari ceptum omnibus Metropolit. 28. 46. Duplex ejus
tradendi genus. 41. Quandoque Suffraganeis datum. 58. Eo
non conferebatur Vicariatus Apostolicus. 42.

P 3

Pa-

- Patriarchatus occid. ab Icomonachis mutilatur* . 37.
S. Paulus I. moritur . 6.
Petrocorium Urbs Aquitania . 61.
Petrus Episcopus Carenfis . 2. 85. 105.
Petrus Episcopus Populonis . 2. 104.
Pinius Episcopus Trium Tabernarum . 3. 107.
Pipinus eiecit Saracenos ultra Pyrenaeos . 62.
Polimartium Balneoregio adnectitur . 92.
Pontifex . Vide *Romanus Pontifex* .
Populonium Massa adjungitur . 90.
Portuensis Episc. Card. consecrator Papa . 79.
Posub Episcopus Nepefinus . 3. 108.
Primatus, & Vicariatus Apostolici discrimen . 41. 43.
Primatus in Gallia eversus . 25. 45. *Senonensis Metropolitae tribuitur* . 31.
Primicerius Notariorum . 5. *Ejus officium, & potestas absente Papa, vel Sede vacante* . P, 6. 7.
Principes sunt exterius Ecclesia brachium . 20.
Privernensis Sedes . 93.
Proceres Ecclesia . 4. 83. & P, 10.
Profectio Fidei a Metropolitae facienda, ut Pallium acciperent . 51. 53.
Provincia Ecclesiastica Pontificia institutionis sunt . 39.
Provincia Galliarum Civiles . 22. *Ecclesiastica* . 23. & seq.
Provincia Italia Civiles . 32. *Ecclesiastica* . 33. & seqq.

R

- R** *Avenna Sedes Imperatorum, & Regum* . 73.
Ravennas Archiepiscopus omnibus Metropolitae praefertur . 2. 77. & seqq. *Imitatur audacia Patriarcham Cp.* 73.
Remensis Metropolis instaurata . 51.
Romanus Pontifex eligebatur ex Presbyteris Cardd. & Diac. 11. P, 9.
Quandoque extra Collegium Card. ibi. Electionis, & sacramenti antiqua forma . P, 10. & seq. *Confirmari vult electionem ab Imperatore* . 56. *Quandoque consecrabatur absque Presbyteratus ordine* . P, 14. *Ejus funus non solemniter procurabatur* . P, 11. *Trina ejus potestas* . 18. *Circumspectio in evocandis Episcopis aliena Ditionis* . 20. *Archiepiscopus omnes Patriarchas* .

- triarchatus occid. aut ordinabat, aut Pallio confirmabat. 42.
 Quomodo administrat Exarchatum Ravenna. 74. 76. Usur-
 patum ab Archiepiscopis dominium queritur. 75.
 S. Rudbertus Salisburgensis Episcopus. 65.

S

- S**acerdotii, & Imperii jura non confundenda. 56.
 Salisburgenses Episcopi. 64. & seq. Eorum Sedes adificata. 66.
 Archiepiscop. honorem assequuntur. 62.
 Saraceni Septimaniam invadunt. 25. Pelluntur ultra Pyrenaeos. 62.
 Schifina Ravennat. Archiepiscoporum. 73.
 Scribanius legit Acta Ecclesiae, & Concilii. 5. 14. 107.
 S. Sedis prerogativa. 4. & seq.
 Senonensis Metropolis varia nomina. 98. Instauratio. 56. & seq.
 Honor Primatus. 31.
 Sergius Episcopus Ferentinus. 2. 106.
 Sergius Episcopus Ficomensis, seu Cerviensis. 3. 109.
 Sergius Archiepiscopus Ravenna. 2. 97. Ordinatur Roma. 73. & seq.
 Dominatum Exarchatus usurpat. 75. & seq.
 Sicilia juris Romana Metropolis. 20.
 Silva Candida adjuncta Sedi Portuensi. 96.
 Stabilinus Episcopus Pifauriensis. 3. 109.
 Stephanus II. redit ex Francia. 97.
 Stephanus III. P. 4. Convocat Gallicos, & Italos Praefules ad
 Concilium. 4. Quo absolute nudis pedibus ad S. Petri Basilicam
 incedit. 14.
 Subdiaconatus non erat ordo sacer. P. 8. Ejus conferendi forma. 14.

T

- T**, in D. medio aeo mutabatur, & contra. 59. 62.
 Temaurinus Episcopus Urbinas. 3. 110.
 Thassilo II. Dux Bajoaria a Pipino deficit. 63.
 Theodorus Episcopus Papia. 2. 104.
 Theodosius Episcopus Tiburtinus. 3. 14. 107.
 Thomassin opinio refellitur. 83.
 Tiberius Episcopus Ariminensis. 3. 110.

Tilpi-

- Tilpinus Episcopus Remensis* . 2. 27. 29. 30. 102.
Toto Nepeſinus Pſeudo-Papa frater . 7.
Trebia Spoletana Sedi adiungitur . 93.
Tres Taberna Veliternenſi Sedi adiunguntur . Ibi.
Tuſcana, ſeu Tuſcanella Sedi Viterbienſi unitur . 88. & ſeq.

V

- V**, in B, medio aro mutabatur, & contra . 59. 61.
Valeranus Episcopus Trebia . 3. 108.
Veliternenſis Sedes tributa Offienſi . 95.
Verabulfus Episcopus Burdegalenſis . 2. 101.
Vicariatus Apoſtol. & Primatus diſcrimen . 41. 43.
S. Virgilius Salisburg. Episcopus . 67. & ſeqq.
Viterbienſis Sedes Episcopalis . 88.
Vvaifaricus Aquitania Dux ſacrilegus . 61.
Vvillicarius Archiep. Senonenſis . 2. 28. 98.
Vvurtzburgenſis Episcopatus erectio . 60.
Vvulfrannus Episcopus Melden . 2. 17. 59. 86. 99.

Z

- Z** *Acharias tribus Palliis tres confirmat Archiepiſcopos a*
S. Bonifacio conſtitutos . 50.

Pag.	lin.	ERRATA.	CORRIGE.
<u>8.</u>	<u>15.</u>	Larerenenſis	Larerenenſis
<u>63.</u>	<u>6.</u>	<i>Jovano</i>	<i>Jovano</i>
<u>76.</u>	<u>4.</u>	quis credat .	quis credat ?
<u>77.</u>	<u>36.</u>	ſancto huic	ſancto hoc
<u>78.</u>	<u>27.</u>	æquum	æquum
<u>93.</u>	ult.	Concliiſ	Concliliis





